


UFUY



adlis WISS TNAYEN

Ufuy n řgens n Israyil zi Miřra
SIDI AREBBI iwca ttawrat i Musa
Aqıđun n umeřqi di řexřa

UFUY

Beddu n tesmuyi n Israyil di Mišra

1¹Ina aqqa d ismawen n ayt n Israyil i dd-yiwḍen ak-d Yaεqub ɣar Mišra. Kuř ijj *zzaysen* yus-dd ak-d *rağ n* taddart nnes. ²Rabin, Cimeun, Lawi d Yahuda, ³Issakar, Zabulun d Binyamin, ⁴Dan d Naftali, Jad d Acir. ⁵Marra řeεmur nni dd-iffyεn zi teejinna n Yaεqub, tuɣa-ten sebein. Yusef tuɣa-t di Mišra. ⁶Immut Yusef d marra aytmas d jjiř nni marra. ⁷Uca ayt n Israyil mmarenyen u jjin-dd řyigεt *ařami* zzaysen tessuffi *tmurt* uca twaktaren nitni s wařtas. Dewřen jehden ařtas uca teccur zzaysen tmurt.

⁸Iffey-dd xenni ij n ujeğid d jdid *ihekkem* x Mišra wenni tuɣa war issin Yusef. ⁹Inna i řgens nnes “Aqqa da, řgens n ayt n Israyil imeqqar u ijhed xaney. ¹⁰Řexxu, aqqa ad xas nehkem s řeεqeř, ħima war ttmarnin *ktar* uca, mařa imsar, mařa ikkar ca n řbaruḍ, ad issaren ak-d řeedyan nney, ad ggen řharb akidney uca *xenni* ad ffyεn zi tmurt.” ¹¹Řexdenni ggin xasen imeħḍayen n isemyan ħima ad ten degen *umi xasen ssarbun* ddquřat nsen. Bnan i Firεun tineddam n zzad, Fitum d Raεamsis. ¹²Maca meħař mma ten degen meħař mma nitni ktaren u meħař mma immarni leadaad nsen ařami iwḍen ad carhen ayt n Israyil. ¹³*X man aya* arrin Imiřriyyen ayt n Israyil d isemyan s uqabu ¹⁴uca ssarezgen tudart nsen s tesmuyi iqeřšen s ubeğae d llajur u s marra tismeyt deg iyyaren u s marra tasmuyi i xasen ggin s uyiř s uqabu.

¹⁵*Xenni* issiweř ujeğid n Mišra ak-d řqabřat tieibraniyyin, icten zzaysent qqaren as Sifra d tenneḍni Fuaεat, ¹⁶uca inna “Xmi i ya teawnent timyarin tieibraniyyin ad ařwent uca ad texzarent, xmi tyimant x řekrasi *n tařwa*, mařa d aħenjir, nyem t, mařa d taseymit, xenni jjem tt ad teddar. ¹⁷Maca řqabřat tuɣa tteggwedent AREBBI, war ggint muxas ten yumar ujeğid n Mišra, ħḍant tudart n iħenjiren. ¹⁸*Xenni* iřaya ujeğid n Mišra i řqabřat, inna asent “Mařa teggint aya, aqqa teħḍant tudart n iħenjiren?” ¹⁹Řqabřat arrint x Firεun “Timeřta tieibraniyyin war ġint amecnaw timyarin timiřriyyin, minzi nitenti jehdent, tařwent qbeř mma ad dd-tas řqabřa řarsent.” ²⁰Uca AREBBI igga mliħ i řqabřat uca řgens yarni uca imyār s wařtas. ²¹Ařmi ggwedent řqabřat AREBBI, yarzeq itent-idd s dduřrit.

²²Řexdenni Firεun yumur marra řgens, inna “Mkuř aħenjir i d ya ixeřqen, ndarem t deg iyzar d marra taħenjirt *i d ya ixeřqen* jjem tt ad teddar.”

Axeřqed n Musa

2¹Uca iruħ ij n weryaz zi *rağ n* taddart n Lawi, yiwi ict n tħenjirt n Lawi *d tamyart*. ²Teksi temyart s ddeyset uca tuřu aħenjir. Umi tezra belli dayes aźri, teffar it teřt chur. ³Umi war tezmār ead ad t teffar, teksi ict n tsuget n uyanim, teberi tt s uacarmuḍ d tizeft uca tessars dayes aseymi, tegg it jar uyamim x tma n yeyzar. ⁴Tbedd wuċmas ɣar řagg^waj maħend ad tzar min zzayes i ya ggen.

⁵Uca tehwa yeğis n Firεun maħend ad tessird ixef nnes deg yeyzar. Tuɣa tixeddamin nnes ggurent x tma n yeyzar. Nettat tezra tasuget deg uyamin uca tessekk taxeddamt nnes uca teksi tt i-dd. ⁶Ařami tt tarzēm, tezra aħenjir nni, uca xzar, aħenjir tuɣa ittru. Yudef i-tt uziğez, tenna “Wa d *ijj* zeg iħenjiren n Iεibraniyyen!” ⁷Řexdenni uċmas tenna i yeğis n Firεun “Ma ad raħey ad řaħiy x ict n temsudeřt d Taebranect maħend ad am tessuřteḍ aħenjir?” ⁸Tenna as yeğis n Firεun “Ruħ!” Truħ teبریřt, třaya i yemma n uħenjir. ⁹Tenna as yeğis n Firεun “Awi-dd aħenjir-a, tessuřteḍ it i necc u necc ad cem xeğsey.” Teksi temyart aħenjir uca tessuřteḍ it. ¹⁰Igma uħenjir uca tiwyi it ɣar yeğis n Firεun, idweř d mmis uca třaya as Musa, tenna “Aqqa jebdey t-idd zeg waman.”

Musa inya Umiřri uca yarweř

¹¹Deg wussan nni imsar, umi igma Musa, aqqa iffey-dd ɣar aytmas, maħend ad izar ddqeř d tamara *i xasen ssarebbun*. Izra ij n Umiřri iccat ij n weryaz d Aeibrani, ijjen zeg aytmas. ¹²Ixzar da d diha, izra belli war din ħed, *xenni* inya Amiřri nni uca iřbar it deg ijdi. ¹³Umi dd-iffey tiwecca nnes, izra tnayen n yeryazen iebraniyyen ttmenyan uca inna i wenni ittēddan “Mařa teccated umac?” ¹⁴Inna netta “Wi i cek iggin d arrays d řqaḍi xaney? Ma ittyiř ac ad ayi tenyed

amecnaw mammec tenyid Amiṣri?" *Řexdenni* iggwed Musa, inna "S tidett aya ittwassen!"

¹⁵Isṛa Fireun man aya, yarzu ad iney Musa, *maca* Musa yarweř zi ztat n Fireun uca *yarzu* x tzeddiyt di tmurt n Midyan, uca iqqim yar ij n wanu.

Musa ak-d Raeyuil, akehhan n Midyan

¹⁶Akehhan n Midyan tuya ħares sebea n yessis, tinni i dd-yusin ad aymen aman *din* uca ccurent swarej ħima ad wardent uęi n babatsent. ¹⁷Usin-dd iničan uca uzzřen xasent. Ikkar Musa řexdenni, ifekk itent, iward uęi nsent. ¹⁸*Umi* dewřent yar babatsent *umi qqaren* Raeyuil, inna asent "Mayemmi dd-tęeqbent ass-a deyya?" ¹⁹Nitenti arrint-idd xas "Ij n weryaz d Amiṣri ifekk aney zeg ifassen n iničan uca *ęawed* yuyem aney-dd aṭṭas n waman uca iward uęi." ²⁰Inna i yessis "I mani yeęa, mayemmi tejjint aryaz *din*? Ruĥ řayant i-dd xas ħima ad icc ayrum!" ²¹Uca iqbeř Musa ad izdey ak-d weryaz nni uca netta iwc as i Musa yeęis řaffura *d tamyart*.

²²Uca tejj as-dd aĥenjir, igga as Jarcum, minzi inna "Nec tuęa-yi d ayrib deg ict n tmurt d taýribt xafi."

²³Řami edun waṭṭas n isseg^wusa, immut ujeęid n Miřra uca ayt n Israyil ttnixsisen di tesmuęi *i di tuęa ddaren*, ssyuyyen uca iyuyyan nsen gaęeden yar AREBBI zi ssibbet n tesmuęi. ²⁴Uca issřess AREBBI i unisxes nsen, ixarřes AREBBI di řeahd nnes ak-d Ibrahim, Iřaq d Yaęqub ²⁵uca ixzar AREBBI yar ayt n Israyil uca AREBBI yargeb x *ummedur nsen*.

Ařayi n Musa yar wedrar n Hurib

3¹Yarwes Musa uęi n Yitru, adekk^wař nnes, akehhan n Midyan, indeh uęi awarni i řexřa uca yiwiđ-dd yar wedrar n AREBBI, yar Ĥurib. ²Iban as-dd **Imalak n SIDI** deg ij n uceęeuř di řwest n ij n cbarq n isennanen, u xzar, netta izra belli cbarq n isennanen tuęa icemmed, nnebřa mma ad tecc tmessi cbarq. ³Inna Musa "Ejj ayi ad qewsey *cwayt* maĥend ad zarey tamezriwta tameqqrant, mayemmi cbarq war icemmed ca." ⁴Řami izra AREBBI belli ija abrid maĥend ad izar *man aya*, iřaya-dd xas AREBBI zi řwest n cbarq n isennanen, inna "Musa, Musa!" Netta yarr-dd "Aqqa-yi dal!" ⁵Inna netta "War dd-ttqarrab ca danita, kkes tisira nnek zeg idaren nnek, minzi amcan ixef tbedded, aqqa-t d tamurt tqeddes." ⁶Inna *ęawed* "Nec d AREBBI n babac, AREBBI n Ibrahim, AREBBI n Iřaq d AREBBI n Yaęqub." *Řexdenni* Musa issduři ayembub nnes, minzi iggwed ad isweđ di AREBBI.

⁷Inna SIDI "Aqqa zriy ařšissey *i di iddar* řgens inu i ięan di Miřra uca sřię iyuyyan nsen ztat i imeĥdayen nsen n isemyan, aqqa ssney tamara nsen. ⁸Hwię-dd ħima ad ten ssnejmey zeg ifassen n Imiřriyyen, ad ten ssuffyey zi tmurt nni yar ict n tmurt teřbeĥ d tmiriwt, yar ict n tmurt issfeyyden s uęi aceffay d tamment, yar wemcan n Ikenęaniyyen d Iĥittiyyen d Imuriyyen d Ifiriziyyen d Iĥiwiyyen d Iyibusiiyyen. ⁹Xzar řexxu, aqqa tiweđ-dd ħari tyuyyit n ayt n Israyil uca *ęawed* zrię ddeę nsen i zi ten deęen Imiřriyyen. ¹⁰Řexxu xenni, ruĥ, ad cek ssekkey yar Fireun ħima ad tessuffyed řgens inu, ayt n Israyil, zi Miřra."

¹¹Yarra Musa x AREBBI "Min eņiy necc ařami i ħa raĥey yar Fireun, ad ssuffyey ayt n Israyil zi Misra?" ¹²Netta yarra xas "Nec ad kik iřię d tanita ad ac tiři d řeęřamet belli necc ssekkey-dd cek: x minni i ħa tessuffyed řgens-a zi Miřra, ad tęebdem AREBBI x wedrar-a." ¹³Inna Musa i AREBBI "Aqqa da, xmi i d ħa awđey necc yar ayt n Israyil uca ad asen iniy 'AREBBI n řejdud nwem issekk ayi-dd yarwem', *mařa* nitni ad ayi sseęsan xenni 'Mammec d as qqaren?', min d asen i ħa iniy *xenni*?" ¹⁴Inna AREBBI x Musa "Nec i ięan i ięan!" Uca inna "Ammu i ħa tinid i ayt n Israyil 'Nec ięan i ięan issekk ayi-dd yarwem.'" ¹⁵Inna AREBBI *ęawed* i Musa "Ammu i ħa tinid i ayt n Israyil, SIDI, AREBBI n řejdud nwem, AREBBI n Ibrahim d AREBBI n Iřaq d AREBBI n Yaęqub, issekk ayi-dd yarwem. D wa d isem inu i řebda u wanita *ad yiři* i řidaret dayi zi jjiř yar jjiř." ¹⁶Ruĥ, tessmuned imyaren n Israyil, ini asen 'SIDI, AREBBI n řejdud nwem, AREBBI n Ibrahim d Iřaq d Yaęqub, iban ayi-dd, inna: Aqqa ĥinneę xawem uca *zriy* min xawem sseedun di Miřra. ¹⁷Nnię, necc ad kenniw ssuffyey zi řeĥřaret di Miřra yar tmurt n Ikenęaniyyen d Iĥittiyyen d Imuriyyen d Ifiriziyyen d Iĥiwiyyen d Iyibusiiyyen, yar ict n tmurt i issfeyyden s uęi aceffay d tamment.' ¹⁸Ad sřen awař nnek uca ad traĥed, cek d imyaren n Israyil yar ujeęid n Miřra, ad as tinim 'SIDI, AREBBI n Iębraniyyen, imsagar akidney. Xenni řexxu, ejj aney ad neṭṭef abrid n třata n wussan di řexřa ħima ad nqeddem taýarřt i SIDI, AREBBI nney.' ¹⁹Maca necc ssney belli ajeęid n Miřra war kenniw ittejji ad traĥem mýir s ufus iqesřen. ²⁰Xenni ad sswiđdey afus inu, ad wtey Miřra s marra řeęjaye inu nni i dayes i ħa ggey di řwest nnes uca awarni i man aya netta ad kenniw ijj ad traĥem. ²¹Ad ĥinneę x řgens-a ztat i tiṭṭawin n Imiřriyyen uca, xmi i ħa traĥem, war dd-tetteffyem ca s ifassen ixwan. ²²Ad tettar kuř tamyart zi tajjart nnes d zi řeĥbab n taddart nnes řeqcuc n nnuqart d wurey d warruđen, uca kenniw ad ten teggem x tarwa nwem d yessitwem, *ammu* ad tkeccdem Miřra."

AREBBI issekk Musa yar Mišra

4¹Řexdenni yarra Musa, inna “Aqqa da, nitni war dayi ttimmen ca uca war ttesřin ca i wawař inu, minzi ad inin ‘SIDI war d ac-dd iban ca.’” ²Xenni inna as SIDI “Min ħarek deg ufus nnek?” Uca yarr-dd “Aemud.” ³Inna “Ndar it x tmurt!” Indar it x tmurt, idweř d ij ufiyar uca Musa yarweř zzayes. ⁴Řexdenni inna SIDI i Musa “Swizzeđ afus nnek, ttef it zeg unewwar nnes.” Isswizzeđ afus nnes, ittef it uca idweř *εawed* d aemud deg ufus nnes. ⁵“Hima ad amnen belli aqqa iban-dd SIDI, AREBBI n řejdud nsen, AREBBI n Ibrahim, AREBBI n Iřhaq d AREBBI n Yaequb.”

⁶Inna as SIDI *εawed* “Sidef afus nnek deg weřsin nnek.” Uca issidef afus nnes deg weřsin uca umi t-idd ikkes, aqqa da, afus nnes ibarř amecnaw adfeř. ⁷Uca inna “Dweř-dd ad tarred afus nnek deg weřsin!” Idweř-dd yarra afus nnes deg weřsin uca ieqeb issuffey it-idd zeg weřsin, uca xzar, idweř *εawed* amecnaw *tiřmect n* n arrimet nnes. ⁸“Mařa war cek uminen ca u war ħarek-dd sřin i min d asen i ħa tini řeeřamet tamezwarut, *xenni* ad amnen di min d asen i ħa tini řeeřamet taneggarut. ⁹Mařa nitni war uminen ca di tnayen n řeeřamat-a u war d ac sřin ca, aqqa ad teksid aman n iřzar uca ad ten tfarryed di řazař, u aman nni teksid zeg iřzar ad dewřen d idammen di řazař.”

¹⁰Řexdenni inna Musa i SIDI “A Arebbi!, necc war ħiy ca d aryaz n bu-tawařin, idennađ lla, *uřa* fariđennađ lla u zeg wami tebdid ad tessiwřed ak-d ismey nnek lla, minzi necc ħari aqemmum d iřes inu đeqřen.” ¹¹Inna as SIDI “Wi iwcin aqemmum i bnađem? Niř wi iggin ħed d aziynun niř d adeħcur niř d wenni ittwařan niř d adaryař? Ma war ħiy d necc, SIDI? ¹²Řexxu, ruř din, ad iřiy ak d uqemmum nnek, ad ac ssecney mliř min i ħa tinid.” ¹³Netta inna “A Sidi, sekk s ufus nnek, *min mma* i ħa tessekked.” ¹⁴Ixeyyeq SIDI ařtas x Musa, inna “Ma war iři Harun, Alawi, d umac? Necc ssney, aqqa netta issen ad issiweř. Xzar, aqqa ggur ad kic imsagar u xmi cek i ħa iřar, ad ifarř wuř nnes. ¹⁵Uca cek ad kis tessiwřed, ad as tegged awařen deg uqemmum *nnes*. Ggur ad iřiy ak-d uqemmum nnek d uqemmum nnes, ad awem ssyarey min i ħa tinim. ¹⁶Netta ad issiweř ak-d řgens deg wemcan nnek u netta ad ac yiři *amecnaw* aqemmum nnek u cek ad tiřid i netta *amecnaw* AREBBI. ¹⁷Ad teksid aemud-a, i zi i ħa tegged řeeřamat nni, deg ufus nnek.”

Aeqab n Musa yar Mišra

¹⁸Iruř Musa uca idweř yar udekk^war nnes Yitru, inna as “Ejj ayi ad raħey, ad εeqbey ħar aytma inni iřan di Mišra ħima ad zary, ma εad ddaren.” Inna Yitru i Musa “Ruř di řehna.” ¹⁹Inna SIDI *εawed* i Musa di Midyan “Ruř, tdewřed ħar Mišra, minzi aqqa mmuten marra inni tuřa yarezzun řmewt nnek.”

²⁰Iksi Musa tamyart nnes d tarwa nnes uca issenyi iten x weřyuř, idweř ħar tmurt n Mišra uca Musa ikxi aemud n AREBBI deg ufus nnes. ²¹Inna SIDI i Musa “Xmi i ħa traħed, ad tdewřed *εawed* ħar Mišra, ħarek ad tegged i Fireun marra řeeřayeb inni d ac ggiř deg ufus nnek. Maca ggur ad ssqesħey uř nnes u war ggur ad yejj řgens ad iffey. ²²Uca ad tinid i Fireun ‘SIDI inna ammu, Israyil d mmi d amenzu inu. ²³Aqqa nniř ac: Ejj ad iffey mmi ad ayi iεbed! Maca cek tugid ad tejjed ad irah. Aqqa da, necc ad nyey mmic, amenzu nnek.’”

²⁴Deg webriđ, deg ij n wemcan mani i ħa ssensen, immseřqa ak-d SIDI uca netta ixs ad t iney. ²⁵Řexdenni teksi řaffura ij n ufarric n wezru, texten tiřmect n mmis uca teřqef as iđaren nnes, tenna “S tidett cek d isři n idammen i dayi *teřid* i necc.” ²⁶Ijji it xenni. Řexđenni tenna nettat “*Cek* d isři n idammen *i teřid!*” di ssibbet n wextan.

²⁷Inna SIDI i Harun “Ruř ad teřqid Musa di řexřa!” Uca iruř, imsagar akis deg wedrar n AREBBI, issudem it. ²⁸Ixebbar Musa Harun x marra awařen *i d as inna* SIDI wenni i t-idd issekken d marra řeeřamat i d as yumur *ad igg*.

²⁹Xenni ruřen Musa d Harun, ssmunen marra imyaren n ayt n Israyil. ³⁰Uca issiweř Harun s marra awařen i tuřa inna SIDI i Musa uca igga marra řeeřamat qibač i tiřtawin n řgens. ³¹Uca yumen zzaysen řgens, sřin belli SIDI izziřez as ayt n Israyil umi iřza řeřřaret *i di řan* uca nitni bendqen izeřifen nsen uca seřden *as*.

Musa d Harun zzat i Fireun, řħakem x Mišra

5¹Awarni i man aya yudef Musa d Harun ħar Fireun, nnan as “Ammu iqqar SIDI, AREBBI n Israyil ‘Ejj ad irah řgens inu ħima ad ayi iεeyyed di řexřa!’” ²Fireun yarra “Min iεna SIDI umi i ħa sřey i wawař nnes uca ad jjeř Israyil ad iffey. Necc war ssiney SIDI u war ttejjiy ad irah Israyil.” ³Nnan “AREBBI n Iεbraniyyen imsagar akidney, ejj aney xenni ad nrař ticři n třata n wussan di řexřa, ad nqeddem tayařřt i SIDI, AREBBI nney, ħima war xaney ittseğed s řehrac niř s ssif.” ⁴Řexdenni inna asen ujeřid n Mišra “Mayemmi, a *kenniw*, a Musa d Harun, tessbeddem řgens x řxedmet nnes? Ruřem kenniw, tdewřem ħar ddquřat i xawem *narebbu*.” ⁵Inna Fireun “Xzar, aqqa řexxu řgens n tmurt d ařtas u kenniw ad ten tejjem ad ssarsen ddqeř *n řxedmet* nsen.”

⁶Yumur Fireun deg wass nni i imeḥḍayen n isemyan n řgens u i iweqqafen nsen, inna asen ⁷“Zi ssa d sennej war tetticem ead ca n uřum i řgens maḥend ad zzayes ggen llajur amecnaw iđennađ d fariđennađ. Jjem ten ad raḥen nitni, ad yrun řum s simant nsen. ⁸Uca kenniw ad xasen teggem ayiř maḥend ad ggen llajur iđennađ d fariđennađ, war zzayes ttessneqqiřem walu, minzi aqqa-yen d ifinyanen. S uyenni ssyuyun *ammu* u qqaren ‘Ejj aney ad nraḥ ad nqeddem tayarřt i AREBBI nney.’ ⁹Ejj bnađem ad yarni řxedmet iqeřen i xasen, řima ad ayes řhan ammu uca war tticcen *ead* taynit i wawařen n ixarriqen.”

¹⁰Řexdenni ruḥen imeḥḍayen n isemyan d iweqqafen nsen dinni uca nnan i řgens “Ammu i inna Fireun ‘Nec war d awem tticcey ca ead řum.’ ¹¹Ruḥem kenniw ad tyarwem ařum mani t i řa tafem, maca war xawem tetwakessi walu zi řxedmet nwem.” ¹²Řexdenni imbezze řgens x marra tamurt n Miřra řima ad yrun iyeğ deg wemcan n uřum. ¹³Uca imeḥḍayen n isemyan ziyaren xasen uca nnan “Kemřem řxedmet nwem, kuř ass min i dd-ittasen i kuř ass, am mammec tuya din řexdenni ařum.” ¹⁴Uca twafarcen iweqqafen n ayt n Israyil, inni xasen iggin imeḥḍayen n isemyan n Fireun, nnan *asen* “Mayemmi war tkemřem řxedmet n usewjed n llajur amecnaw řebda, iđennađ lla u eawed ass-alla?” ¹⁵Uca usin-dd iweqqafen n ayt n Israyil, ssyuyen řar Fireun, nnan “Mayemmi tegged ammu ak-d isemyan nnek? ¹⁶War ittmewci bu uřum i isemyan nnek, *waxxa amenni* qqaren aney ‘Ggem llajur!’ U xzar, aqqa isemyan nnek tetten aemud, maca aqqa řeib aqqa-t di řgens nnek.” ¹⁷Netta yarra “Kenniw texwam, texwam *ařtas*. S uyenni teqqarem ‘Ejjem aney ad nraḥ maḥend ad nqeddem tayarřt i SIDI.’ ¹⁸Ruḥem řexxu ad txdmem. Kenniw war tetteřfem ead ařum u ittxeřsa kenniw *eawed* ad teqqimem tsebbřem řeabar n llajur!”

¹⁹Řexdenni zřin iweqqafen n ayt n Israyil, nitni aqqa-ten di řařa, minzi itwana “Kenniw war ggur ad tessneqqřem walu zi llajur i d ittasen i kuř ass.”

²⁰*Umi* dd-ffyen x Fireun, mřadafen ak-d Musa d Harun, inni tuya din ibedden řima ad ten rajan. ²¹Nnan asen “D SIDI d wenni kenniw ittwařan d wenni xawem i řa iřekmen, minzi kenniw aqqa tessurřuđem aney ztat i Fireun d ixed-damen nnes umi d asen teggim ssif deg ifassen nsen maḥend ad aney nyen.”

²²Řexdenni idweř Musa řar SIDI, inna “A SIDI, mayemmi tzeyyared x řgens-a, mayemmi d ayi tessqaded? ²³Minzi zeg wami udfey řar Fireun řima ad ssiwřey s isem nnek, ideğ řgens-a u cek qac war tessenjmed ca řgens nnek.”

6¹Inna SIDI i Musa “Řexxu ad tžared min i řa ggey i Fireun, minzi s ufus ijehden ad kenniw yejj ad traḥem, *wah*, s ufus ijehden ad xawem yazzeř zi tmurt nnes.” ²Issiweř AREBBI řar Musa, inna as “Nec řiy d SIDI, ³Nec baney-dd i Ibrahim, d Iřaq d Yaequb am Arebbi Amzemmar, maca s isem inu SIDI, nitni war d ayi ssinen. ⁴Eawed ssgaedeey řeahd inu akisen aqqa ad asen wcey tmurt n Kenan, tmurt mani tuya teleen am řbarrani d min di ten tuya d řbarrani. ⁵Eawed nec řiy anixses n ayt n Israyil, inni itteggem Imiřriyyen d isemyan, aqqa eeqřey di řeahd inu *akisen*. ⁶X uyenni ad tinid i ayt n Israyil ‘Nec řiy d SIDI u nec ad kenniw ssuffuyey zi ddquřat *i zi xawem sbezzenzen* Imiřriyyen uca ad kenniw fekkey zi tesmuyi nsen, ad kenniw ssnejmey s uyiř iswizzden d řeřkam imyaren. ⁷Uca ad kenniw qebřey d řgens inu uca ad awem iřiy d AREBBI u kenniw ad tessnem belli nec d SIDI, AREBBI nwem, d wenni tuya kenniw issuffuyen zi sadu ddquřat *i zi xawem bezzenzen* Imiřriyyen. ⁸Ad kenniw ssidfey řar tmurt mixef ssgaedeey afus inu maḥend ad tt wcey i Ibrahim d Iřaq d Yaequb u nec ad awem tt wcey d řwart, nec d SIDI!” ⁹Ammu i issiweř Musa ak-d ayt n Israyil, maca nitni war sřin ca řar Musa zi ssibbet n řeřřaret n tnefssect d tasmuyi iqeřen.

¹⁰Uca issiweř SIDI ak-d Musa, inna ¹¹“Adef řar Fireun, ajeğid n Miřra, tinid as ad iđreq i ayt n Israyil ad ffyen zi tmurt nnes.” ¹²Maca Musa issiweř ztat i SIDI, inna “Xzar, ayt n Israyil war řari-dd sřin, mammec i d ayi i řa iseř Fireun u nec *aqqa* řari iyencicen war twaxetnen.” ¹³Řexdenni issiweř SIDI řar Musa d Harun, yumur iten ad umuren ayt n Israyil d Fireun, ajeğid n Miřra, řima ad issuffey ayt n Israyil zi tmurt n Miřra.

¹⁴**Ina d izeğifen x řwacunat zi taddart n ibabaten nsen.**

D tarwa n **Rubin**, amenzu n Israyil, *nitni d* Hanuk d Fallu, Hiřrun d Karmi. D ina d řwacunat n Rubin.

¹⁵Tarwa n **Simėun** *nitni* d Yamuyil d Yamin d Uhad d Yakın d řuřar d Cawl, mmi n ict n temyart takeneanect. Ina d řwacunat n Cimeun.

¹⁶Ina d ismawen n tarwa n **Lawi** ełahřab asettef n třařit nsen: Jarcum d Quhat d Marari. Tuya *řmijař* n tudart n Lawi mya-u-sebea-u-třatin n iseggwusa.

¹⁷Tarwa n **Jarcum nitni** d Libna d Cimēi elahsab řağ nsen.

¹⁸Tarwa n **Quhat nitni** d Eamram d Yiřhar d Ĥibrun d Euzziyil. Tuya řmijař n tudart n Quhat mya-třata-u-třatin n isegg^wusa.

¹⁹Tarwa n **Mirari nitni** d Maħli d Muci. Ina d řwacunat n Lawi elahsab asettef n třařit nsen.

²⁰Uca **Eamram** iksi, Yukabid, eentis, d tamyart, tenni i d as-dd yuřwen Harun d Musa. Tuya řmijař n tudart n Eamram mya-u-sebea-u-třatin n isegg^wusa.

²¹D tarwa n **Yiřhar nitni** d Quraħ d Nafej d Dikri.

²²D tarwa n **Uzziyil nitni** d Micayil d Alřafan d Sitri.

²³Uca iksi **Harun** d tamyart Iliřabit, yeğis n Eamminadab, ućmas n Naħcun, tenni i d as-dd yuřwen Nadab d Abihu d Alicazar d Itamar.

²⁴D tarwa n **Quraħ nitni** d Assir d Alqana d Abiyasaf. D ina d řwacunat n Iqurahiyyen.

²⁵Uca **Alicazar**, mmis n Harun, iksi d tamyart icten zeg yessis n Futiyil tenni i d as-dd yuřwen **Finaħas**. D ina d izeğifen n ibabaten n Ilawiyyen elahsab řwacunat nsen.

²⁶Nitni aqqa d Harun d Musa i umi inna SIDI “Suffyem ayt n Israyil zi tmurt n Miřra *twasettfen* elahsab *acbar n řeekar* nsen.” ²⁷D ina i issiwřen ak-d Fireun, ajeğid n Miřra, ĥima ad ssuffyen ayt n Israyil zi Miřra, Musa d Harun *nitni* d ina. ²⁸Deg wass nni tuya SIDI issiweř ak-d Musa di tmurt n Miřra. ²⁹Aqqa issiweř SIDI ak-d Musa, inna “Necc aqqa d SIDI i ĝiy! Marra min d ac qqarey, ini t i Fireun, ajeğid n Miřra.” ³⁰Xenni inna Musa ztat i SIDI “Aqqa-yi necc ħari iyencicen war itwaxetnen, mammec i ħa igg *xenni* ad ħari iseğ Fireun?”

Musa d Harun ruħen ħar Fireun twařa nneđni

7¹Inna SIDI i Musa “Xzar, necc aqqa ggiy cek d AREBBI i Fireun d umac Harun ad ac yiři d annabi i cek. ²Cek ad tinid marra min zi cek i ħa umurey uca Harun, umac, ad issiweř ak-d Fireun, ĥima ad yejj ad ffyen ayt n Israyil zi tmurt nnes. ³Necc ad ssqesħey uř n Fireun uca ad kettarey řeeřamat d řeĥjayeb inu di tmurt n Miřra, ⁴Maca Fireun war dd-ħarwem issħessi u necc ad ssidfey afus inu di Miřra uca ad ssuffyey řeekar inu, řgens inu, ayt n Israyil, zi tmurt n Miřra s řeħkum imyaren. ⁵Ad ssnen Imiřriyyen belli necc d SIDI i ĝiy, xmi i ħa sswizźdey afus inu x Miřra uca ad ssuffyey ayt n Israyil zi řwest nsen.”

⁶Uca ggin Musa d Harun muxas d asen yumur SIDI, *wah*, amenni i ggin. ⁷Tuya Musa d ij n bnađem n tmanyin n isegg^wusa u Harun n třata-u-tmanyin n isegg^wusa, řami ssiwřen ak-d Fireun.

⁸Uca issiweř SIDI ak-d Musa d Harun, inna ⁹“Xmi i ħa issiweř Fireun akidwem, uca ad yini ‘Secnem ayi ict n lmuĕjiza!’, xenni ad tinid i Harun ‘Třtef aemud uca ndar it ztat i Fireun ĥima ad idweř d ict n řħaycet.’” ¹⁰Udfen *xenni* Musa d Harun ħar Fireun uca ggin muxas *asen* yumur SIDI. Indar Harun aemud nnes ztat i Fireun d isemyan nnes uca idweř d ict n řħaycet. ¹¹Řexđenni iřaĥa-dd eawed Fireun imiřisen d iseħħaren uca uřa d tarwa-ya n tseħħart n Miřra ggin eawed amenni kifkif s tmegga nsen n swadday swadday. ¹²Indar kuř ijjen aemud nnes uca idweř d ict n řħaycet. Maca aemud n Harun isarđ i eumađ nsen. ¹³Uř n Fireun idweř iqseħ u war ħarsen isři ca, ammu i tuya d asen inna *eawed* SIDI.

Tesea n Jjrayeħ

¹⁴Řexđenni inna SIDI i Musa “Uř n Fireun idweř iqseħ, war ixs ad yejj ad iffey řgens. ¹⁵Ruħ tiwecca ħar řřbeħ ħar Fireun. Xzar, netta ad iffey ħar waman. Cek bedd ħar tma n iřzar arendad nnes uca egg deg ufus nnek aemud nni idewřen d ict n řħaycet, ¹⁶ad as tinid “SIDI, AREBBI n Ieibraniyyen issekk ayi-dd ħarek, inna “Ejj ad irah řgens inu, ĥima ad ayi iebed di řexřa. Aqqa da, ař řexxu war tersed ad tseğed.” ¹⁷Ammu i inna SIDI “S man aya ggur ad tessned belli necc d SIDI. Xzar, necc ggurey ad wtey s weemud i ħari deg ufus aman i iğan deg iřzar uca ad dewřen d idammen. ¹⁸Iseřman i iğan deg iřzar ad mmeten uca ad yurseđ iřzar, ad eiffen Imiřriyyen ad swen aman n yeyzar.” ¹⁹Inna SIDI *eawed* i Musa “Ini i Harun ‘Ksi aemud nnek, swizzeđ afus nnek x waman n Miřra, x tyezratin nnes, x iyezran nnes, x iyeřmamen nnes d x marra tiyermamin uca ad dewřen d idammen. Ad dewřen d idammen x marra tamurt n Miřra, *uřa* di řeqcue n ukeccuđ d wezru.’”

²⁰Igga Musa d Harun muxas *asen* yumur SIDI. Isgaeed Harun aemud, iwta aman nni tuya deg iřzar qibač i tiřřawin n Fireun d isemyan nnes uca **marra aman nni tuya deg iřzar dewřen d idammen.** ²¹Mmuten iseřman inni tuya

deg yeyzar uca yurşud yeyzar ařami dewřen Imiřriyyen war zemmaren ad zzayes swen aman uca dewřen *waman* d idammen di marra tamurt n Miřra. ²²*Maca* tarwa n tsehřart n Miřra ggin amenni s tmeġga nsen n swadday swadday ařami uř n Firėun idweř iqseř, u netta war ġarsen issħessi ca, am mammec d asen tuġa inna SIDI. ²³Inneġřeb Firėun uca yudef ġar taddart nnes uca war yegġi uř nnes ead di man aya.

²⁴Marra Imiřriyyen ġzin x tma n yeyzar maħend ad afen aman n tessi, minzi war zemmaren ad swen aman n yeyzar. ²⁵Edun setta n wussan awarni řami iwta SIDI iřzar.

²⁶Uca inna SIDI i Musa “Adef ġar Firėun, nni as ‘Ammu i inna SIDI: Ejj ad iffeġ řgens inu ħima ad ayi iebed. ²⁷Mařa tugid ad ten tejjed ad raħen, aqqa gġureġ ad wteġ marra tamurt nnek s iqarqriwen ²⁸uca iřzar ad issfufiy x iqarqriwen inni *zzayes-dd* i ġa igġaeden, ad adfen di taddart nnek u x qama nnek, di taddart n isemyan nnek, u x řgens nnek, u *eawed* deg ifarranen nnek u di tbeqyin nnek. ²⁹Uca iqarqriwen ad gaeden x řgens nnek u x marra isemyan nnek.’ ”

8¹Inna SIDI *eawed* i Musa “Ini i Harun, swiřzed afus nnek s teġġarct nnek x tyezratin, x iyezran uřa x iyeřmamen, sgaeed iqarqriwen x tmurt n Miřra. ²Uca isswiřzed Harun afus nnes x *waman* n Miřra uca **gaeden-dd iqarqriwen uca dřin tamurt n Miřra**. ³Uca tarwa n tsehřart ggin kifik s tmeġga nsen n swadday swadday uca sgaeden-dd iqarqriwen x tmurt n Miřra. ⁴Iřaya Firėun i Musa d Harun, inna asen “Zaġem ġar SIDI ħima ad iksi iqarqriwen xafi d x řgens inu, uca ad jjeġ ad iffeġ řgens maħend ad qeddmen tayarřt i SIDI. ⁵Inna Musa i Firėun “Ad ac jjeġ řħurmet maħend ad d ayi tinid meřmi i ġa zaġeġ xak d x isemyan nnek d x řgens nnek, maħend ad ssufyeġ iqarqriwen xak d x tudrin nnek, ad qqiment deg yeyzar waha.” ⁶Netta inna as “Tiwecca”. Yarra *Musa* “Ad yiři am mammec tennid ħima ad tessned belli war *din* iġi ħed amecnaw SIDI, AREBBI nney. ⁷Uca iqarqriwen ad mmekksin xak d x tudrin nnek uřa x isemyan nnek d x řgens nnek, ad qqimen deg yeyzar waha.” ⁸*Řexdenni* iffeġ Musa d Harun x Firėun uca iřaya Musa i SIDI di ssibbet n iqarqriwen inni tuġa igġa *d jriħect* x Firėun. ⁹Uca igġa SIDI am mammec dd-ittas ak-d wawař n Musa uca mmuten iqarqriwen, u *weddaren* zi tudrin, zi řemraħat u zeg iyyaren. ¹⁰Uca ssmunen ten di ieurrac u tamurt turşud *zzaysen*. ¹¹*Řami* izra Firėun belli aqqa bnađem izemmar ad yarr nnefs, isseqseř uř nnes uca war ġarsen issħess, am mammec tuġa inna SIDI.

¹²*Řexdenni* inna SIDI i Musa “Ini i Harun, ‘Swiřzed aemud nnek, tewted acař n tmurt maħend ad idweř d nnamus x marra tamurt n Miřra.’ ” ¹³Uca ammu i iggin, maġar Harun isswiřzed afus nnes ak-d weemud nnes, iwta acař n tmurt, wenni idewřen d nnamus, ammu deg iwdan uřa di řmař. **Marra acař n tmurt idweř d nnamus di marra tamurt n Miřra**. ¹⁴Uca tarwa n tsehřart ggin tizemmar nsen amenni *eawed* s tmeġga nsen n swadday swadday, maħend ad jjen nnamus, maca war zemmaren. Tuġa nnamus x iwdan d x řmař. ¹⁵*Řexdenni* nnan tarwa n tsehřart i Firėun “D man aya d dađ n AREBBI.” *Maca* isseqseř uř n Firėun nnes uca war d ġarsen iseġ ca, am mammec tuġa inna SIDI.

¹⁶Uca inna SIDI i Musa “Tiwecca kkar zic, tbedded zzat i Firėun. Aqqa da netta ad iffeġ ġar tma n *waman*, ad d as tinid ‘Ammu iqarqriwen SIDI: Ejj ad irah řgens inu, ħima ad ayi iebed! ¹⁷Minzi mařa war tejjid řgens inu ad irah, aqqa da, necc ad xak ssekkeġ marra iyřafen n ibeεεac, x ixeddamen nnek, x řgens nnek, x tudrin nnek, ař i ġa twaccurent tudrin n Imiřriyyen s marra iyřafen n ibeεεac, uca amenni uřa d tamurt mani *zeddyen*. ¹⁸Deg wass nni ad ssħuzey tamurt n Jasan mani izeddeġ řgens inu, ħima war din ttiřin wayřafen n ibeεεac ħima ad tessned belli necc d SIDI di řweř n tmurt. ¹⁹Uca ad ggeġ ij n *ttaman* n weřřah jar řgens inu d wenni nnek. Tiwecca ad tiři řeēřamet-a.’ ” ²⁰Uca ammu i igġa SIDI. **Usin-dd marra iyřafen n ibeεεac** x taddart n Firėun, x tudrin n ixeddamen nnes u x marra tamurt n Miřra uca tetwaxarreb tmurt s iyřafen n ibeεεac. ²¹*Řexdenni* iřaya Firėun i Musa d Harun, inna asen “Ruħem, tqeddmem tayarřt i AREBBI nwem di tmurt-a.” ²²Yarr-dd Musa “War dd-yusi ad negġ ammu, minzi ad nqeddem tayarřt i SIDI, AREBBI nney, min iġan d jeayef n Imiřriyyen. Aqqa da, mařa nqeddem tayarřt zzat i tiřřawin nsen min iġan d jeayef n Imiřriyyen, ma war d aney tarejmen ca? ²³Ejj aney ad nrah tičri n třata n wussan di řexřa ħima ad nqeddem tayarřt i SIDI, AREBBI nney, am mammec d aney yumur *ad negġ*.” ²⁴*Xenni* inna Firėun “Necc ad kenniw jjeġ ad traħem ħima ad tqeddmem tayarřt i SIDI, AREBBI nwem di řexřa, maca waxxa amenni war ttriħem tiggwjem. *Zaġem uřa xafi*.” ²⁵Yarr-dd Musa “Aqqa da, gġureġ ad ffyeġ xak, ad zaġeġ i SIDI ħima ad ikkes tiwecca iyřafen n ibeεεac x Firėun, x ixeddamen nnes uřa x řgens nnes. Maca ittħeřřa Firėun war ixeddeē twařa nneđni, war ittejji ad irah řgens maħend ad iqeddem tayarřt i SIDI.” ²⁶*Řexdenni* iffeġ Musa x Firėun uca izuġ i SIDI. ²⁷Igġa SIDI elahřab awař *i inna* Musa uca ikkes iyřafen n ibeεεac x Firėun, x ixeddamen nnes, uřa x řgens nnes. War iqqim uřa d ijj *n ubeεεuc*. ²⁸Maca Firėun isseqseř uř nnes twařa-ya *eawed*, war ijj ad irah řgens.

9¹Řexdenni inna SIDI i Musa “Adef yar Fireun, ini as ‘SIDI, AREBBI n Iebraniyyen iqqar ammu: Ejj ad irah řgens inu, maħend ad ayi iebed. ²Minzi mařa tugid ad ten tejjed ad raħen, uca ad ten tetťfed ead ktar, ³aqqa da, afus n SIDI ad iřqef řebhayem nnek inni iħan deg iyyar, iysan, iyyař, iřeyman, ifunasen d tfunasin d wuři s ijj n nnei n řehřac iqeshen ařtas. ⁴Ad ifarz SIDI jar řebhayem n tarwa n Israyil d řebhayem n Imiřriyyen, ĥima war ittmetti walu zi marra min iħan n ayt n Israyil.’” ⁵Uca SIDI ineyyec ict n řweqt umi iqqar “Tiwecca ad igg SIDI man aya di tmurt.” ⁶Tiwecca nnes igga SIDI deqq nni uca temmut marra řebhayem n Miřra, maca zi řebhayem n ayt n Israyil war temmut uřa d ict *zaysent*. ⁷Uca issekk Fireun *ijjen*, uca aqqa da, war temmut uřa d ict zi řebhayem n ayt n Israyil. *Maca* uř n Fireun idweř iqseħ uca war iji ad iffeř řgens.

⁸Inna SIDI i Musa d Harun “Ksim uřu n iyyeđ zi tefqunt uca ad t issuzzar Musa deg ujenna qibač i tiřtawin n Fireun. ⁹Ad idweř *iyyeđ* d tacejjact ifsusen x marra tamurt n Miřra uca ad yiři d tiħebba s řewei x iwdan d řmař di marra tamurt n Miřra.” ¹⁰Uca ksin iyyeđ n tefqunt *am* tuřa bedden ztat i Fireun uca issuzzar it Musa deg ujenna uca **idweř d tiħebba s řewei amenni x iwdan uřa di řmař**. ¹¹Uca tarwa n tseħħart war zemmaren ad qqimen bedden ztat i Musa di ssibbet n tħebba, minzi *tiħebba* ĥekment iseħħaren d marra Imiřriyyen. ¹²*Maca* SIDI isseqseħ uř n Fireun ař mani war d asen iseğ ca, am mammec tuřa inna SIDI i Musa.

¹³Řexdenni inna SIDI i Musa “Tiwecca kkar zic, tbedded ztat i Fireun, uca ini as ‘SIDI, AREBBI n Iebraniyyen iqqar ammu: Ejj ad irah řgens inu, maħend ad ayi iebed. ¹⁴Minzi twařa-ya necc ad cek řeqfey deg wuř s marra jrrayeh inu, cek d isemyan nnek d řgens nnek, ĥima ad tessned belli war iři ĥed amecnaw necc di marra tamurt. ¹⁵Minzi *ead* řexxu tuřa zmareř ad sswizzđey afus inu ĥima ad cek wteř uřa d řgens nnek s řehřac ineqqen uca tuřa izmar ad tetwateħhid zi tmurt. ¹⁶*Maca* s tidett necc ssbeddeř cek ĥima ad ac ssecney jjeħd inu uca ĥima ad itwacennee isem inu di marra tamurt. ¹⁷Ma tettegged ead tiěinkrifin đidd i řgens inu ĥima war ten tejjid ad raħen? ¹⁸Aqqa da, tiwecca yar tsaeet-a necc ad arrey taburri ideqřen ad tewwet, *taburri* i war tuři eemmarř di Miřra zeg wass i di tetwabna ař řexxu. ¹⁹*Xenni* sekk řexxu *iwdan*, ad ssidfen řebhayem marra min ĥarek deg iyyar yar daxeř. Kuř bnađem niř d řmař wenni i řa itwafen deg iyyar, war t ssidfen yar *daxeř* taddart, ad xas-dd tewđa tebrurri uca nitni ad mnten.’” ²⁰Inni iggweden awař n SIDI zeg isemyan n Fireun, jjin ixeddaman nsen d řebhayem nsen arewřen yar daxeř di tudrin. ²¹*Maca* wenni war ittiqqen s wuř nnes awař n SIDI, aqqa ija ixeddaman nnes d řebhayem nnes deg iyyar. ²²*Xenni* inna SIDI i Musa “Swizzđey afus nnek yar ujenna uca ad tiři tebrurri x marra tamurt n Miřra, x iwdan, x řmař, x marra afsu n iyyaren di tmurt n Miřra.” ²³*Xenni* isswizzđey Musa yar weemud nnes yar ujenna uca **SIDI igga ajjaj d tebrurri uca teswizzđey tmessi yar tmurt**. *Ammu* igga SIDI maħend ad tewwet tebrurri x tmurt n Miřra. ²⁴Tuřa *đin* taburri d tmessi ixellten s tebrurri. Anect tejhed *temřar* ařtas, war tuři eemmarř di marra tamurt n Miřra zeg wami tuřa tedweř d ij n řgens. ²⁵Uca tewta tebrurri x marra tamurt n Miřra, x marra min tuřa deg iyyar, am iwdan uřa d řmař. Tewta tebrurri *eawed* x marra afsu deg iyyar uca arzin marra ticejjura n řexřa. ²⁶Myř tamurt n Jasan, mani iřa iħan ayt n Israyil, war tewti tebrurri.

²⁷Řexdenni issekk Fireun ad řayan i Musa d Harun uca inna asen “Nec xđiy twařa-ya. SIDI, aqqa-t d amsegged uca necc d řgens inu d ieffanen. ²⁸Žağem i SIDI, minzi icfa, ttzawgeř ad issbedd ajjaj n AREBBI uřa d taburri. Nec ad kenniw jjeř ad traħem, war kenniw tetťfey ca ead *danita*.” ²⁹*Xenni* inna as Musa “Meřmi i řa ffey zi tendint ad sswizzđey ifassen inu yar SIDI uca ad ibedd wajjaj, war tettiři ead tebrurri, maħend ad tessned belli tamurt aqqa-tt n SIDI. ³⁰*Maca* xak d x ixeddaman nnek, aqqa ssney *mazal* war teggwedem ca zi SIDI AREBBI.” ³¹Tiffest d timzin tuřa twařeqfen, minzi timzin tuřa-ten s tidrin d tiffest inewwar. ³²*Maca* irden d axerřan war twařeqfen ca, minzi tuřa-ten war dd-ffiyen *ead*. ³³Uca yuyur Musa x Fireun, iffeř zi tendint uca isswizzđey ifassen nnes yar SIDI. *Řexdenni* ibedd wajjaj d tebrurri uca bedden ibuda n wenzar x tmurt. ³⁴Umi iřra Fireun belli anzar d tebrurri d wajjaj bedden, ixđa ead ktar uca isseqseħ uř nnes, netta d ixeddaman nnes. ³⁵Uca uř n Fireun yari di řeqsaħet, war iji ad irah ayt n Israyil, am mammec tuřa inna SIDI i Musa.

10¹*Xenni* inna SIDI i Musa “Adef yar Fireun, minzi necc sseqeshey uř nnes d wuř n ixeddaman nnes, ĥima ad ggeř řeeřamat-a i *iħan inu* di řwest nnes ²u ĥima ad tħajid deg imezzuřen n mmic d ayyaw nnek min ggiř di Miřra d řeeřamat i ggiř jar asen, maħend ad tessnem belli necc d SIDI.” ³Řexdenni yudeř Musa d Harun yar Fireun, nnan as “SIDI, AREBBI n Iebraniyyen inna ‘Meħař i řa tekkeđ tugid ad tehwid yar wudem inu? Ejj ad irah řgens inu ĥima ad ayi iebed. ⁴Minzi mařa tugid ad tejjed ad irah řgens inu, aqqa ggureř zi tiwecca ad ssidfey tamurři yar tmurt nnek. ⁵Ad

dřen udem n tmurt, ař war izemmar řed ad ittwařa tamurt uca ad ccen řbaqqiyyet i itwanejmen, min d awem iqqimen ead awarni i tebrurri. Ad ccen eawed marra ticejjura i dd-iyemmyen akidwem deg iyyar. ⁶Uca ad ccurent tudrin nnek d tudrin n ixeddamen nnek d tudrin n marra Imiřriyyen. Man aya war t zřin eemmarř ibabaten nnek d řejdud n ibabaten nnek zeg wami ten tuya x tmurt řar wass-a.” Uca netta idweř, ismeř di Fireun. ⁷Nnan as ixeddamen n Fireun “Ař meřmi d aney yiři degga d taxceft? Ejj ad rařen iryazen nni mařend ad eebden SIDI AREBBI nsen! Ma ead war tessined ead belli Miřra aqqa tetwaxarreb?” ⁸Řexdenni ssiwřen Musa d Harun eawed řar Fireun, inna asen “Ruřem, eebdem SIDI, AREBBI nwem! *Ini ayi*, min enan, inni ixsen ad rařen?” ⁹Inna Musa “Ad nrař s imezyanen nney d iwessura nney, s tarwa nney d yessitney, s wuři nney d ifunasen d tfunasin nney, minzi řarney ij n řeid i SIDI.” ¹⁰Xenni yarra xasen “Ad yiři SIDI akiwem mařa ad jjeř ad trařem kenniw d iřenjiren imezyanen nwem. Xzarem, aqqa din tazura zzat i wudmawen nwem! ¹¹Amenni war *tt teggem*. Ejjem ad eebden yeryazen ijehden i SIDI, minzi d man aya i texsem.” Uca uzzřen xasen zi qibač udem n Fireun.

¹²Xenni inna SIDI i Musa “Swizzed afus nnek x tmurt n Miřra řima tamuryi ad tgaeced x tmurt n Miřra mařend ad tecc marra ayemmuy *aziza* n tmurt min icetřen x tebrurri.”

¹³Isswizzed Musa řar weemud nnes x tmurt n Miřra uca issuđ SIDI ij n usemmiđ n ccarq x tmurt war iqetřen marra aziř nni d marra řiřet nni. Uca řar řřbeř yiwi-dd usemmiđ tamuryi. ¹⁴**Tgaeced tmuryi x marra tamurt n Miřra**, tseyyeř x marra jwayeh n Miřra. Aqqa tuya řřař iwear ařas. Tamuryi amecnaw tanita war tt tuři qbeř uca war tettiři eemmarř zi ssa řar zzat. ¹⁵Aqqa dřint udem n marra tamurt ař tessutem tmurt. Uca ccint marra afsu n tmurt d marra řyiřet n tcejjura i tuya iqqimen zi tebrurri, war iqqim bu tuzzizewt di tcejjura niy deg wefsu deg iyyar x marra tamurt n Miřra. ¹⁶Řexdenni iřaya Fireun deyya i Musa d Harun, inna “Aqqa xđiy ak-d SIDI, AREBBI nwem, uřa akidwem. ¹⁷Ttzawgey řexxu ad ayi tsamřem x xeřtu inu twařa-ya waha uca ad tettarem SIDI, AREBBI nwem, řima ad xafi ikkes řmewt-a waha.” ¹⁸Uca iffey ssenni x Fireun uca izuř řar SIDI. ¹⁹Xenni ijja SIDI ad dd-ieqeb usemmiđ i dd-yusin zi řyarb, *issmuřti it ařas* uca ikkes *usemmiđ* tamuryi, indar i-tt di Řebřar n Uyanim. War teqqim uřa d ict n tmuryi di marra jwayeh n Miřra. ²⁰Maca isseqseř SIDI uř n Fireun ařami war ijji ayt n Israyil ad rařen.

²¹Xenni inna SIDI i Musa “Swizzed afus nnek řar ujenna uca ad tiři tağest x tmurt n Miřra, ař řa tafed manwen mma ad tt iřada.” ²²Iswizzed Musa afus nnes řar ujenna uca **tehwa-dd tağest x marra tamurt n Miřra, řřata n wussan**. ²³Uřa d wenni war izri wenedni. Uřa d ijj war ikkar zeg wemcan nnes řřata n wussan. Maca marra ayt n Israyil tuya řarsen tifawt *deg wemcan* mani tuya zeddyen. ²⁴Řexdenni iřaya Fireun i Musa, inna “Ruřem, tēebdem SIDI! Ejjem waha ad iqqim wuři nwem d ifunasen d tfunasin nwem. *Maca tzemmarem ad dd-tawyem iřenjiren imezyanen*.” ²⁵Yarra xas Musa “Ittxeřsa cek eawed ad aney tewced deg ufuř timewca i řyarřt d tcemmađt mařend *ad nzemmar* ad ten nessewjed i SIDI, AREBBI nney. ²⁶Uřa d řebhayem nney ittxeřsa ad rařent akiney, war ittyimi uřa d ijj n ucenkrud, minzi zzaysen i řa neksi řima ad neebed i SIDI, AREBBI nney, minzi war nessen s minzi i řa neebed SIDI, AREBBI nney, ař din i řa nawed.” ²⁷Maca SIDI isseqseř uř n Fireun uca yuři ad ten yejj ad rařen. ²⁸Inna as Fireun “Aggwej xafi! řřa řima war tzarred *ead* udem inu, minzi ass i řa tžared udem inu, ad temted!” ²⁹Inna Musa “Nican i tennid, war řarrey ead udem nnek!”

11 ¹Inna SIDI i Musa “Ad řeqfey ead *myir* s ict n jřiřect x Fireun d Miřra. Awarni ta ad kenniw yejj ad trařem ssa. řar uneggar xmi kenniw i řa yejj ad trařem, ad xawem yazzeř kenniw ssa marra. ²Siweř řexxu deg imezzuyen n řgens mařend ad ittar kuř aryaz zeg wajjar nnes u kuř tamyarť zi tajjart nnes řeqcue n nnuqart d wurey.” ³Uca SIDI iwca as i řgens nniemet di tiřřawin n Imiřriyyen. Eawed tuya Musa d ij weryaz s ccen ameqqran di tiřřawin n ixeddamen n Fireun u di tiřřawin n řgens di marra tamurt n Miřra. ⁴Inna Musa “Ammu i inna SIDI ‘řar wezyen n řiřet, necc ad eduđ di řweř n Miřra ⁵uca ad mnten marra imenza n tmurt n Miřra, zeg umenzu n Fireun wenni iqqimen x řearc n tgeldit řar umenzu n teyya tenni iqqimen awarni tasirt *řarri imendi* uřa d marra imenza n řebhayem. ⁶Ad din tiři ict n řuyyit d tameqqrant x marra tamurt n Miřra i war tuři eemmarř niy eemmarř ead ad tiři. ⁷Maca x marra ayt n Israyil, zeg iwdan ař řmař war d as ittebhez uřa d ij n weqzin iřes nnes, mařend ad tessnem belli SIDI ittegg řfarz řar Imiřriyyen d Israyil. ⁸Xenni ad řari dd-hwan marra ixeddamen nnek, ad bendqen zzati, ad inin “řfey cek d marra řgens i cek iđeffaren deg isuraf nnek. Awarni man aya necc ad řfey.” Uca iffey x Fireun am iřma ařas s uxeyyeq.

⁹Aqqa inna SIDI i Musa “Fireun war d awem ittesři ca, řima ad mmarenyent řeeřamat inu di tmurt n Miřra.” ¹⁰Aqqa ggin Musa d Harun marra řeeřamat-a zzat i wudem n Fireun, maca SIDI tuya isseqseř uř n Fireun ařami war ijji ad dd-řfyen ayt n Israyil zi tmurt nnes.

Asbeddi n tayaršt n uɛeddu - ‘Pasxa’

12¹Issiweř SIDI ak-d Musa d Harun di tmurt n Miřra, inna ²“Ayur-a ad awem yiři d amezwar n uyur. Ad awem yiři wa i kenniw d amezwar n uyuren n usegg^was. ³Siweř ęar marra tamesmunt n Israyil, tinid “Deg wass wiss ɛcra ad iksi kuř ijj i yixef nnes ij n izmar x *marra twacunt n taddart i dd-iqařsen zeg* ibabaten, *ij n izmar x ict n taddart.* ⁴*Maca mařa raę n taddart tuęa imęi i yizmar, xenni ittxeřřa ad iksi ak-d wajjar nnes yudsen ęar taddart nnes uca zi jjihet n izmar xenni ad tewtem řehřab leadad n iwdan d min i ęa yecc kuř ijj.* ⁵Ad yiři d izmar icnan qaɛ, awtem n ijj n usegg^was. Ad t teksim zeg ięuřiyyen nię zeg ięayden. ⁶Ad t txemmřem ař ass n arbeętaç zeg uyur nni uca ad as ięař marra agraw n tmesmunt n Israyil jar uecci d tmeddit. ⁷Ad ksin zeg idammen uca ad t ggen x tnayen n ředřuf i *ięan ęar uyezdís n tewwart* u x tnebdat sennej i *tewwart* n tudrin mani i t ęa ccen. ⁸Ad ccen aysum di ğiřet nni, *aysum* icenfen ęar tmessi s weęrum nnebřa antun. Ad t ccen s *wefsu* yarzeg. ⁹War t ttettem ca d aziza nię ingwa deg waman, maca ad yiři icnef di tmessi, ak-d uzeęif nnes d iđaren nnes d wađan nnes. ¹⁰War zzayes ttejjim walu ęar řřbeę, maca min zzayes i ęa iqqimen ęar řřbeę, ad t tcemdem di tmessi. ¹¹Ammu d awem ittxeřřa kenniw ad t teccem: tajeinna nwem ad tiři tebyes, tisira nwem deg iđaren nwem u weemud nwem deg uřus nwem uca ad t teccem s tazřa. Aqqa d **aɛeddu n SIDI, aqqa-t d ‘pasxa’ n SIDI.** ¹²Minzi di ğiřet-a, necc ad ɛduę x tmurt n Miřra uca ad wteę marra imenza di tmurt n Miřra, ammu deg iwdan uřa di řmař uca ad ssiwđey řehřkamat inu x marra irebbiten n Miřra, necc d SIDI! ¹³Uca idammen ad awem iřin d ict n řeęřamet x tudrin mani tzeddyem. Mařa zřię idammen, ad xawem ɛduę. War tettiři jjiřect iteęęan jarawem, xmi i ęa wteę tamurt n Miřra. ¹⁴Ass-a ad awem yiři d ij n wass i dayes i ęa tidarem uca ad zzayes tɛeýydem i SIDI. Di *marra* řeęyur nwem ad yiři d tawřeýyet i řebda ģima ad zzayes tɛeýydem. ¹⁵Setta n wussan ad teccem aęrum nnebřa antun. Nican deg wass amezwaru ad tessuffyem antun zi tudrin nwem, minzi man wen mma i ęa iccen ca s wentun, zeg wass amezwaru ař ass wiss sebea, bnadem nni ad itwaqęess zi Israyil. ¹⁶Deg wass amezwaru ad yiři ij n umuni iqeddsen uca *ɛawed* deg wass wiss sebea ad din yiři ij n umuni iqeddsen. Uřa d ict n řxedmet war tettwagg ca deg wass nni. Myř min i ęa yecc kuř ijj, d man aya waha i d awem ęa itwassewjed. ¹⁷Ad teęđam řeid n weęrum nnebřa antun, minzi deg wass nni aqqa ssuffyę kenniw zi tmurt n Miřra. Aqqa-t d ict n tewřiyyet i řebda i kenniw maęend ad teęđam ass-a di *marra* řeęyur nwem. ¹⁸Deg uyur amezwaru, deg wass wiss arbeętaç zeg uyur, di ğiřet, ad teccem aęrum nnebřa antun ař ğiřet n wass waęed-u-ɛicrin zeg uyur. ¹⁹Sebea n wussan war ittiři wentun di tudrin nwem, minzi man wen mma i ęa iccen min ięan s wentun, uřa d abarrani nię d mmis n tmurt, bnadem nni ad itwaqęess zi tmesmunt n Israyil. ²⁰War ttettem walu min ięan s wentun. Di marra tizedday nwem ad teccem aęrum nnebřa antun.’ ”

²¹Iřaya Musa i marra imęaren n Israyil, inna asen “Ruęem maęend ad teksim i yixef nwem *uca* i raę nwem *ijjen* zeg wuęi uca ęařsem ‘*tayaršt n uɛeddu*, *aqqa-tt d ‘pasxa’*. ²²Třfem ict n tqebbit n tɛelęet ‘*hisup*’, syeđsem tt deg idammen inni ięan deg ict n teqdiřt, truccem xenni zeg idammen i ięan di teqdiřt x tnebdat sennej i *tewwart* u x tnayen n ředřuf ęar uyezdís n *tewwart*. Uřa d ijj zzaywem war dd-itteffey zi *tewwart*, ař řřbeę war itteffey řed zi taddart nnes. ²³Minzi SIDI ad ięwa x *tmurt* maęend ad iwwet Imiřriyyen, maca xmi i ęa ięar idammen x tnebdat sennej u x tnayen n ředřuf n *tewwart*, xenni ad iɛdu SIDI tawwart nni, war itteęji amteęęay ad yadef ęar tudrin nwem ģima ad iwwet. ²⁴Ĥđam awař-a i *nniy*, aqqa-t d tewřiyyet i kenniw u i tarwa nwem i řebda. ²⁵Ad yiři, xmi i ęa tadfem ęar tmurt tenni d awem i ęa yewc SIDI, am mammec inna netta, ad teęđam aɛbad-a n řidaret. ²⁶Uca x minni d awem i ęa inin tarwa nwem ‘Min ixs ad yini weɛbad-a n řidaret i kenniw?’, ²⁷ad tarrem ‘Aqqa-t d *tayaršt n uɛeddu*, *aqqa-tt d ‘pasxa’* i SIDI wenni yeedun x tudrin n ayt n Israyil di Miřra, umi iwta Imiřriyyen uca ifekk tudrin nney.’ ” Řexdenni ibendeę řęens uca seęden. ²⁸Ruęen ayt n Israyil uca ggin am mammec ten yumur SIDI i Musa d Harun, u ammu tt ggin.

Jjiřect wiss ɛcra

²⁹Tuęa ęar wezyen n ğiřet umi SIDI iwta marra imenza di tmurt n Miřra s řmewt, zeg umenzu n Fireun wenni iqqimen x řɛarc ař amenzu n umeębus i ięan di řehřbes uřa d marra imenza n řebhayem.

³⁰Ikkar Fireun di ğiřet nni, netta d marra ixeddamen nnes d marra Imiřriyyen uca tuęa din ict n tųuyyit temęar minzi war tuęi uřa d ict n taddart mani war ięi umetti. ³¹Uca iřaya-dd i Musa d Harun s ğiřet, inna asen “Kkarem, teffyem zi řwest n řęens inu, kenniw jmie ak-d ayt n Israyil, ruęem, tɛebdem i SIDI, am mammec tennam kenniw. ³²Awyem uęi nwem d ifunasen d tfunasin nwem, am mammec tennam uca ruęem u tbarkem ayi necc ɛawed!” ³³Ziyyaren Imiřriyyen aęęas x řęens maęend ad ten ssekken zi tmurt s uqeęeq, minzi nitni nnan “Aqqa neccin marra d imettan!” ³⁴Uca yiwi řęens arecti nnes, qbeř mma ad inđu uca tibeęyin nńden tent jar warruđ nsen x tųarđin nsen. ³⁵Aqqa ggin ayt n Israyil ɛlaęsab awař i d *asen inna* Musa, ttaren řeqcue n nnuqart d wureę d warruđ. ³⁶SIDI iwca řęens nniemet di titřawin n Imiřriyyen, wcin asen min ttaren, u *ammu* ikeccden nitni Imiřriyyen.

³⁷Uyuren ayt n Israyil zi Račamsis ɣar Sukkut, tuɣa-ten eřaħař di settemya ařef x idaren, twaħesben iryazen waha, nnebřa iħenjiren. ³⁸Igaæed akisen uřa d ij n ubarru imɣar n eřamkuř *iwdan*, *xenni eawed* uđi d ifunasen d tfunasin, aqqa-t d ict n tħimart n řebhayem temɣar ařtas. ³⁹S warecti i kidsen dd-iwyen zi Miřra, ggwin tifđirin nnebřa antun minzi war tuɣi ead ismim minzi tuɣa uzzřen-dd xasen zi Miřra u war zmiren ad bedden maħend ad sswejden macca. ⁴⁰Tuɣa *řmijař* n tzeddiyt n ayt n Israyil di Miřra, *řmijař* i *din* izedyen, arbeemya-u-třatin n isegg^wusa. ⁴¹Ƴar uneggar n arbeemya-u-třatin n isegg^wusa, deg wass simant nnes, ffyen marra řeeskar n SIDI zi tmurt n Miřra. ⁴²Tuɣa d ict n ģiret n uħeřtu i SIDI, umi ten indeh zi tmurt n Miřra. Ta d ģiřet i SIDI, *ict n ģiřet* i di ittxeřsa ad ģđan marra ayt n Israyil di *marra řejjuř* nsen.

Tayarřt n uæeddu d ubarrani

⁴³Inna SIDI i Musa d Harun “D ta d tewřiyyet x ‘tayarřt n uæeddu’, *aqqa-tt d ‘pasxa’*: war zzayes ittett ubarrani, ⁴⁴macca kuř ismey i immesɣen zeg weryaz s nnuqart, awarni mma ad t txeťnem, ad zzayes yecc. ⁴⁵Amezduɣ d uxemmas war zzayes ttetten ca. ⁴⁶Ad itwacc di taddart, war itteffey zeg weysum nni ɣar barra n taddart uca war zzayes ittarezzi uřa d ijj n iyas. ⁴⁷Marra tamesmunt n Israyil ad t ggen *amenni*. ⁴⁸Mařa ca n ubarrani innewjew-dd ɣarwem uca ixs ad igg ‘*tayarřt* n uæeddu’, *aqqa-tt d ‘pasxa’* i SIDI, xenni ad twaxetnen marra iryazen inni ɣares iđan. Řexdenni ad dd-yawed ad tt issewjed uca ad yiři amecnaw wenni dd-ixeřqen di tmurt. Macca wenni war ixtinen war zzayes ittett. ⁴⁹Ad din yiři ij n uzerf i wenni dd-ixeřqen danita u i ubarrani wenni izeddyen jarawem am ubarrani.” ⁵⁰Uca marra ayt n Israyil ggin am mammec d asen yumur Musa d Harun, ammu i-tt ggin. ⁵¹Uca deg wass nni simant nnes issuffuy SIDI ayt n Israyil zi tmurt n Miřra ak-d řeeskar nsen.

Azerf i imenza

13 ¹Uca issiweř SIDI ak-d Musa, inna ²Sqeddes ayi marra imenza. Manwen mma yarezmen *d amezwaru řemřawřet* zeg ayt n Israyil, zeg *iwdan u eawed* zi řebhayem, aqqa inu.” ³Inna Musa i řgens “Tidarem ass-a min di teffyem zi Miřra, zi taddart n tesmuyi, minzi SIDI issuffey-dd kenniw zzayes s ufus ijehden. *Deg wass-a* war tettettem ca aɣrum i di iđa wentun. ⁴*Deg wass-a* i teffyem, deg uyur n Abib. ⁵Mařa issiweđ i cek ɣar tmurt n Ikenaniyyen d Iħittiiyyen d Imuriyyen d Imiřriyyen, x tenni ijuđ i řejdud nwem ad awem tt iwc, tamurt tenni ittbruccan ađi aceffay d tamment, xenni ad teħđam aebad-a n *řidaret* deg uyur-a. ⁶Sebea n wussan ad teccem aɣrum nnebřa antun uca deg wass wiss sebea ad yiři ij n řeid i SIDI. ⁷Sebea n wussan ad itwacc weɣrum nnebřa antun uca war ɣarek itwaf min ixemmaren, *wah*, di marra jwayeh nnek war itwif wentun. ⁸Deg wass nni ad tħajid i mmic, ad as tinid “Man aya di tħwee n min d ayi igga SIDI umi dd-ayi issuffey zi Miřra. ⁹Ad ac yiři amecnaw ij n uceyyar x ufus nnek u i řidaret jar tiřtawin nnek, maħend ttawrat n SIDI ad tiři deg uqemmum nnek, minzi s ufus ijehden i kenniw issuffey SIDI zi Miřra. ¹⁰X uya i ɣa teħđid tawsiyyet-a di řweqt nnes i d as itwaggen, zeg usseg^was ɣar usseg^was. ¹¹Uca xmi cek i ɣa issidef SIDI di tmurt n Ikenaniyyen, muxas i d ac ijuđ uřa i řejdud nnek, uca iwca ac tt, ¹²ad tesseedud ɣar SIDI kuř amenzu i yarezmen řemřawřet *d amezwaru*, uřa d kuř amenzu n řebhayem i yarezmen řemřawřet *d amezwaru*. Iwetman ad iřin i SIDI. ¹³Macca kuř *amenzu* i yarezmen řemřawřet n weyyuř *d amezwaru*, ad t tefdid s ijj n izmar. Mařa war t tefdid, ad as tarzed iri. Kuř amenzu n bnadem zi tarwa nnek ad t tefdid. ¹⁴Uca, xmi cek i ɣa isseqsa mmic tiwecca, ad yini ‘Mana aya?’, ad as tinid ‘aqqa issuffuy aney-dd SIDI zi Miřra s ufus ijehden, zi taddart n tesmuyi. ¹⁵Fireun ibedd aney deg webrid i wufuy nney uca *xenni* yiweđ ar mani SIDI inɣa marra imenza di tmurt n Miřra, zeg umenzu n iwdan ař amenzu n řebhayem. X uya qeddmey kuř amenzu i yarezmen řemřawřet *d amezwaru* d tayarřt i SIDI. Macca marra imenza jar tarwa inu, fdiɣ ten. ¹⁶Ad yiři d aceyyar x ufus nnek d ij n ubandu jar tiřtawin nnek, minzi SIDI aqqa issuffuy aney-dd zi Miřra s ufus ijehden.’”

Musa d řgens zwan Řebhar n uyanim

¹⁷Umi ijja Fireun řgens ad irah, war ten indih AREBBI ɣar webrid n tmurt n Ifiliřtiniyyen, waxxa netta tudes, minzi AREBBI inna “Maħend war ittendemi řgens xmi i ɣa iřar řbaruđ uca ad dd-idweř ɣar Miřra.” ¹⁸AREBBI yarra řgens ad ikk x webrid uca indeh it ɣar řexřa, ɣar Řebhar n Uyanim. Uca gaæden ayt n Israyil zi Miřra wejden i umenyi. ¹⁹Iksi Musa akis ixsan n Yusef, minzi netta yarra ayt n Israyil ad jjuđen s jjeħd, inna “S tidett ad ɣarwem-dd yarzef AREBBI, uca ad tawyen ixsan inu ssa akidwem!” ²⁰Uca aħřen zi Sukkut uca wtin tasyimit di Itam, ɣar tħarf n rexřa. ²¹SIDI iruħ zzat i tiřtawin nsen deg uziř deg ij n uqellij n useynu, maħend ad ten igewwed deg webrid, u di ģiřet deg ij n uqellij n tmessi ģima ad ten iccur s tfawt, ģima *ad tafzemmaren* ad uyuren ass d ģiřet. ²²Deg wass war d ikkessi aqellij n useynu zzat i uɣembub n řgens uřa di ģiřet aqellij n tmessi.

14¹Uca issiweř SIDI ak-d Musa, inna ²“Siweř ak-d ayt n Israyil, maħend ad dewřen uca ad wten tasyimit zzat i Fi-Haxirut, jar Migdul d řebħar, qibač i Baçal-Şafun, arendad nnes ad tewtem tasyimit, x tma n řebħar. ³Fireun ad yini x ayt n Israyil ‘Aqqa nitni weddaren di tmurt, twaħşaren di řexřa.’ ⁴Uca ggur necc ad ssqesħey uř n Fireun ħima ad ten idřar, u necc ggurey ad twasseuġiř x Fireun u x marra řeeskar nnes uca ad ssnen Imiřriyyen belli necc d SIDI.” Uca ammu i iggin nitni.

⁵Uca wcin abarreħ i ujeġiđ n Miřra belli řgens tuya yarweř. *Xenni* ibeddeř uř n Fireun d ixeddamen nnes x řgens uca nnan “Mammec negga aya, nessekk Israyil zi tesmuyi i iggin i neccin. ⁶Uca iħezzem akarru nnes, iksi akis řgens nnes, ⁷Iksi akis setta-mya n ikarruten icewwaren d marra ikarruten n Miřra uca *igga* xasen acewwar n ineyraf *zi řeeskar* nnes. ⁸Aqqa isseqseħ SIDI uř n Fireun, ajeġiđ n Miřra, uca netta yaredded ayt n Israyil, maca ayt n Israyil tuya ffyen s ij n ufus itwassgaæden. ⁹Areddfen ten Imiřriyyen uca iwđen ħarsen s marra iysan d ikarruten n Fireun d imnayan nnes d řeeskar nnes, *din* ħar Fi-Haxarut, ħar ujemmađ n Baçal-Şafun, mani wtin tasyimit ħar řebħar. ¹⁰Řami ten-dd yudes Fireun, gaæden ayt n Israyil tmuyři nsen zřin belli Imiřriyyen đfaren ten-dd awarni asen uca nitni ggwedden ařtas. *Xenni* ssyuyyen ayt n Israyil ħar SIDI. ¹¹Nnan i Musa “Ma war ġin *ead* imeđřan di Miřra ař dd-aney tawed maħend ad nemmet di řexřa-ya? Mařar d aney teggid ammu, tessuffuyed aney-dd zi Miřra? ¹²Ma war akik nessiweř marra awařen-a di Miřra, nenna ‘Ejj aney, ad asen nexdem i Imiřriyyen.’? Xar mařa *tuya neqqim* nexdem i Imiřriyyen x mařa nemmut di řexřa-ya.” ¹³*Xenni* inna Musa i řgens “War tteggwedem, beddem, texzarem asenjem n SIDI i d awem i ħa yewc ass-a, minzi Imiřriyyen inni twařam ass-a, æemmarř ead i řebda ad ten tżarem eawed. ¹⁴SIDI ad xawem imney uca kenniw myir sqarem.”

¹⁵Inna SIDI i Musa “Mayemmi ħari třayid? Ini i ayt n Israyil ħima ad uyuren. ¹⁶Gaæed æmud nnek, swizzeđ afus nnek x řebħar uca farq it, uca ad icukk ayt n Israyil x min *i ħa idweř* yużey di řwest n řebħar. ¹⁷Aqqa da *d nnec*, ad ssqesħey uř n Imiřriyyen, maħend ad kenniw aredfen *di řebħar* u necc ad twasseuġiř s Fireun d s marra řeeskar nnes, d ikarruten nnes, d imnayan *n iysan* nnes. ¹⁸Ad ssnen Imiřriyyen belli necc d SIDI, xmi i ħa twasseuġiř s Fireun d ikarruten nnes d imnayan nnes *n iysan*. ¹⁹**Lmalak n AREBBI** wenni yuyuren zzat i řeeskar n Israyil, idweř ħar đeffar *n sen* uřa d aqellij n useynu wenni yuyuren zzat i uyembub nsen, tbeæed uca tbedd ħar đeffar nsen. ²⁰Aqqa ibedd *uqellij* jar řeeskar n Imiřriyyen d řeeskar n Israyil. Tuya aseynu s *ij n uyezdis* d taġest u s *ij n uyezdis nnedni* d tfawt s ġiřet, u war dd-iqarreb ijjen ħar wenedni ġiřet tekmeř. ²¹Uca isswizzeđ Musa afus nnes x řebħar uca SIDI xenni iæaren řebħar ħar uyezdis s ij n usemmid acarqi ijeħden marra ġiřet *n ni* uca yarra řebħar ad ijeffef. *Ammu* twamsebđan waman. ²²Řexdenni icuq ayt n Israyil x min yużen di řwest n řebħar uca aman ħarsen amecnaw řħiđ x yeffus nsen d uzeřmađ nsen. ²³Aredfen ten Imiřriyyen, ruħen awarni asen di řwest n řebħar s marra iysan n Fireun d ikarruten nnes d imnayan nnes *n yiysan*. ²⁴Řami d yeffu řħař, imsar belli SIDI iřweđ ħar řeeskar n Imiřriyyen zeg uqellij n tmessi d useynu uca iqeżzeb řeeskar n Imiřriyyen. ²⁵Ijja tijarrarin n ikarruten nsen ad fesxent, ařami idweř iwear xasen ad raħen ħar zzat. *Řexdenni* nnan Imiřriyyen “Ittxeřša ayi ad arewřey zi zzat n tiřtawin n Israyil, minzi SIDI imney di řtweæ nsen đidd i Imiřriyyen.” ²⁶Inna SIDI i Musa “Swizzeđ afus nnek x řebħar, ħima ad dewřen waman x Imiřriyyen, x ikarruten nsen d x imnayan nsen *n iysan*.” ²⁷*Xenni* isswizzeđ afus nnes x řebħar, idweř řebħar ħar mani t tuya qbeř ħar řefjar n řşbeħ uca arewřen Imiřriyyen nican đidd nnes uca iæarn SIDI Imiřriyyen di řwest n řebħar. ²⁸Dewřen waman uca twađřen ikarruten d imnayan *n iysan* n marra řeeskar n Fireun i tuya yudef awarni asen di řebħar. War zzaysen iqqim uřa d ijjen. ²⁹Maca ayt n Israyil cuqen x min yużen di řwest n řebħar uca aman tuya ggim amecnaw řħiđ ħar yeffus d ħar uzeřmađ. ³⁰Ammu i issenjem SIDI Israyil deg wass nni zeg ufus n Imiřriyyen uca Israyil iřra Imiřriyyen i immuten x tma n řebħar. ³¹Iřra Israyil afus imyaren wenni igga SIDI x Imiřriyyen uca iggwed řgens zi SIDI uca yumen zi SIDI u di Musa, ismey nnes.

Izři n uyelleb n Musa

15¹Řexdenni izehhed Musa ħmie ak-d ayt n Israyil zhid-a i SIDI, nnan “Ad zehdey necc i SIDI, minzi netta tuya iyelleb s ij n uyelleb imyari! Ayis d wenni xas yenyin indar iten di řebħar. ²SIDI d jħhed inu d uzehhed inu. Netta idweř d asenjem inu. Wa d Arebbi inu, x uya it ssemyarey. Netta d AREBBI n baba, netta ad t sseuġey! ³SIDI d aryaz n umenyi, SIDI, d wa d isem nnes! ⁴Ikarruten n Fireun d řeeskar nnes indar iten di řebħar uca acewwar n ineyraf nnes *zi řeeskar* issyaraq di Řebħar n Uřanim. ⁵Řemhamed ideř iten. Amecnaw ařru hwan ħar řaġay. ⁶A SIDI, afus afusi nnek itwææzz s jjeħd, afus afusi nnek, a SIDI, aqqa iřbez řædu. ⁷Uca s řemyaret n ucuġi nnek tetteħħid inni kik ittemæarran u mařa tejjid lyaðab nnek ad iħaj, *xenni* ad twaccen amecnaw iyeġ. ⁸S uşuđi n tinzart nnek eurracen waman, twassbedden tseġya amecnaw æurric u řemhamed jemden di řwest n řebħar. ⁹Inna řædu ‘Ggur ad ten

aredfey, ggur ad *ten* eduy, ad bđiy řmur, řeemar inu ad zzaysen ijjwen, ad dd-jebdey ssif inu, afus inu ad ten issellek.¹⁰Třuđed s nnefs nnek uca ideř iten řebřar. Nitni hwan-dd amecnaw řexfif deg waman issefyen. ¹¹A SIDI! Man wen i iřan amecnaw cek jar irebbiten? Wi iřan amecnaw cek, d ameezzed di tqeddast, amweqqar deg iřebbiřen, d wenni itteggem řeeyayeb? ¹²Tesswizzđed afus afusi nnek, třarđed iten tmurt. ¹³Cek tgewwded řgens-a s tcuni nnek iccuren, tessnejmed *ten*, s jjehd nnek tnedhed ten řar tzeddiyt iqeddsen nnek. ¹⁴Sřin xak řegnus uca arjijen. Imezday n Filicet ad jemden s tiggwudi. ¹⁵Řexdenni ineyraf n Idum ad tbehten uca imjehhden n Muab ad arjijen uca marra imezday n Kenan ad fesyen! ¹⁶Ad xasen-dd iwđa arėeb d tiggwudi. S řemyaret n uyř nnek ad sseyden amecnaw azru, ařmi izwa řgens nnek, a SIDI, ařmi izwa řgens-a i tkesbed i yixef nnek. ¹⁷Cek ad ten tnedhed uca ad ten tezzud x wedrar n řwart nnek, amcan i teggid d tazeddiyt nnek, a SIDI, zzawect tamqeddast i iggin ifassen nnek. ¹⁸SIDI ad iřkem i řebda qaė. ¹⁹Minzi ayis n Fireun yudef di řebřar s ikarruten nnes d imnayen nnes uca SIDI iqřeb xasen eawed aman n řebřar. Maca ayt n Israyil řwan x řazay di řweř n řebřar.”

²⁰Uca Maryam, tanabiyt, ućmas n Harun, teksi ařun deg ufus nnes d marra timeřřa ffyent đeffar nnes s wařunen d cđiř. ²¹Xenni tarra Miryam xasent “Yennjent i SIDI, minzi aqqa iyelleb s ij n uyelleb imřar! Indar ayis ak-d wenni xas yenyin di řebřar.”

Deg webrid řar Mara d Ilim

²²Xenni igewwed Musa řgens n Israyil zi řebřar n uřanim uca ruřen di řexřa n Cur, uyuren třata n wussan di řexřa nnebřa ma ad afen aman. ²³Uca iwđen řar Mara, maca war zmiren ad swen aman n Mara, minzi tuřa-ten d imarzagen. X uya ggın as isem ‘Mara’. ²⁴Innedqem řgens x Musa, nnan “Min i řa nsu?” ²⁵Musa iřaya i SIDI uca SIDI imeř as ij n ukeccuđ uca indar it daxeř deg waman uca aman dewřen d imiziden. Din i d as igga i řgens ict n tewřiyet d ict n lfariđa u dinni iten iqeřeb. ²⁶Inna “Mařa tesřid mliř i wawař n SIDI, AREBBI nnek, teggid min iřan nican di tiřřawin nnes, ad tesřid i řumarat nnes, ad teřđid marra tiweřřa nnes, xenni necc war dawem-dd ssekkiř řehřac i dd-ssekkey x Miřra, minzi necc d SIDI, amesgenfu nnek. ²⁷Uca iwđen řar Ilim, mani tuřa teneac n řeunřarat n waman, d settin n tejjura n tini uca wtin tasyimit nsen dinni zzat i waman.

‘Mana’, ařrum zeg ujenna

16¹Uca iggwjen zi Ilim uca marra tamesmunt n ayt n Israyil iwđen řar řexřa n Sin, i iřan jar Ilim d Sinayi. Tuřa *man aya* deg wass n xemmestac n uyur wiss tnayen awarni řami dd-ffyen zi tmurt n Miřra. ²Uca marra tamesmunt n ayt n Israyil tennedqem zi Musa d Harun di rexřa. ³Nnan asen ayt n Israyil “Mři nemmut s ufus n SIDI di tmurt n Miřra, umi neqqim řar řřbař n weysum, umi necca ařrum di tyawant! Minzi kenniw tessuffyem aney-dd řar řexřa-ya mařend ad tenyem marra agraw-a s řaz.” ⁴Xenni inna SIDI i Musa “Aqqa da, ad jjeř ařrum ad xawem-dd iwđa zeg ujenna am wenzar. Xenni ad iffey řgens, ad iksi min iřđaj i wass nni deg wass *nni*. *D man aya ad yiři* řima ad ten qeřbey, ma gguren di tyuri n ttawrat inu, niy lla. ⁵Xenni, deg wass wiss setta, ad wejden min iwyyen řar daxeř. Man aya ad yiři d tnayen n tseqqar x min i řa ssmunen kuř ass.”

⁶Řexdenni inna Musa d Harun i marra ayt n Israyil “řar ueccı ad tneemem belli SIDI i kenniw issuffyem zi tmurt n Miřra. ⁷řar řřbeř ad třarem aėuři n SIDI, minzi aqqa netta isřa anedqem nwem x SIDI. Ma neccin, *min neena*, řima kenniw ad xaney tnedqem?” ⁸Inna Musa “Řami SIDI iwca awem aysum i macca deg ueccı u ařrum di tyawant di řřbeř, aqqa isřa SIDI anedqem nwem i zi tendeqqmem. I neccin, *min neena*? Kenniw war tendeqqmem xaney, maca x SIDI.” ⁹Inna Musa i Harun “Ini i tmesmunt n ayt n Israyil marra ‘Reřřgem-dd řar zzat i uyembub n SIDI, minzi aqqa isřa i unedqem nwem.’” ¹⁰Xenni issiweř Harun ak-d tmesmunt n ayt n Israyil marra, tuřa xezřaren řar řexřa uca řrin aėuři n SIDI iđhar-dd deg useynu.

¹¹Uca issiweř SIDI ak-d Musa, inna ¹²“Nec sřiy anedqem n ayt n Israyil. Siweř akidsen uca ini ‘řar tmeddit d ueccı ad teccem aysum, řar řřbeř ad tejjwnem s weyrum uca ad tessnem belli necc d SIDI, AREBBI nwem.”

¹³řar ueccı uřyent i-dd tsekrin nni uca dřint tasqift u řar řřbeř tuřa nda inned-dd i tesqift. ¹⁴U řami nda, i tuřa x *řexřa*, war iqqim, aqqa da, x wudem n řexřa ict n řřajet d tazdat, am tequrt, tazdat amecnaw ajris x tmurt *tewđa*. ¹⁵Uca řrin tt ayt n Israyil, nnan ijjen i wennedni “Manawya?”, minzi war ssinen min icna. Řexdenni Musa inna asen “Wa d ařrum nni d awem iwca SIDI řima ad teccem. ¹⁶Wa d awař i *d awem* yumur SIDI ‘Ejj ad iksi zzayes kuř ij řlařsab

min iħdaj, *řeqyas n* iijen ‘ueumir’ i *ijjen* bñadem. Kuř aryaz ad iki elahřab leadad n iwdan i řares deg uqiđun.’” ¹⁷Uca ayt n Israyil ggin ammu. Yrun *zzayes*, iijen ařtas, wenneđni drus. ¹⁸Umi t weznen s *řeqyas n* ‘ueumir’, *xenni* wenni yrun ařtas war řares zzyada d wenni yrun drus, war d as itxeřř ead. Kuř iij iyru macca nnes elahřab min iħdaj. ¹⁹Inna asen Musa “Uřa d iij mma ad *zzayes* yejj ar řřbeħ.” ²⁰Maca nitni war řřin ca i Musa uca ca n yeryazen xemmřen *zzayes* ař řřbeħ. *Xenni* udfen dayes ikeccawen uca ibda ad igg ccum. Uca ixeyyeq xasen Musa ařtas.

²¹Kuř řřbeħ yrun tt, kuř iij meħař mma icca netta, minzi mařa teħma tfuct, tfessi.

²²Deg wass wiss setta yrun tnayen n tseqqar n weyřum, *řeqyas n* tnayen n ‘ieumar’ i *ijj n* kuř azeđif. Uca usin-dd marra ineyraf n tmesmunt uca xebbaren Musa. ²³Netta inna asen “Wa iđan muxas issiweř SIDI ‘Tiwecca d ij n wass n arraħet, ij wass n ssebt d amqeddas i SIDI. Gg^wem min texsem ad tegg^wem, ttesseg^wem min texsem ad tesseg^wem uca marra min i řa iqqimen, xemmřem t ař řřbeħ.” ²⁴Uca nitni xemmřen t ař řřbeħ am mammec yumur Musa uca war yarřud u war dayes tuyi tkecca. ²⁵*Xenni* inna Musa “Ccem aya ass-a, minzi ass-a d ass n ssebt n SIDI. Ass-a war t tet-tifem deg iyyar. ²⁶Setta n wussan ad teyřum, maca deg wass wiss sebea aqqa-t d ssebt, war ittiři walu.” ²⁷Deg wass wiss sebea imsar belli ca zi řgens ffyen maħend ad yrun ca, maca war ufin walu. ²⁸Inna SIDI i Musa “Ař meřmi tugim ad teħđam řumuřat inu d izerfan inu? ²⁹Xřarem, minzi SIDI iwca awem *ass n* ssebt, x uya iwca awem deg wass wiss setta ayřum i tnayen n wussan. Kuř iij *zzaywem* ad iqqim deg wemcan nnes! Deg wass wiss sebea war dd-itteffey uřa d iij zeg wemcan nnes!” ³⁰Ammu i yareyyeħ řgens deg wass n ssebt.

³¹Taddart n Israyil třaya as ‘manna’. Tuřa-t d acemřař amecñaw *zzariet* n řqeřbur uca aředdi nnes amecñaw tifđirin n tamment. ³²*Xenni* inna Musa “Degga d awař i zi yumur SIDI ‘Ccurem *zzayes řeqyas n* iij n ueumir uca xemmeř it i řeyjuř nwem i d řa *yasen*, ĥima ad řaren ayřum min zi kenniw ssecey di řexřa, umi kenniw ssuffuřey zi tmurt n Miřra.” ³³Inna Musa i Harun “Ksi ict n teqđiħt uca eemmar it s iij n ueumir n ‘manna’ uca egg itt zzat i uyembub n SIDI, ĥima ad tetwaxemmeř i řeyjuř i d řa *yasen*.” ³⁴Uca Harun igga it zzat i Chadet ĥima ad tetwaxemmeř, am mammec d as yumur SIDI i Musa. ³⁵Ammu i ccin ayt n Israyil ‘manna’ arebein n isegg^wusa, ařami iwđen řar tmurt mani i řa řaħen ad zedyen. Ccin ‘manna’ ařami iwđen řar weymir n tmurt n Kenean. ³⁶*Řeqyas n* iij n ‘ueumir’ d taeeccart n ij n ifa.

Massa d Miriba

17¹Uca marra tamesmunt n ayt n Israyil ggwujen zi rexřa n Sin, s ticři nsen, elahřab min d asen yumur SIDI uca wtin tařyimit di Rafidim. War din tuyi aman ĥima ad issu řgens. ²*Xenni* imcubbec řgens ak-d Musa, nnan “Ewc aney aman ĥima ad nsu!” Musa inna asen “Mayemmi akidi temcubbucem? Mayemmi kenniw tqeđbem SIDI?” ³Tuřa řgens iffud ařtas řar waman uca ndeqmen zi Musa, nnan “Mařar d aney-dd tesgaeeded zi Miřra? Ma ĥima ad ayi thellked necc s ufadi uřa d tarwa inu d řebhayem inu?” ⁴*Řexdenni* issyuy Musa řar SIDI, inna “Min i řa ggey ak-d řgens-a? Mřir cwayt uca ad ayi arejmen.” ⁵Inna SIDI i Musa “Ekk zzat i řgens uca ksi akik ca zeg imyaren n Israyil uca ksi eawed deg ufus nnek aemud wenni i zi tewtid iyřar, uca ruħ. ⁶Aqqa ayi, necc ad beddey din zzatek x teřđart řar Ĥurib, ad tewted tařđart, ad *zzayes* dd-ffyen waman uca ad issu řgens.” Igga Musa amenni zzat i tiřřawin n imyaren n Israyil. ⁷Uca iřaya isem n wemcan nni Massa d Miriba, minzi ayt n Israyil mcubbcen *din* u minzi nitni qeđben SIDI, nnan “Ma SIDI aqqa-t rexxu di řwest nney niy lla?”

Amenyi ak-d Amalik

⁸*Xenni* yus-dd Amalik uca imney ak-d Israyil di Rafidim. ⁹Inna Musa i Yacue “Ejj aney ad nixđar iryazen uca ad neffey maħend ad nemney ak-d Amalik. Tiwecca ad iřiy sennej i tqiccat n tewrirt uca aemud n AREBBI ad yiři deg ufus inu.” ¹⁰Igga Yacue am mammec d as inna Musa, imney ak-d Amalik, maca Musa d Harun d Ĥur uřyen řar tqiccat n tewrirt. ¹¹Uca imsar xmi issgaeead Musa afus nnes, xenni tuřa tyeđeb Israyil, maca xmi ittija afus nnes ad ihwa, xenni tuřa Amalik iyeđeb. ¹²Maca ifassen n Musa dewřen deqřen. *Xenni* ksin ij n weřru uca ggin t sadu nnes uca iqqim xas uca Harun d Ĥur sennden ifassen nnes, iij zeg uyezdís-a, wenneđni zeg *uyezdís* nneđni. Ammu iqqimen ifassen nnes uzyen ařmi teyři tfuct. ¹³Uca iyřeb Yacue Amalik d řgens nnes s řeqđae n ssif. ¹⁴*Xenni* inna SIDI i Musa “Ari aya deg ij n wedlis i řidaret *dayes* uca egg it deg imejjan n Yacue, belli aqqa nnec ad mħiy řefkar n Amalik qae sadu ujenna.” ¹⁵Ibna Musa ij n uealřar uca iřaya as s isem “SIDI d abandu inu!” ¹⁶Inna “Minzi *ij n* ufus tuřa x řkursi n SIDI d SIDI ad igg garra x Amalik zi jjiř řar jjiř.”

Arzel n Ƴitru

18¹Isra Ƴitru, akehhan n Midiyan, aḍekk^war n Musa, marra min igga AREBBI ak-d Musa u ak-d Israyil, řgens nnes, d mammec dd-issuffuy SIDI Israyil zi Miřra. ²Iṭṭef Ƴitrun, aḍekk^war n Musa řaffura, tamęart n Musa, awarni řami tt issekk ad tedweř, ³jmie ak-d tnayen n tarwa nnes, iĵen qqaren as Jarcum, minzi tuęa inna “Tuęa-yi d abarrani di tmurt tabarranect”, ⁴d wenneḍni qqaren as Alicazir, minzi tuęa inna “AREBBI n baba ięawen ayi uca issenjem ayi zi ssif n Fireun.” ⁵Ƴitrun aḍekk^war n Musa, ak-d tarwa nnes d tmeṭṭut nnes, iwḍen ęar Musa di řexra, ęar mani iwta tasyimit ęar wedrar n AREBBI ⁶uca inna i Musa “Nec, aḍekk^war nnek Ƴitrun, usiy-dd ęarek, s temęart nnek d tnayen n tarwa nnes akis.” ⁷Xenni iffeę Musa ad iřqa aḍekk^war nnes, ibdendeę uca issudem it. Iĵen isseęsa wenneḍni x umeddur nnes uca udfen ęar uqiḍun. ⁸Musa iħaja i uḍekk^war nnes marra min igga SIDI ak-d Fireun u ak-d Imiřriyyen di ṭṭweę n Israyil u x marra tamara tinni xasen ikkin deg webrid d mammec ten ifekk SIDI. ⁹Uca ifarħ Ƴitrun zi marra řxir nni igga SIDI i Israyil, umi t ifekk zeg ufus n Imiřriyyen. ¹⁰Inna Ƴitrun “Sseęd n SIDI umi kenniw ifekk zeg ufus n Imiřriyyen u zeg ufus n Fireun, d wenni issnejmen řgens-a zeg ufus n Imiřriyyen! ¹¹Řexxu ssneę belli SIDI imęar aṭṭas x marra irebbiten, minzi mani xas wtin s řueřa, iędu ten.” ¹²Xenni iksi Ƴitrun, aḍekk^war n Musa, tayarřt n wecmaḍ d tięarřa i AREBBI, uca yus-dd Harun jmie ak-d marra imeqqranen n ayt n Israyil maħend ad yecc aęrum *jmie* ak-d uḍekk^war n Musa ztat i uęembub n AREBBI.

¹³Tiwecca nnes imsar belli Musa iqqim maħend ad iħkem řgens uca tuęa ibedd řgens ztat i Musa zi řřbeħ zic ař ğiřet. ¹⁴Izra uḍekk^war n Musa marra min itteęę i řgens, inna “Mana aya i tegęid cek i řgens? Mayemmi tęimid cek weħdec u marra řgens ibedd zzatek zi řřbeħ zic ař ğiřet?” ¹⁵Yarra Musa x uḍekk^war nnes “Minzi řgens ittass-dd ęari ħima ad ittar cwar n AREBBI. ¹⁶X minni ęarsen tettiři ca n tmesřact, ttaşen-dd ęari s man aya uca nec ħekmeę ęar ij d wenneḍni, sscanę asen tiweřřa d izerfan n AREBBI.” ¹⁷Řexdenni aḍekk^war n Musa inna as “Min tegęid, war ięi ca mliħ. ¹⁸Ggur ad taħred aṭṭas, cek d řgens-a i kik ięan, minzi man aya iḍęeř xak aṭṭas, war d as tzemmaređ ad t tegęed weħdec. ¹⁹Seř řexxu i wawař inu, nec ad cek neřęeę uca AREBBI ad kik yiři. Iři cek d aweřřay i řgens ztat i AREBBI uca qeddem ddeawi ztat i AREBBI. ²⁰řremđ asen tiweřřa d izerfan u sscen asen abrid min xef i d asen ittęeřř ad uyuren d řxedmet i d asen ittęeřř ad tt xedmen. ²¹Ęawed xzar cek ad tarzud ęar marra řgens x iryazen izęęęamen inni itteęęwden AREBBI, iryazen iřḍiqen, inni icarrhen tarezzut x arbeħ. Egg iten d ineęraf x wařef, x mya, x xemsin d x eęcra. ²²Eĵ iten ad ħekmen *ęar* řgens di marra řweęt. Ad yiři ad qedmen marra ddeawi iwearen zzatek, maca marra ddeawi timeęyanin ad xasent ħekmen s yixef nsen. Eĵ itt tefsus x yixef nnek u eĵ iten ad tt arbun akik. ²³Mařa tegęid aya d AREBBI i cek yumuren, tzemmaređ ad teęqimed tbedded uca marra řgens-a ad yaweḍ eawed di řehna ęar wemcan nnes.”

²⁴Isra Musa ęar wawař n uḍekk^war nnes, igga marra min *d* as inna. ²⁵Ixḍar Musa iryazen izęęęamen zi marra Israyil uca igga iten d ineęraf x řgens: ineęrafen x wařef, ineęrafen x mya, ineęrafen x xemsin d ineęrafen x eęcra. ²⁶Uca nitni ħekmen ęar řgens řebda uca qedmen ddeawi iwearen ęar Musa, maca marra ddeawi timeęyanin ħekmen xasent s yixef nsen. ²⁷Iqebbeḍ Musa aḍekk^war nnes uca yuyur netta ęar tmurt nnes.

SIDI x wedrar n Sinayi

19¹Třata n iyuren awarni ufuy n ayt n Israyil zi tmurt n Miřra, deg wass nni nnit, iwḍen-dd ęar řexra n Sinayi. ²Minzi ggwuęen zi Rafidim uca iwḍen ęar řexra n Sinayi, wtin din tasyimit nsen di řexra. Iwta Israyil tasyimit nnes din qibač i wedrar. ³Uca yuři Musa ęar AREBBI uca SIDI iřaya as-dd zeg wedrar uca inna as “Ammu i ęa tessiwřed ak-d taddart n Yaęqub u *ammu* i ęa tinid i ayt n Israyil ⁴Kenniw teęrim min ggıę ak-d Imiřriyyen d mammec kenniw księ x wafriwen n usiwan uca iwyey-dd kenniw ęari. ⁵Xenni řexxu, mařa tesřim mliħ ęar wawař inu uca teħḍam řeahd inu, ad ayi tiřim kenniw d lwiz amexřus inu ktar zi marra řegnus, minzi marra tamurt d inu. ⁶Kenniw ad ayi tiřim d ict n tgelda n ikehhanen d ij n řgens amqeddas. Ina d awařen inni i d ac ittęeřřan ad ten tessiwřed ak-d ayt n Israyil.”

⁷Iħwa-dd Musa uca iřaya-dd x imeqqranen n řgens uca ixebbar iten marra awařen-a i d as yumur SIDI. ⁸Uca marra řgens yarra jmie, nnan “Marra min issiweř SIDI, ad t negę!” Uca issiweḍ Musa awařen n řgens eawed i SIDI.

⁹Inna SIDI i Musa “Aqqa da, nec ad dd-aseę ęarek deg ij n useynu d abarcen, ħima ad iseř řgens xmi nec kik i ęa ssiwřeę uca eawed ad zzayek amnen i řebda.” Minzi Musa ixebbar awařen n SIDI i řgens. ¹⁰SIDI inna i Musa “Ruħ ęar řgens uca sęeddes iten ass-a d tiwecca, eĵ iten ad ssirden arruḍ nsen ¹¹uca ad iřin weęden i wass wiss třata, minzi deg wass wiss třata ad dd-iħwa SIDI x wedrar n Sinayi ztat i tiṭṭawin n marra řgens. ¹²Egg iymiren i řgens zi kuř nħiṭ, ini “ęarwem, war tiřyem ęar wedrar nię ad tħadam ṭṭarf nnes. Man wen mma i ęa iħadan adrar, ggur nican ad itwanęy. ¹³War t itħidi *ħed* s ufus, minzi *xenni* ad itwarjem nię ad itwawwet s řřitča min mma ięna, řebhimet nię d bnadem, war ittyimi iddar. Mařa ad din yiři iĵ n řħess d azirar *n řbuę*, zemmaređ ad ařen adrar.

¹⁴Ihwa-dd Musa zeg wedrar ɣar řgens, issqeddes řgens uca ssirden arruđ nsen. ¹⁵Inna i řgens “Iřim ttwejdem i wass wiss třata, war ttqarrabem ɣar temyart.” ¹⁶Di řřbeħ n wass wiss třata imsar, usin-dd wajjajen d wassamen uca yarsa useynu ideqřen x wedrar, izemmar řbuq n uqicc nnebřa qeřti s jjeħd. Marra řgens di tesqift yarjiji zzayes. ¹⁷Musa indeh řgens zi tesqift maħend ad iřqa AREBBI uca nitni bedden swadday i wedrar. ¹⁸Marra adrar n Sinayi idexxen, minzi SIDI tuya ihwa-dd xas di tmesi. Ddexxan nnes yuři-dd amecnaw ddexxan n ufarran uca marra adrar inhezz ařtas. ¹⁹Am ittzemmar řbuq n uyicc s jjeħd u nnebřa qeřti, issiweř Musa uca AREBBI yarr-dd xas s ij n řħess ijhed. ²⁰Ihwa-dd SIDI x wedrar n Sinayi, x tqiccat n wedrar uca iřaya SIDI i Musa ɣar tqiccat n wedrar. *Xenni* igaeėed Musa. ²¹Inna SIDI i Musa “Hwa-dd, u eřem i řgens maħend war ttcuqin di SIDI maħend ad t ẓaren uca *xenni* balak ad twahellken ařtas zzaysen. ²²Ejj eawed ikehhanen inni i ɣa iqarrben ɣar SIDI, ad ssqeddesen ixef nsen, ħima SIDI war d asen ittegg ca.” ²³Inna Musa i SIDI “Řgens war izemmar ad yaři ɣar wedrar n Sinayi, minzi cek tseřmed aneɣ tennid ‘Egg iymiren x wedrar uca sqeddes it.’” ²⁴Inna as SIDI “Ruħ, hwa! Ad tgaėeėedek cek ak-d Harun, maca ikehhanen d řgens war zemmaren ad cuqen ħima ad ħebcen ɣar SIDI, ħima netta war d asen ittegg ca.” ²⁵Řexdenni Musa ihwa-dd ɣar řgens uca inna asen manaya.

Ėecra n tewřiyat

20¹Issiweř AREBBI marra awařen-a, inna ²“Necc d SIDI, AREBBI nnek, wenni cek-dd issuffyen zi tmurt n Miřra, zi taddart n tesmuđi.

³War ɣarek ttiřin irebbiten innedni ztat i uyembub inu. ⁴War tegg řřanam ineqcen niɣ ca n řħajet tařwes di min iħan sennej deg ujenna niɣ di ca *da* swadday i tmurt niɣ di ca deg waman min iħan sadu tamurt. ⁵War ggur ad asen tbeñdeq uřa ad ten txedmed, minzi necc, SIDI, AREBBI nnek, d ij n Arebbi ittassen, wenni yarzfen řmuėřiyet n ibabaten di tarwa *nsen* ař jjiř wiss třata d jjiř wiss arebea n yinni i d ayi icarrhen, ⁶d wenni isscanan tcuni nnes iccuren di řuřuf n yinni d ayi ittexsen u ħeřtan řumurat inu.

⁷War netteq s isem n SIDI, AREBBI nnek, di řbařeř, minzi war isemmeħ SIDI wenni i ɣa inetqen s isem nnes di řbařeř.

⁸Idar ass n ssebt, ad t tessqeddes netta. ⁹Ad txedmed setta n wussan u ad tegged marra řxedmet nnek ¹⁰maca ass wiss sebea d wass n ssebt n SIDI, AREBBI nnek. War *dayes* tettegged uřa d ict n řxedmet, cek lla, uřa d mmic lla, niɣ d yeğic, uřa d ismey nnek, niɣ tayya nnek, uřa d řebhimet nnek, niɣ d abarrani wenni akik iħan daxeř i tewwura nnek. ¹¹Minzi di setta n wussan i igga SIDI ijenwan d tmurt, řebħar d marra min dayes uca yareyyeħ deg wass wiss sebea. S uyenni ibarek SIDI ass n ssebt uca issqeddes it.

¹²Weqqar babac d yemmac, maħend ussan *n tudart* nnek *zemmaren* ad zzugarten di tmurt i d ac iwca SIDI, AREBBI nnek.

¹³War neqq.

¹⁴War zenna.

¹⁵War ttacar.

¹⁶War cehhed s ixarriqen đidd i wajjar nnek.

¹⁷War ececeq taddart n wajjar nnek, war ttegg meẓri di tamyart n wajjar nnek, niɣ ismey nnes, niɣ tayya nnes, niɣ amwa nnes, niɣ ayyuř nnes uřa d ict řħajet i iħan n wajjar nnek.”

¹⁸Marra řgens izra ajjajen d wassamen d ddriz n řbuq d wedrar idduxxunen. *Umi izra řgens* man aya, *xenni* arjijen uca beeėden *nitni* ɣar řaggwaj. ¹⁹Nnan i Musa “Siweř cek akidney uca ad nseř. *Maca* ittxeřsa belli AREBBI war kineɣ issawař ħima war nettmetti.!” ²⁰Inna Musa i řgens “War teggdem ca, aqqa yus-dd AREBBI ħima ad kenniw iqeğeb u ħima ad zzayes ttggwedem maħend war txetřim ca.” ²¹Ibedd řgens zi raggwaj, maca Musa iqarreb ɣar useynu abarcen, mani tuya AREBBI.

Tiyarřa d uealřar i SIDI

²²Inna SIDI i Musa “Ammu ittxeřř ad tinid i ayt n Israyil ‘Kenniw teẓrim belli ssiwřeɣ akidwem zeg ujenna. ²³War tteggem kidi irebbiten n nnuqart niɣ irebbiten n wureɣ i yixef nwem. ²⁴Ggem ayi ij n uealřar s ucař, qeddem xas tiyarřa nnek n wecmađ d tiyarřa nnek n řehna, uđi nnek d ifunasen d tfunasin nnek. Di kuř amcan mani i ɣa ggeɣ řidaret n isem inu, ad ɣarek-dd aseɣ uca ad ac barkey. ²⁵Mara teggid ayi ij n uealřar n weẓru, war t tbennid s izra ineqcen, minzi mařa tessgaėeėedek areyzim nnek xas, *xenni* ad t tessureřdeđ. ²⁶War ttgieėid ɣar uealřar inu s ij n druj, ħima war ittbini usedħi nnek.”

Tiweŝsa zi jjihet n isemyan

21¹“Tina i iġan d lfarayid tinni d asen i ya tessiwdeġ.
²Maña tesyid ismey d acibrani, *xenni* netta ad ac ixdem setta n isegg^wusa, maca deg *usegg^was* wiss sebċa ad itwaħarr nnebġa ad din yiři ca n řexřař. ³Maña yudef weħdes, weħdes i ya iffeŷ, maña ġares tamġart, ad iffeŷ *xenni* netta d temġart nnes. ⁴Maña sides iwc as tamġart uca nettat teġja as-dd iħenjiren d tħenjirin, *xenni* tamġart d tarwa nnes jmie ad iřin n sides, u ggur *xenni* netta ad iffeŷ *weħdes*. ⁵Uca maña ismey inna s uziyyar “Necc xseŷ sidi inu d temġart inu d tarwa inu, war xseŷ ad twaħarrey”, ⁶řexdenni sides ad t issbedd zzat i AREBBI. Ad t yawi ġar tewwart niŷ ġar tnebdat uca sides ad as issnuqċeb amejjun nnes s ict n tsineft uca netta ad as ixdem i řebda.

⁷Maña ħed izzenz yeġis d tayya, war ggur ad tetteffey am muxas tteffyen isemyan.

⁸Maña war teejib i sides u netta tuġa isřuz itt i yixef nnes, ad as ismeħ ad tetwafdid. War izemmar ad tt izzenz i ij řgens n barra minzi netta iġdar zzayes s *min igga*. ⁹Maña ixdeċ itt i mmis, ad kides igg am tteġgen i yessis. ¹⁰Maña iksi *tamġart* nneċni i yixef nnes, war ineqċeř řeuċ n weysum nnes, niŷ arruċ nnes, niŷ řeacart nnes. ¹¹Uca maña war d as iggi třata-ya, *xenni* nettat ad teffeŷ bařeř, nnebġa nnuqart i weřřaħ.

Tiweŝsa zi jjihet n tudart n umqarrab

¹²Wenni i ġa iwten ħed ařami immut, ad itwaney. ¹³Maña war t iggi neemada, maca AREBBI igga as-dd deg ufuŷ nnes, řexdenni necc ad ac ssecney amcan mani izemmar ad yařwer. ¹⁴Maca maña ħed icedda x wajjar nnes uca inġa it s řeydaret, *xenni* ad t teksid ġar uealtar inu maħend ad immet.

¹⁵Wenni iwtin babas niŷ yemmas, ad immet.

¹⁶Wenni yucaren bnaċem uca izzenz it, niŷ itwaf *ead* ġares, ad itwaney nican.

¹⁷Wenni i ġa ikk^waren babas niŷ yemmas, ad itwaney nican.

¹⁸Maña iryazen mmenyen ak-d wayawya uca iġen iwta wenneċni s weřru niŷ s řpuniyyet uca netta war immut, maca iwċa di qama ¹⁹*xenni* ikkar eawed uca yuyur *zi jdid* barra x teġyarct, řexdenni ad yiři, wenni t iwtin, ifurra. Myir min ineqřen waha *zi řmunet nnes* i d as i ġa iwc uca ad as iewweř x marra ař agenfu.

²⁰Maña ħed iwta ismey nnes niŷ tayya nnes s ukeccuċ uca war immut sadu ufuŷ nnes, *xenni* itxeřsa ad as yuġa x teġart nnes nican.

²¹Maña iqqim ibedd iġ niŷ tnayen n wussan, war d as yuġi tasġart, minzi netta d *tmenyat n* nnuqart nnes i yeġa.

²²Maña iryazen mmenyen uca wtin tamġart s ddeyset uca iwċa as-dd ueċċis nnes, maca war temsar ca n tuċeffna ktar, *xenni* netta ad ixegęř nican ij n multa elahřab min d as i ġa ittar weryaz n temġart u ittxeřsa as ad tt iwc i inezraf.

²³Maña temsar ca n tuċeffna, řexdenni ad tewced tudart s tudart, ²⁴tiřř s tiřř, tiymest s teymest, afus s ufuŷ, aċar s uċar, ²⁵acmaċ s ucmaċ, ayezzim s uyezzim, ticti s ticti.

²⁶Maña ħed iřqef tiřř n ismey nnes niŷ tiřř n tayya nnes, iċeyyee itt, *xenni* ad as yeġj ad itwaħarr zi ssibbet n tiřř nnes.

²⁷Maña s tecti i tekkes tiymest n ismey nnes, niŷ tiymest n tayya nnes, *xenni* ad t yeġj ad itwaħarr zi ssibbet n tiymest nnes.

²⁸Maña amwa imarz i waryaz niŷ i temġart, u wanita immut, *xenni* amwa ad itwarjem u aysum nnes war zzayes tteten, maca bab n umwa ad yiři d afurri. ²⁹Maca maña amwa tuġa immuzzar iċennaċ d fariċennaċ uca bab nnes tuġa issen uca war t iħċi uca inġa aryaz niŷ tamġart, *xenni* amwa ad itwarjem uca eawed bab nnes ad itwaney. ³⁰Maña ggin xas ttaman n weřřaħ, řexdenni ad iwc min mma i tudart nnes, ³¹niŷ *amwa* iřbez aħenjir niŷ *iřbez* taħenjirt, řa d netta eawed ad xas ħekmen s lfariċa-ya. ³²Maña amwa iřbez ismey niŷ tayya, ad iwc třatin n uceqqil n nnuqart i sides, uca amwa ad itwarjem.

³³Maña ħed yarzem anu niŷ maña iġza anu uca war t iċři, uca iwċa dayes umwa niŷ ayyuř, ³⁴*xenni* bab n wanu ad ixegęř uca ad yarr s nnuqart i bab nnes, uca ametti ad yiři nnes.

³⁵Maña amwa iřbez amwa n wajjar nnes ařami immut, řexdenni ad izzenz amwa iddaren, ad bċan tmenyat-a *jar asen* uca eawed ad bċan *amwa* ametti. ³⁶Maca maña issen belli amwa ihaj zeg iċennaċ d fariċennaċ, uca bab nnes war t iħċi, ad ixegęř amwa s umwa, d *umwa* ametti ad yiři nnes. ³⁷Maña ħed yucar amwa niŷ ij zeg wuġi uca iġarř as niŷ izzenz it, *xenni* ad ixegęř x umwa nni xemsa n ifunasen x ij n umwa u areċa n wuġi x iġj zeg wuġi.”

Tiwešsa zi jjihet n umqarreb

22¹Maša itwaf uceffar uca ufin t *ead* am ineqgeb, ad itwaddez aš d immet, war xas ittmarsi *umarwas n* idammen. ²Maša tnedqar-dd xas tfuct, ad yiři immars xas umarwas n idammen. Ad ixegęš marra. Maša war ęares walu, ad itwammenz min dd-tawi tuceffra nnes. ³Maša itwaf iddar s tuceffart deg ufuš, ad yiři d amwa nię d aęyur nię *ijj zeg* wuęi, ad ixegęš tnayen n tseqqar.

⁴Maša ęed ijja ad ihda iyyar nię tzayart uca yarwes taęimart nnes dayes uca ad asen idęreq ad hdan di tmurt n wenneęni, *xenni* ad *tt* ixegęš zi řemxeyyer n iyyar nnes u zi řemxeyyer n tzayart nnes.

⁵Maša teffeę tmesi uca teřqef asennan u tecca tiqebbięin n *imendi* nię imendi igaeęden nię iyyar, *xenni* wenni iceeęřen timessi ad ixegęš marra.

⁶Maša ęed ihęa i wajjar nnes nnuqart nię řeqcue u man aya *marra* itwacaren as zi taddart n weryaz *nmi*, xenni aceffar iggur, maša ufin t, ad ixegęš tnayen n tseqqar. ⁷Maša war ufin aceffar, řexdenni ad ssqarrben bab n taddart ęar AREBBI *maęend ad ssnen* ma ad *tay* isswizęeę afus nnes ęar wagra n wajjar nnes.

⁸Marra ixetętan zi jjihet n umwa nię n weęyur nię n wuęi nię n warruę nię zi jjihet n min iweddaren i zzayes inna *ęed* 'Aqqa-t d wal!', ad dd-tas tmesřact i ięan jar asen s tnayen zzat i AREBBI uca wenni ad xas ihkem AREBBI, ad ixegęš i wajjar nnes tnayen n tseqqar.

⁹Maša ęed iwca i wajjar nnes aęyur nię amwa nię *ijj n zeg* wuęi nię ca n řebhimet nneęni ad t ihęa uca immut nię iwęa-dd ihřec nię ucaren t am war t izri ęed, ¹⁰*xenni* ad din tiři jar asen tjaęit ęar SIDI belli netta war isswizęeę afus nnes ęar wagra n wajjar nnes. Bab nnes ad tt iqbeř uca wenneęni nnehřa mma ad *tt* ittxeęę. ¹¹*Maca* maša min yucaren tettwacar zzayes, di lhala aya ad t ixegęš i bab nnes. ¹²Maša ameqqarę itwayarę *zeg ij n řwehc*, ggur ad yawi chadet uca ad taf nnehřa mma ad ixegęš ameqqarę.

¹³Meřmi ęed yaręeř ca zeg wajjar nnes uca tarrez nię temmut di řęayeb n bab nnes, ittxeęę as ad tt ixegęš marra. ¹⁴*Maca* maša bab nnes tuęa ihęar, ad taf nnehřa mma ixegęš itt. Maša tuęa icarra tt xas, ad taf tudef di řecra nnes.

¹⁵Uca maša ęed immaręen x ca n tebřięt tenni war ixęiben ead uca itęę akis, ittxeęę as ad as iwc řęadaę imun *maęend* ad tt yawi d tamęart.

Tiwešsa zi jjihet n tuęeębit n arruę d arrimet

¹⁶Maša babas war ixš ad as tt iwc, ad as iwzen řęadaę n tebřięin s nnuqart. ¹⁷War tejjam taseęęart ad teddar.

¹⁸Man wen mma itęęen ak-d ij n řmař, ad itwaneę deęya.

¹⁹Wenni iwehhben tayaršt i *ij n arebbi*, itxeęęa ad itwateęęa, illa maša *aqqa-tt* i SIDI i netta weędes.

²⁰War tthekkim x ubarrani u war xas tzeęyar, minzi tuęa uřa d kenniw d ibarranięyen di tmurt n Miřra.

Tiwešsa zi jjihet n inni ięeęfen

²¹War sseęqaram ca n tajač nię ayujiř. ²²Maša tiwęed ad t tesseęqared aętas uca netta issęuyy-dd ęari, aqqa necc s uęiř ad sřeę i tęuyyit nnes. ²³Lyadab inu ad idweř ihęaj, uca ggur ad kenniw nęeę s ssif, timeęęta nwem ad dewřent d tijař d tarrawt nwem d iyujiřen.

²⁴Maša tareęred nnuqart i ij n umeęřuę zi řęens inu i *din* ęarek, *xenni* war tteęged akis amecnaw amarwas nię ad xas teęged d arriba.

²⁵Maša teksid arruę zeg wajjar nnek d arhan, arr as t, qbeř mma ad teęři tfuct. ²⁶Minzi i ęares waha d aęeęef nnes, aqqa-t d arruę x teřmect nnes. Min di i ęa itęę *xenni*? Xmi ęari-dd i ęa issęuyy, řexdenni ad as sřeę, minzi necc aqqa d aęnin!

Tiwešsa zi jjihet n uweqqar i AREBBI

²⁷War tteęei x AREBBI u war tekk^war ineęraf n řęens nnek.

²⁸War seęętařa taccurt n *řyięet* nnek, nię aęřay n *teęsart* nnek. *Uřa* d amenzu n tarwa nnek ad ayi tewced. ²⁹Ammu i ęa teęged *eawed* s imwa nnek d wuęi nnek. Sebea n wussan ad iřin ak-d yemmatsen uca ęar wass wiss tmenya ad ayi ten tewced.

³⁰Ad ayi tiřim d imęeddasen uca war tteętem aysum i iqqaręen di řexřa. Ad t tendarem i ięan."

Tiwešša zi jjihet n mammec i ya nešrref ak-d umqarreb

23 ¹“War ssuffuy řexbar n ixarriqen, war ttic afus nnek i uneffaq maħend ad tiřid d acehhad n ddeğ. ²War areddef abarru di řyar u deg ij n wendaf, s uarni n wařtas, war tbeėcid ca x řheqq s temwarrit nnek, uca *xenni* ad tessfaryed řheqq.

³Deg wendaf war ttriř ca ak-d umesei.

⁴Mařa terqid amwa niy ayyuř iweddaren n řeėdu nnek, ittxešša ad ad t idd tarred s uyiř. ⁵Mařa tezdrid ayyuř n wenni tcarhed iwđa s đđqeř nnes, war ttejji i yixef nnek ad t tejjed *amenni*, *maca* eawen it ad itwafekk ayyuř.

⁶War tarezza tasyart n umesei nnek deg wendaf nnes.

⁷Beėced x tmesřact iyeccen. War neqq afurri niy amsegged, minzi necc war ttbarriy amednub. ⁸War kessi tamewci, minzi tamewci tessdaryar tiřawin yarezmen u tesfarray awařen n imseggden.

⁹War tzeyyarem x ubarrani, minzi kenniw tessnem nnefs n ubarrani, minzi tuya kenniw d ibarraniyyen di tmurt n Miřra.

¹⁰Setta n isegg^wusa ad tzarėed tamurt nnek uca ad tessmuned řyiğet nnes. ¹¹Deg usegg^was wiss sebea ad tt tejjed texwa uca ad as tarxud, ĥima ad zzayes ccen imezřađ n řgens nnek uca min iqqimen ad zzayes ccen řmař n řexřa. Ammu i ya tegged eawed s tzayart nnek d z Zitun nnek.

¹²Di setta n wussan ggur ad tegged řxedmet nnek, uca deg wass wiss sebea ad tareyyħed, maħend ad yareyyeħ amwa nnek d weyyuř nnek uca ad yarr nnefs mmis n tesmeyt nnek d ubarrani.

Tiwešša zi jjihet n uweqqar d nneyyet i AREBBI

¹³Di marra min d awem nniy, ĥđam t. War ttidar isem n irebbiten nneđni. War ggur ad twasřen *ismawen nsen* zeg uqemmum nnek.

¹⁴Třata n twařawin deg usegg^wass ad ayi teggem řeid. ¹⁵Reid n weyrum nnebřa antun ad t teħđam. Sebea n wussan ad tecced ayrum nnebřa antun, amecnaw mammec d awem umurey necc, di řweqt itwaggen deg uyur n Abib, minzi dayes teffyed zi Miřra. War dd-tusim texwam zzat i uyembub inu. ¹⁶Ĥđam eawed řeid n tmeyra, řeid n imezwura n řyiğet n řxedmet nnek i tzarėed deg iyyar, d řeid n usmuni n *ššabet* n uneggar n usegg^was, xmi i ya tejwed řxedmet nnek zeg iyyar. ¹⁷Třata n twařawin deg usegg^was ad đharen marra iryazen n řgens nnek zzat i uyembub n Sidi SIDI.

¹⁸War ttqeddam idammen n tyarřt inu s weyrum s wentun u tadunt n tyarřt n řeid inu war tettiymi ġiřet *tekmeř* ař ššbeħ.

¹⁹Imenza n řyiğet n tmurt nnek ad *ten* tawyed ġar taddart n SIDI, AREBBI nnek. War snenni iyeyđ s uyi n yemmas.

²⁰Aqqa da, ad ssekkey **ij n lmalak** zzatek ĥima ad cek iħđa deg webrid uca ad cek yawi ġar wemcan wenni sswejdey. ²¹Ĥđam zzat i uyembub nnes uca seř i wawař nnes, war xas tteėda, minzi netta war isemmeħ i ixetřan nwem, minzi isem inu dayes. ²²Maca mařa s tidett ad tesřed i wawař nnes, ad tegged marra min d ac i ya iniy, ad iři y d řeėdu i řeėdyan nnek uca ad ĥšarey inni cek iħešřaren. ²³Minzi **lmalak inu** ad yiři zzatek, ad cek ssidfe y di *tmurt n* Imuriyyen d Iħittiyyen d Ifiriziyyen d Ikenėaniyyen d Iħiviyyen d Iyabusiyen, u ggur necc ad ten teħħiy. ²⁴War ttbendiq ġar irebbiten nsen niy ad ten tēebded niy ad tegged am ttegggen nitni, maca ad ten tetteħħid qaė uca ad tarzed marra řexyařat nsen. ²⁵Ad tēebdem SIDI, AREBBI nwem, u netta ad ibarek ayrum nnek d waman nnek uca necc ad kksey řehřacat zi řweřt nnek. ²⁶War tettiři *temyart* nni umi iwđa uėeddis niy war ittiřiwen di tmurt nnek. Necc ad kemmřey leadad n wussan nnek. ²⁷Necc ggur ad ssekkey anexřie zzat i uyembub nnek, ad ssxarewđey marra řgens i ya tafed *deg webrid nnek* uca ad arrey marra řeėdyan nnek ad xak arewřen. ²⁸Necc ad ssekkey irezzan idaryaren zzat i uyembub nnek, inni igguren ad azzřen x Iħiviyyen d Ikenėaniyyen d Iħittiyyen zzatek. ²⁹War ten ssigg^wijey ca zzatek deg ij n usegg^was, maħend war tettiymi tmurt d řexřa u řmař n řexřa war tmarenen ařtař. ³⁰S cway cway ad ten ssigg^wjey x zzat i uyembub nnek, ař i ya temmarenyed *deg wařtas* uca ad *tzemmarred* ad teksid tamurt d řwart. ³¹Necc ad ggey iymiren zi řebħar n Suf ař řebħar n Ifiliřiniyyen u zi řexra ař iyzar, minzi ad arrey imezday n tmurt deg ufus nnek uca ad *cek arrey* cek ad ten tessigg^wjed zzatek. ³²War ttegg řeahd akisen niy ak-d irebbiten nsen. ³³War zeddyen di tmurt nnek, ĥima war cek ttarrin ad texđid akidi. Mařa ad tēebded i irebbiten nsen, ad ac yiři d man aya d taxceft.”

Řeahd n AREBBI ak-d řgens

24 ¹Uca inna i Musa “Gaėeėd ġar SIDI, cek d Harun d Nadab d Abihu d sebein n imeqqranen n Israyil uca bendqem zi ragg^waj. ²Musa weħdes ad dd-iqarreb ġar SIDI, maca nitni war dd-tqarriben ca. Uřa d řgens war akis ittgiėeid ca. ³Musa iėqeb-dd uca ixebbar řgens x marra wawařen n SIDI d marra lfarayid. Marra řgens yarra s ijj n wawař, nnan

“Ad negg marra awařen i inna SIDI.” ⁴Musa yura marra awařen n SIDI. Yar ššbeħ zic ikkar uca ibna ij n uealțar ȳar iđaren n wedrar uca *igga* tenεac n terkizin, εlaħsab *leaded* n tenεac n tqebbař n Israyil. ⁵Issekk ibřiyen n ayt n Israyil, inni issgaεεeden tiȳarři n wecmađ d tiȳarři n řehna zeg imwa i SIDI. ⁶Iksi Musa azyen n idammen, iggi t di tťbaři uca irucc azyen nneđni n idammen x uealțar. ⁷Iksi adlis n řeahd, iȳra it x imezzuȳen n řgens, inni innan “Marra min *d aney* inna SIDI ggur ad *t negg* u ggur ad *t ntaε*.” ⁸Iksi Musa idammen, irucc iten x řgens, inna “Aqqa da, ina d idammen n řeahd wenni igga SIDI akidwem x marra awařen-a.”

⁹Uca igaeεed Musa ak-d Harun d Nadab d Abihu d sebein n imeqqrannen n Israyil. ¹⁰Zřin AREBBI n Israyil. Tuȳa sadu iđaren nnes amecnaw ict n tisit itwaggen n saffir aziza, iřfa amecnaw ajenna simant nnes. ¹¹War isswizzeđ afus nnes x ineyraf n ayt n Israyil, maca, awarni řami zřin AREBBI, ccin, swin.

¹²*Řexdenni* inna SIDI i Musa “Gaεεed-dd ȳari x wedrar uca qqim din uca necc ad ac wceȳ tiřwiħin n wezru, ttawrat d řumarat tinni uriȳ ħima ad asen tent tessermeded.” ¹³Ikkar Musa ak-d Yacue, axeddam nnes, uca igaeεed Musa ȳar wedrar n AREBBI. ¹⁴Inna i imeqqrannen “Rajam aney danita ař ȳa ȳarwem dd-nedweř. Aqqa da, Harun d Ĥur aqqa-yen akidwem. Mařa din ħed ȳares ca n tmesřact, ittceřřa as ad ȳarsen irah.”

¹⁵*Řexdenni* igaeεed Musa ȳar wedrar uca ij n useynu idřa adrar. ¹⁶Aeuđi n SIDI immars x wedrar n Sinayi d useynu idř it setta n wussan uca deg wass wiss sebea iřaya-dd x Musa zi řwest n useynu. ¹⁷Ascan n ueuđi n SIDI tuȳa-t di titťawin n ayt n Israyil amecnaw timessi iħedqen x tqiccat n wedrar. ¹⁸Awarni řami igaeεed ȳar wedrar, yudef Musa di řwest n useynu u tuȳa Musa iqqim arebein n wussan d arebein n ģȳaři deg wedrar.

Tiweřsa zi jjihet n ubenni n i Tzeddiyt n SIDI

25¹Issiweř SIDI ak-d Musa uca inna ²“Ini i ayt n Israyil ad ayi-dd sgaεeden ict n tewhibt i ujenna. Zi marra aryaz nni d as yarezmen uř nnes, ad teksim **tawhibt tenni i ȳa ssgaeεden** i nnes. ³Ta d **tawhibt tenni i ȳa ssgaeεden** d tenni i ȳa teksid zzaysen: ureȳ d nnuqart d nnħas, ⁴d *řeqten* n adehmi d arjuwani d uzegg^way iħedqen d řeqten ifsusen d ccear n tyayđin, ⁵d iřmawen izegg^wȳen n icarriyyen, d iřmawen n ddenfiřat, d ukeccuđ n *tcejart* n ukasiya. ⁶zzect i tfawt n řqendiř, řetreyya i zect nwedhan u i řebxur ittfulħen. ⁷izra n biril d izra *iyřan* maħend ad ten ggen x upaltu u x tajmect.

⁸Ad ayi ggen ict n zzawect tamqeddast ħima ad zedyȳ jarasen. ⁹Ggur ad *t* tegged amecnaw marra min ggureȳ ad ac ssecney, *εlaħsab* amedya n Tzeddiyt u *εlaħsab* amedya n marra řeqcue i dayes iđan.

¹⁰Ad ggen εawed ij n Řehmeř n ukeccuđ n *tcejart* n ukasiya. Ad tiři tuzzeggart *nnes* tnayen n iȳađen d wezyen d tiru *nnes* ij n uȳiř d wezyen d řuera *nnes* ij n uȳiř d uzyen. ¹¹Ad t tessduřyed s wureȳ iřfan, zi daxeř u zi barra ad t tessduřyed, uca ad as tenneđ ij n zwaq n wureȳ. ¹²Ad as tesfesyed arebea n texrazin n wureȳ. Ad tent tegged i arebea n tyemmura. Tnayen n texrazin ad iřint ȳar ij n uȳezdis u tnayen n texrazin i uȳezdis nneđni. ¹³Ad tegged iεumad n ukeccuđ n *tcejart* n ukasiya uca ad tent tedřed s wureȳ. ¹⁴Sidfem iεumad di texrazin nni iđan ȳar iȳezdisen n Řehmeř, ħima ad xas arbun Řehmeř. ¹⁵iεumad ad iřin di texrazin n Řehmeř, war zzaysent ttetwaksent ca. ¹⁶Ggur ad tewced Chadet, tenni d ac i ȳa wceȳ, di Řehmeř. ¹⁷Ad tegged εawed ij n **uřehħef n weřřah** n wureȳ iřfan s ict n tuzzeggart n tnayen iȳađen d wezyen u s ij n tiru n ijj n uȳiř d wezyen. ¹⁸Ad tegged εawed **tnayen n ixirubinen** n wureȳ yeedeř s wefdis i dd-itteffȳen zi tnayen n ixfawen n uřehħef n weřřah. ¹⁹Ggur ad tegged ij n uxirubin ȳar ij n ixef u ij n uxirubin nneđni ȳar ixef nneđni. Ad teggem ixirubinen zeg uřehħef n weřřah ȳar tnayen n ixfawen nnes. ²⁰Ixirubinen ggur ad bezεen afriwen ȳar sennej nsen uca ad dřen s wafriwen nsen amcan n weřřah. Udmawen nsen ad iřin qibač ij i wennneđni uca ad xzaren ȳar udmawen n ixirubinen ȳar uřehħef n weřřah. ²¹Ggur ad tegged ařehħef n weřřah x Řehmeř, awarni řami tessarsed Chadet i d ac i ȳa wceȳ di Řehmeř. ²²Dinni i kic i ȳa mmeřqiy uca ad kik dd-ssiwřey zi sennej i uřehħef n weřřah, ȳar tnayen n ixirubinen inni iđan sennej i Řehmeř n Chadet, x marra min d ac i ȳa umureȳ i ayt n Israyil.

²³Ad tegged ij n **tzewđa** n ukeccuđ n *tcejart* n ukasiya, ȳares ict n tuzzeggart n tnayen n iȳađen d ij n tiru n ijj uȳiř d ij n řueřa n ijj uȳiř d wezyen. ²⁴Ad tt tedřed s wureȳ iřfan uca ad as tegged ȳar tmewwa nnes ij zwaq n wureȳ. ²⁵Ggur ad as tegged ict n tmewwa n ijj n cbar n ufus u ȳar tmewwa nni ad tegged ij n zwaq n wureȳ. ²⁶Ggur ad tegged arebea n texrazin n wureȳ uca ad tent tmetned ȳar arebea n tyemmura tinni iđan ȳar arebea n iđaren nsen. ²⁷Tixrazin ad iřint ztat tmewwa maħend ad *daysent* twatťfen iεumad *i tarebbut* n tzewđa. ²⁸Ad tegged iεumad *i tarebbut* zeg ukeccuđ n *tcejart* n ukasiya, ad tent tȳeđfed s wureȳ uca ad zzaysent arbun tazewđa. ²⁹Ad tegged εawed tťbaři nnes d tyenjajin nnes d iȳarrafen nnes d řkisan nnes maħend ad zzaysen faryen. Ggur ad ten tegged s wureȳ iřfan.

³⁰X tzewđa ad tegged **ayrum n wescan** ztat i uȳembub inu.

³¹Ad tegged ij n řqendiř n wurey iřfan. Ad itwaædeř řqendiř s wefđis n wemziř, adaf n uđar nnes d iyaęen nnes uřa d řkisan nnes d tteffaĥin nnes d innuwaren nnes ad zzayes-dd ffyen. ³²Setta n iyaęen ad dd-ffyen zeg iyezdisen nnes, třata n iyaęen zeg ij n uyezdis n řqendiř d třata n iyaęen zeg uyezdis nneđni n řqendiř. ³³Třata n řkisan ad iřin deg ij n uyiř di furma n unewwar n ġewz ak-d tecřařt d unnuwar uca *æawed* řar uyiř nneđni třata n řkisan di furma n unewwar n ġewz ak-d tteffaĥt d unnuwar. Ammu *æawed* iggin marra setta iyaęen nni dd-iffyen zi řqendiř. ³⁴Var řqendiř simant nnes ad *din* iřin arebea n řkisan di furma n ġewz ak-d tteffaĥin d inewwaren nsen. ³⁵Ad *din* tiři ict n tteffaĥt sadu tyuya n iyaęen i zi dd-ffyen d ict n tteffaĥt sadu tyuya n iyaęen awarni as i zzayes-dd ffyen uca *ammu i řa yiři* i setta n iyaęen i dd-iffyen zi řqendiř. ³⁶Titeffaĥin nsen d iyaęen nsen ad zzayes-dd ffyen uca ad yiři marra ina d ijjen zeg wurey iřfan. ³⁷Ad tegged setta n teftiřin uca ad xas twassarsent teftiřin nnes maĥend ad wcent tfawt řar řřarf n ujemmađ. ³⁸Tijeqqađin nnes d tmejmarin nnes ad iřint zeg wurey iřfan. ³⁹Ad itwagg *řqendiř* zeg ict n ‘talint’ n wurey iřfan s marra dduzan-a akis. ⁴⁰Uca xřar, ad t tegged amecnaw amedya nnes wenni i d ac itwamřen deg wedrar.”

26¹“Ad tegged **Tzeddiyt** s *æcra* n tjařtiřin n řeqęten azdad immuden u zi *řeqęten* adeĥmi d arjuwani d azegg^way iĥedqen uca ad *xasent* tegged ixirubinen *elařsab* ij n ureqqem amzewweq. ²Tuzzeggart n ict n tjařtiřt ad tiři tmenya-u-eicrin n iyaęen d tiru n tjařtiřt arebea n iyaęen. Marra tjařtiřin ad řarsent yiři řeebar d ijj. ³Xemsa n tjařtiřin ad tent ssmunen ict ak-d tenneđni u *æawed* xemsa n tjařtiřin ad tent ssmunen ict ak-d tenneđni. ⁴Var řřarf n ict n tjařtiřt mani i tt řa ssmunen, ittxeřř ad tegged tisarawin tideĥmanin. Ammu tent i řa tegged *æawed* řar řřarf n tjařtiřt wenni ad tetwassmun ak-d tenneđni. ⁵Xemsin n tsarawin i řa tegged deg ict n tjařtiřt u xemsin n tsarawin řar řřarf n tjařtiřt tenni ad tetwassmun ak-d tenneđni, maĥend tisarawin ad mmeřqant ict ak-d tenneđni. ⁶Ad tegged *æawed* xemsin n tisennarin n wurey uca ad tessmuned tjařtiřin ict ak-d tenneđni s tsennarin maĥend ad tedweř d ict n Tzeddiyt.

⁷Ad tegged *æawed* **tjařtiřin s ccear n tyayđin** maĥend ad iřint d ij n uqiđun x Tzeddiyt. Ad tegged **ĥideac n tjařtiřin**. ⁸Tuzzeggart n ict n tjařtiřt ad tiři třatin n iyaęen, d tiru n ict n tjařtiřt ad tiři arebea n iyaęen. *Ĥideac* n tjařtiřin ad řarsen yiři řeebar d ijj. ⁹Ad tessmuned xemsa n tjařtiřin weĥdsen d setta n tjařtiřin *æawed* weĥdsen. Tjařtiřt wiss setta ggur ad tt tđeřsed řar zzat i wudem n uqiđun. ¹⁰Uca ad tegged xemsin n tsarawin řar řřarf n ict n tjařtiřt mani i tt řa ssmunen uca xemsin tsarawin řar řřarf n tjařtiřt tenni ad tetwassmun ak-d tenneđni. ¹¹Ad tegged xemsin n tsennarin n nnĥas uca ad tent tessidfed di tsarawin uca ad tessmuned aqiđun maĥend ad yiři d ijjen. ¹²Min iceęęten n tjařtiřin n uqiđun, azyen n tjařtiřt tenni iceęęten, ad yayeř řar đeffar n Tzeddiyt. ¹³N min iceęęten di tuzzeggart n tjařtiřin, ij n uyiř ad yayeř řar ij n řřarf, d ij n uyiř řar řřarf nneđni, řar tnayen n tmewwa n Tzeddiyt maĥend ad as iřeĥĥef i ij n uyezdis u i uyezdis nneđni.

¹⁴Ggur ad tegged i uqiđun *ead* ict n **tseqqaft n iřmawen izegg^wyen n icarriyyen** u sennej i man aya ict n **tseqqaft n iřmawen n ddenfiřat**.

¹⁵Ad tegged i Tzeddiyt tifeřwin n ukeccuđ n *tcejjart n* ukasiya nni ibedden nican. ¹⁶Tuzzeggart n ict n tefrewt ad tiři *æcra* n iyaęen d tiru n ict n tefrewt *ad tiři* ijj n uyiř d wezyen. ¹⁷I kuř tafřewt ad řares iřin tnayen n iđaren, ij n ak-d wennedni amecnaw uĥmaten, ammu i řa tegged marra tifeřwin n Tzeddiyt. ¹⁸Ad tegged i Tzeddiyt **tifeřwin**, eicrin n tfeřwin i uyezdis n tcarmin, řar jjiĥet n tcarmin. ¹⁹Ggur ad tegged arebein n **tyarsawin n nnuqart maĥend ad tent ssarsen** sadu eicrin n tfeřwin, tnayen n tyarsawin sadu ict n tefřewt i tnayen n iđaren nnes d tnayen n tyarsawin sadu tefřewt nneđni i tnayen n iđaren n tefřewt nneđni. ²⁰*æawed ad tegged* eicrin n tfeřwin i uyezdis nneđni n Tzeddiyt, řar jjiĥet n ccamal ²¹s arebein n tyarsawin nsen n nnuqart, d tnayen n tyarsawin i kuř tafřewt d tnayen n tyarsawin swad-day n tefřewt nneđni. ²²Uca řar uyezdis n ccarq n Tzeddiyt ad as tegged setta n tfeřwin. ²³Ad tegged tnayen n tfeřwin i tjemmar n Tzeddiyt i ięan řar tnayen n iyezdisen nnes řar đeffar. ²⁴Var uwadday ggur ad dewřent d icten uca ammu i řa iřint munent ař i řa iwđent sennej deg ict n texrazt. Ammu i řa yiři i tnayen n tfeřwin i ięan i tnayen n tjemmar. ²⁵Ad *din* iřint tmenya n tfeřwin ak-d tyarsawin nsent n nnuqart. *Xenni* setta-*æcra* n tyarsawin, tnayen n tyarsawin sadu ict n tefřewt d tnayen n tyarsawin sadu tefřewt nneđni. ²⁶Ad tegged **tihęnya n uearrađ** zeg ukeccuđ n *tcejjart n* ukasiya *inni i řa iedun x tfeřwin*, xemsa i tfeřwin n ij n uyezdis n Tzeddiyt ²⁷u xemsa n tĥęnya n uearrađ i tfeřwin řar uyezdis nneđni n Tzeddiyt d xemsa n tĥęnya n uearrađ i tfeřwin n uyezdis n Tzeddiyt i ięan s tnayen n iyezdisen řar đeffar řar jjiĥet n řřarb. ²⁸Taĥnact n uearrađ di řwest ad teedu x tfeřwin di řwest, zeg ij n ixef řar wennedni. ²⁹Ggur ad tedřed tfeřwin s wurey uca ad tegged tixrazin nsen n wurey maĥend ad daysent tessidfed tihęnya n uearrađ. Ad tedřed *æawed* tihęnya n uearrađ s wurey. ³⁰Ggur ad tesgaæded Tzeddiyt *elařsab řřeĥ n umedya n řebni* wenni d ac itwamřen deg wedrar.

³¹Ad tegged ij n uġeħaf n *řeqten* adeħmi d arjuwani d azegg^waġ iħedqen u n řeqten azdad immuden uca ad xas tegged ixirubinen eħaħsab ij n ureqqem amzewweq. ³²Ad t tuyeřed x arebea n ipilaren n ukeccuđ n *tcejart n* ukasiya i idřin s wureġ. Tisennarin nsen ad iřint n wureġ uca *ipilaren nni* ad bedden x arebea n tyarsawin n nnuqart. ³³Ggur ad tayřed aġeħaf ġar wadday n tsennarin uca ad tessidfed Řeħmeř n Chadet daxeř i uġeħaf uca uġeħaf ad iħda jar uqeddas d aqdas n uqeddes.

³⁴Ad tessarsed uřeħħef n weřřaħ x Řeħmeř n Chadet deg uqdas n uqeddes.

³⁵Ggur ad tegged tazewđa barra i uġeħaf uca ad tessarsed řqendiř qibač i tzewđa ġar uyezdis n Tzeddiyt i iġan ġar tcarmin u tazewđa ġar uyezdis i iġan ġar ccamal.

³⁶Ggur ad tegged ġar tewwart n Tzeddiyt ij n arwaq n *řeqten* adeħmi d arjuwani d azegg^waġ iħedqen u s řeqten azdad immuden, *aqqa-t* d ij n umuddi afenyani. ³⁷Ad tegged i arwaq xemsa n ipilaren n ukeccuđ n *tcejart n* ukasiya uca ad ten tessduřyed s wureġ. Tisennarin nsen ad iřint n wureġ uca *i ipilaren nni* ad asen tfesyed xemsa n tyarsawin n nnħas.”

27¹“Ad tegged ij n **uealřar** n ukeccuđ n *tcejart n* ukasiya n xemsa n iyaġen di tuzzeggart d xemsa n iyaġen di tiru. Ad yiři d s arebea n tyemmara, d řueřa nnes ad yiři řřata n iyaġen. ²Var arebea n tyemmar ad tegged iqiccawen u iqiccawen ad dewřen d iġjen. Ittxeřsa cek ad ten třeħħfed s nnħas. ³Ad tegged teydar nnes ħima ad daysen tendared iyyed nnes uca *ad tegged* eawed iyenjayen nnes d řřawyat nnes i urucci d furcayet nnes d tmejmarin nnes. Ad tegged marra dduzan nnes s nnħas. ⁴Ad tegged ict n traccia, ict n umuddi n nnħas uca ad tegged arebea n texrazin n nnħas i traccia ġar arebġa n tyemmar nnes. ⁵Ad tt tmetned sadu tarettabt n uealřar, maħend ad tawed *ad tayeř* traccia ġar wezyen n uealřar. ⁶Ad tegged ieumad n *tarebbut* i uealřar, ieumad n ukeccuđ n *tcejart n* ukasiya u ittxeřsa ad ten třeħħfed s nnħas. ⁷ieumad ad twassidfen di texrazin. Ad iřin ieumad ġar tnayen n iyezdisen n uealřar maħend ad t arbun. ⁸Ad tegged řexwa ġar *daxeř* n tfeřwin. Am mammec i d ac imřa deg wedrar, ad t tegged.

⁹Ad tegged řemraħ n Tzeddiyt. Var uyezdis n tcarmin, di jjiħet n tcarmin, ad tegged řizarat n řeqten azdad immuden n mya n iyaġen di tuzzeggart i iġ n uyezdis. ¹⁰Eicrin n ipilaren nnes d eicrin n tyarsawin nnes ad iřin n nnħas. Tisennarin n ibilaren d iqedban nsen ad iřint n nnuqart. ¹¹Řizarat ġar uyezdis n ccamal ad iřin mya n iyaġen di tuzzeggart. Eicrin n ipilaren nsen d eicrin n tyarsawin nsen ad iřin n nnħas. Tisennarin n ipilaren d iqedban nsen ad iřint n nnuqart. ¹²Di tiru n řemraħ ġar uyezdis n řġarb ad tuyeřed řizarat n xemsin n iyaġen *di tuzzeggart* uca ad iřin ipilaren nsen d tyarsawin nsen d eecra. ¹³Tiru n řemraħ ġar uyezdis n ccarq, di jjiħet n ccarq, ad yiři xemsin n iyaġen. ¹⁴Ad iřin řizarat xemmestac n iyaġen *di tuzzeggart* ġar iġ n řřarf, ak-d řřata n ipilaren nsen d řřata n tyarsawin nsen. ¹⁵Var uyezdis nneđni ad iřin řizarat xemmestac n iyaġen *di tuzzeggart* ak-d řřata n ipilaren nsen d řřata n tyarsawin nsen. ¹⁶Var tewwart n řemraħ ad tegged ij n arwaq n eicrin iyaġen, n *řeqten* adeħmi d arjuwani d azegg^waġ iħedqen u n řeqten azdad immuden, *amecnaw* ij n umuddi afenyani, ak-d arebea n ipilaren nnes d arebea n tyarsawin nsen. ¹⁷Marra ipilaren ġar tmewwa n řemraħ ad iřin s iqedban n nnuqart uca tisennarin nsen ad iřint n nnuqart d tyarsawin nsen n nnħas. ¹⁸Tuzzeggart n řemraħ ad tiři mya n iyaġen u tiru *ad tiři* xemsin n iyaġen d xemsin eawed uca řueara *ad yiři* xemsa n iyaġen, zi řeqten azdad immuden uca tyarsawin ad iřint n nnħas.

¹⁹Marra **řeqcue n Tzeddiyt** i iġan i marra aeħad nnes uřa d marra řewtad nnes d marra řewtad n řemraħ ad iřin n nnħas.

²⁰Ad tumured ayt n Israyil ħima ad ġarek-dd awyen **zzect iřfan ccaten tt zi zžitun n uzemmur i tifawt**, ħima ad tareġ tfawt řebda. ²¹Harun d tarwa nnes ad ħđan man aya zi ġiřet ař řřbeħ ztat i uġembub n SIDI deg Uqiđun n umsagar ztat i uġeħaf i iġan ztat i Chadet. D man aya ad yiři d ij n uzerf i řebda zi jjiħet n ayt n Israyil i *marra* řejjuř nsen.”

28¹“Uca cek ad ġarek-dd tessqarbed Harun, umac, d tarwa nnes akis zi řwest ġar ayt n Israyil, ħima ad ayi eebden am **ukeħhan**, Harun, Nadab, Abihu, Ilicazar d Itamar, tarwa n Harun.

²Ad tegged arruđ amqeddes i Harun, umac, ad yiři i ueuġi d tunger. ³Ad tessiwřed ġar marra inni iġan d imiyisen n wuř, inni sscureġ s arruħ n tiyit, maħend ad ggen arruđ i Harun, ħima ad as ssqeddsen maħend ad ayi ixdem am ukeħhan. ⁴Ina d arruđ i ġa ggen: **ict n tajmect d ij n upaltu d ij n useřham d ij n arruđ n teřmect immuden s tefnaynect d ij n urezřet d ict n tħezzamt** Ad ggen arruđ amqeddes i Harun, umac, u i tarwa nnes, ħima ad ayi xedmen am ukeħhan. ⁵Ad ksin ureġ d *řeqten* adeħmi d arjuwani d azegg^waġ iħedqen ⁶uca ad ggen apaltu n *ifřan n*

wurey u zeg *ufiřu* adehmi, arjuwani d azegg^way iħedqen u zeg řeqten azdad immuden, *ad yiři* d ict n řšenet icnan ⁷Ad yares yiři tnayen n tyarđin i wesmuni yar tnayen n řřrufa nnes i zi i ya tetwassmun. ⁸Taħezamt izewwqen wenni xas iġan, ad zzayes tetwagg d icten akis, zeg wurey d řeqten adehmi d arjuwani d azegg^way iħedqen u zi řeqten azdad imud-den. ⁹Ad teksid tnayen n izra n biril uca ad xasen tneqced ismawen n ayt n Israyil. ¹⁰Setta n ismawen x ij n wezru d setta n ismawen nneđni x wezru nneđni ełahsab *asettef n řrařit* nsen. ¹¹S řšenet n wenqac n wezru, am ict n txadent n ucemmie, *ammu* i ya twaneqcen tnayen n izra s ismawen n ayt n Israyil. Ad asen tegged ticuyař n wurey i d as-dd innđen. ¹²Uca ad tegged izra nni x tyarđin n upaltu, *aqqa-ten d izra* n řidaret i ayt n Israyil. Harun ad yarbu ismawen nsen zzat i wudem n SIDI x tnayen tyarđin nnes. ¹³Ad tegged ticuyař n wurey ¹⁴uca *eawed* tnayen n ssnaseř n wurey iřfan, *amecnaw* ij n ufiřu immuden, uca ad tmetned ssnaseř innđen yar tcuyař.

¹⁵Ad tegged ict n tejmect n řħukm s řħeqq, adtyiři d ict n řšenet icnan, ad tt tegged amecnaw apaltu, s wurey u s řeqten adehmi d arjuwani d azegg^way iħedqen u s řeqten azdad immuden, *ammu* i tt ya tegged. ¹⁶Ad yiři s arebea n tyemmura, itwadfeř uca tuzzeggart nnes d tiru nnes d ijj n cbar n ufus. ¹⁷Ad t teccured s izra, arebea n reřfuf n izra. Ijj n řřef ad yiři s ijj n řeeqıq, ict n tyaqut d ict n smaraxt. Wa d řřef amezwaru. ¹⁸řřef wiss tnayen ad yiři s ijj n karbun- kel, ijj n řaffir d ij n diamanti. ¹⁹řřef wiss řřata ad yiři s ijj n wezru n hiyasint d ijj n axat d ijj n amatista. ²⁰U řřef wiss arebea ad yiři s ict n txrisulit, ijj n biril d ijj n yaspis. Ina ad twatřfen deg wurey di tcuyař nsen. ²¹Izra ad iřin ełahsab *asettef n* ismawen n ayt n Israyil, teneac *n izra*, uca ismawen nsen ad twaneqcen daysen am mammec neqcen taxadent n ucemmie, n kuř ijj ad yiři isem nnes xas, i *kuř ijj n* teneac n tqebbař. ²²Yar tejmect ad tmetned ssnaseř innđen, i iggin amecnaw ij n ufiřu immuden n wurey iřfan. ²³Ad tegged di tejmect tnayen n texrazin n wurey uca ad tmetned tnayen n texrazin nni yar tnayen n řřrufa n tejmect. ²⁴Ad tegged tnayen n ssnaseř n wurey di tnayen n texrazin yar řřrufa n tejmect. ²⁵Ad tegged tnayen n ixfawen n tnayen n ssnaseř innđen yar tnayen n tcuyař uca ad tent tmetned yar tyarđin i iġan yar uyezdis n zzat n upaltu. ²⁶Ad tegged *eawed* tnayen n texrazin n wurey uca ad tent tmetned yar tnayen n ixfawen n tejmect, yar tma nnes n daxeř wenni iġan yar mani iġa apaltu. ²⁷Ad tegged *eawed* tnayen n texrazin n wurey tinni i ya tegged x tnayen n tyarđin n upaltu, wadday yar zzat qibač inneđni i kisent i ya twassmunent sennej i tħezamt izewwqen n upaltu. ²⁸Ad tessmuned tajmect s texrazin nnes yar texrazin n upaltu ak-d ij n ufiřu immuden adehmi, maħend ad yiři tajmect sennej i tħezamt izewwqen n upaltu uca war ittbetři tejmect x upaltu. ²⁹*Ammu* i ya yawi Harun ismawen n ayt n Israyil di tejmect n řħukm s řħeqq x wuř nnes, x minni i ya yadef di tqeddest *ařami ittiři* d řidaret řebda zzat i SIDI. ³⁰Ad tessarsed izra n ‘Urim’ d ‘Tummim’ di tejmect n řħukm s řħeqq, maħend ad iřin x wuř n Harun x minni i ya yadef zzat i wudem n SIDI. *Ammu* i ya yarbu Harun řebda řħukm n ayt n Israyil x wuř nnes zzat n SIDI.

³¹Ad tegged **aseřham** n upaltu marra zi řeqten adehmi. ³²Ad yiři ij n warzam i uzeġif di řwest nnes. Yar tmewwa n warzam ad din yiři ij n uffar iderrzen afenyani, amecnaw arzam i iġan deg ij n warruđ n uceskari ħima netta war ittcarrig. ³³Yar tmewwa nnes ad tegged tiremmanin n řeqten adehmi d arjuwani d azegg^way iħedqen, yar tmewwa nnes i d as-dd innđen u jar asent *ad tegged* nnwaqes n wurey i d as-dd innđen. ³⁴Ijj awarni i wenneđni, nnaqus n wurey, *xenni* d ict n taremmant, uca *eawed* ij n nnaqus n wurey d ict n taremmant yar timewwa n useřham deg wenneđ. ³⁵Harun ad tt yaređ xmi ieebbed netta, ħima ad itwaseř ddriz nnes x minni i ya yadef di zzawect tamqeddast zzat i uyeymbub n SIDI uca *eawed* xmi i ya iffey, ħima war ittmetti.

³⁶Ad tegged ict n **teřwiħt s nnuwwaren** n wurey iřfan uca ad dayes tneqced am mammec neqqcen txadent n ucemmie “AMQEDDES i SIDI”. ³⁷Ad tt tcedded s ij n ufiřu adehmi x urezzet. Ad tiři yar zzat n urezzet. ³⁸Ad tiři x tenyart n Harun, ħima Harun ad yarbu řmueřiyet di tmesřayin iqeddsen tinni i ya issqeddsen ayt n Israyil ak-d marra tiwhibin n tmesřayin nsen iqeddsen. Ad tiři řebda x tenyart nnes, ħima ad iřint *tmesřayin nni* arđant zzat i uyeymbub n SIDI.

³⁹Ad tegged ij arruđ n teřmect n řeqten azdad. Ad tegged arezzet *eawed* zi řeqten azdad. Taħezamt ad tt tegged *am* ij n umuddi afenyani. ⁴⁰Ad tegged arruđ n teřmect d tħezamin i tarwa n Harun uca ad asen tegged *eawed* iħewwaqen maħend ad iřin i ueuġi d tunger. ⁴¹Ad zzaysen tessyarđed Harun, umac, d tarwa nnes akis, uca cek ad ten tmesħed, ad ten treqmed u ad ten tessqeddsed ħima ad ayi xedmen am ikehhanen. ⁴²Ad asen tegged sraweř n řeqten ħima ad dřen aysum n usedři nsen. Ad dd-asen zi řwest uca ad awđen yar ifadden. ⁴³Harun d tarwa nnes ad zzaysen arđen xmi i ya yadfen deg Uqiđun n umsagar niy xmi i ya qarrben yar uealřar maħend ad xedmen di tqeddest, ħima war tiwyen řmueřiyet uca ad mnten. Wa ad yiři d ij n uzerf i řebda i netta u i zzariet nnes awarni as.”

29“Wa i d asen i ya tegged ħima ad ten tessqeddsed, maħend ad ayi iřin d ikehhanen. Ksi ij n umwa, amezyan n ufunas, d tnayen n icarriyyen icnan qaε. ²u *eawed* ayrum nnebřa antun d yayiřat nnebřa antun yeggwan s zect, d teřfaf nnebřa antun temseř s zect, tinni i ya tegged *marra* s waren n irden. ³Uca ad ten tegged di tsuġet uca ad ten tawyed di tsuġet s umwa d tnayen n icarriyyen. ⁴Ad tawyed Harun d tarwa nnes yar tewwart n Uqiđun n umsagar uca ad ten tessirded s waman. ⁵Ad teksid arruđ, ad tessyarđed Harun ij n warruđ n teřmect d useřham i upaltu d

upaltu *simant nnes* d tejmeçt uca ad as tbeysed s tħezzam t izewwqen n upaltu. ⁶Uca ad tessarsed arezzet x uzeğif nnes uca x urezzet ad tegged tamrist tamqeddast. ⁷Uca ad teksid zzeçt i wedhan uca ad tt tzeğeed x uzeğif nnes uca ad t tdehned. ⁸*Xenni* ad tawyed tarwa nnes, ad asen tyarðed ij n warruð n teřmeçt. ⁹Ad asen tbeysed s tħezzam t, i Harun d tarwa nnes, uca ad asen tarekkbed iħewwqen. Ad ħarsen tiři tukkehant elahsab ij n uzerf i řebda. Ad tareqqmed Harun d tarwa nnes.

¹⁰*Xenni* ad tawyed amwa amezyan ztat i **Uqıðun n umsagar** uca Harun d tarwa nnes ad ssarsen ifassen nsen x uzeğif n umwa amezyan. ¹¹Ad tyarşed amwa ztat i uęembub n SIDI, ħar tewwart n Uqıðun n umsagar. ¹²*Xenni* ad teksid idammen n umwa amezyan uca ad tent tegged s uðað nnek x iqıccawen n uealřar uca ad tzeğeed marra idammen *iqqimen* ħar iðaren n uealřar. ¹³Ad teksid *ewawed* marra tadunt tenni idřin aðan d min yuyřen ħar tsa, d tnayen n tyezzař ak-d tadunt i xasen iğan uca ad tesscemðed man aya x uealřar. ¹⁴Maca aysum n umwa d yiřem nnes d zbeř nnes ad t tesscemðed s tmessi barra n tesqıft, aqqa-t d tayarş t n ddnub.

¹⁵*Xenni* ad teksid ij n ucarri uca ad issars Harun d tarwa nnes ifassen nsen x uzeğif n icarri. ¹⁶Uca ad tyarşed i icarri uca ad teksid idammen nnes, ad *tent* truced x uealřar zi kuř jjihet. ¹⁷Ad tqessed icarri di izeynan, ad tessirded aðan nnes d icenkrad nnes uca ad ten tegged x trusa nnes u x uzeğif nnes. ¹⁸Ad tessgaæded marra icarri x uealřar maħend ad iweddard di ddexxan, aqqa-t d tayarş t n wecmað i SIDI, ij n řefwaħ yardan, aqqa-t d tawhibt n tmessi i SIDI. ¹⁹*Xenni* ad teksid icarri nneðni uca Harun d tarwa nnes ad ssarsen ifassen nsen x uzeğif n icarri.

²⁰Ad tyarşed icarri uca ad teksid zeg idammen nnes uca ad tegged man aya x umeryıy n umezzuy afusi n Harun u x umeryıy n umezzuy afusi n tarwa nnes u *ewawed* x uðað n yimez n ufuş nsen afusi u x uðað n yimez n uðar nsen afusi uca ad truced idammen x uealřar zi kuř jjihet. ²¹*Xenni* ad teksid zeg idammen inni iğan x uealřar u zi zzeçt i wedhan uca ad zzaysen truced x Harun u x warruð nnes u akis *ewawed* x tarwa nnes u x warruð n tarwa nnes, ħima ad yiři itwaqeddes u *ewawed* arruð nnes d tarwa nnes d arruð n tarwa nnes akis. ²²*Xenni* ad teksid tadunt n icarri d tadunt ħar unewwar d tadunt nni idřin aðan d min yuyřen ħar tsa d tnayen n tyezzař s tadunt i xasent iğan d ucenkrad afusi, minzi d icarri n uřeqqem *n ikehhanen*. ²³Ksi *ewawed* ict n tecnıft n weyrum, ict n tyayıtat itwaggen s zzeçt d ict n tyayıtat zi tsuğet n weyrum nnebřa antun i iğan ztat i uęembub n SIDI. ²⁴Sars man aya marra x ifassen n Harun u x ifassen n tarwa nnes uca ad ten tessenzehed zi ssa ħar da *am* tayarş t n wenhezzi ztat i uęembub n SIDI. ²⁵*Awarni as* ad tt teksid zeg ifassen nsen uca ad t tessgaæed x uealřar, x tayarş t n wecmað, ad tiři d ij n řefwaħ yardan ztat i uęembub n SIDI. Aqqa-tt d tawhibt n tmessi i SIDI. ²⁶Uca ad teksid idmaren n icarri i uřeqqem n Harun uca senhezzi iten zi ssa ħar da am ict n tyarş t n wenhezzi ztat i uęembub n SIDI. Ta ad tiři d tasyart nnek. ²⁷Uca ad tessqeddsed idmaren n tyarş t n wenhezzi d ucenkrad afusi n tawhibt tenni tetwasgaæed, d tenni itwanhezzen zi ssa ħar da uca tetwasgaæed zeg icarri i uřeqqem, i iğan řa i Harun uřa i tarwa nnes. ²⁸Ad yiři i Harun d tarwa nnes d ij n uzerf i řebda zi jjihet n ayt n Israyil, minzi d tawhibt tenni i ħa ssgaæeden. Ad tiři d tawhibt tenni i ħa ssgaæeden ayt n Israyil zi tyarş a nsen n řehna. Aqqa-tt d tawhibt tenni i ħa ssgaæeden i SIDI.

²⁹Arruð iqedsen n Harun, ad yiři i tarwa nnes awarni as, maħend ad ten dehnen u ad ten řeqqmen dayes. ³⁰Man wen zi tarwa nnes i ħa yiřin d akehhan deg wemcan nnes uca ad yadef deg Uqıðun n umsagar maħend ad ixdem di zzawect tamqeddast, ad zzayes yard sebea n wussan.

³¹Ad teksid icarri n uřeqqem uca ad tessegged aysum nnes deg ij n wemcan iqeddsen. ³²Harun d tarwa nnes ad ccen aysum n icarri d weyrum i iğan di tsuğet ħar tewwart n Uqıðun n umsagar. ³³Uca ad ccen zi minzi itwagg wesřaħ, ħima ad twareqqmen u ad twareddsen. Maca ij n ubarrani war zzayes ittett, minzi aqqa-t d ict n řħajet tamqeddest. ³⁴Mařa iceřř ca zeg weysum n icarri i uřeqqem niy zeg weyrum ař řşbeħ, ad t tesscemðed min iceřřen di tmessi. Ittxeşş a war t ittett ħed, minzi d ict n řħajet iqeddsen.

³⁵Ad tegged i Harun u i tarwa nnes, elahsab marra min d ac nniy. Ad ten tessqeddsed sebea n wussan. ³⁶Kuř ass ad tesswejed amwa amezyan d tayarş t n ddnub n weşřaħ uca ad tessizedged aealřar umi ħa tessiwðed aşřaħ xas uca *xenni* ad t tdehned maħend ad t tessqeddsed. ³⁷Sebea n wussan ad tħeğred aealřar uca ad t tessqeddsed, *xenni* ad yiři imqeddes qaæ. Wenni i ħa iħadan aealřar, ad yiři d amqeddes. ³⁸D man aya i ħa tesswejed x uealřar: tnayen n izmarren n ijj n usegg^{was}, kuř ass, řebda. ³⁹Ad tesswejed ijj n izmar di řşbeħ uca *izmar* nneðni ad t tesswejed jar ueecci d ħiřet. ⁴⁰Ksi tæeccart n *řeqyas n icten* 'ifa' n waren azdad i ij n izmar, mxeğed s zzeçt ccaten tt *zi zzıtun* d ict n tarebbaet n ijj n 'hin' n binu *amecnaw* ict n tmewci n useyyeb. ⁴¹Ad tyarşed i izmar nneðni jar ueecci d ħiřet uca ad ħares tarnid tamewci n *řyiğet* amecnaw tenni n řşbeħ u *ewawed* tamewci n useyyeb n *şşbeħ*, ad yiři d ij n řefwaħ yardan. Aqqa-t d tawhibt n tmessi i SIDI. ⁴²Ad tiři d tayarş t n wecmað řebda di marra řeyjuř nwem ħar tewwart n Uqıðun n umsagar ztat i uęembub n SIDI, mani i ħa ssmuney akidwem maħend akik ssiwřey din. ⁴³Ad msagarey din ak-d ayt n Israil uca ad itwaqeddes s ueuğı inu. ⁴⁴Ad ssqeddsey Aqıðun n umsagar d uealřar. Ad ssqeddsey *ewawed* Harun d tarwa nnes, ħima ad ayi iřin d ikehhanen. ⁴⁵Uca ad zedyey jar ayt n Israyil, ad asen iřiy d AREBBI ⁴⁶uca ad ssnen belli necc d SIDI, AREBBI nsen, wenni ten issuffyen zi tmurt n Mişra maħend ad zedyey di řwest nsen, necc d SIDI, AREBBI nsen."

30¹“Ad tegged *ɛawed* ij n uɛaltar n řebxur. Ad t tegged zeg ukeccuđ n *tcejart n* ukasiya. ²Tuzzeggart ad tiři d ijj n uyiř, d tiru *ɛawed* ijj n uyiř, ad yiři s arebea n tjemmura. Řueřa nnes ad yiři tnayen n iyaęen d iqiccawen ad iřin d iijen akis. ³Ad t tyeęfed s wureę iřfan, tazeqqa nnes, d iyezdisen nnes i d as-dd innđen d iqiccawen nnes uca ad as tegged ij n zzwaaq n wureę i d as-dd innđen. ⁴Ad as tegged tnayen n texrazin n wureę sadu zzwaaq nnes. Ad tent tegged ęar tnayen n iyezdisen nnes, ęar tnayen n řtrufa nnes. Ad iřint ĥima ad daysent ssarsen iɛumad i tarebbut. ⁵Ad tegged tnayen n iɛumad zeg ukeccuđ n *tcejart n* ukasiya uca ad ten tyeęfed s wureę. ⁶Ad t tegged zzat i uęeĥaf i ięan zzat i Řehmeř n Chadet, zzat i uřeĥĥef n weřraĥ wenni ięan x Chadet, mani kik i ęa msagareę. ⁷Ad issbexxar Harun řebxur ittfuĥen kuř řřbeĥ. Řami iedeř tiftiřin, ad tent issbexxar. ⁸Meřmi i ęa issareę Harun tiftiřin jar uecci d ģiřet, ad yejj řebxur ad ibexxar. Ad yiři d ij n řebxur i řebda zzat i uęembub n SIDI di marra řejyuř nwem. ⁹War d as tqeddimed ca n řebxur d aýrib nię tayarřt n wecmađ nię tamewci n řyięet u *ɛawed* war xas tettzeęaęed tamewci n useyyeb. ¹⁰Harun ad isseřřeĥ iqiccawen nnes ict n twařa deg usegg^was s idammen n tięarřa n ddnub. Ad isseřřaĥ ict n twařa deg usegg^was di marra řejyuř nwem. Aqqa-t d amqeddes qaę i SIDI.

¹¹Issiweř SIDI ak-d Musa uca inna ¹²“Xmi i ęa teksid leadad n ayt n Israyil, *leadad n* n yinni i itwařayan i *umenęi, xenni* kuř ijj ad iwc i SIDI ttaman n weřraĥ i ixef nnes i řrayit nnes, ĥima war tettiři jjiřeĥt x minni ten i ęa řřesbed. ¹³D man aya ad iwc kuř ijj wenni i ęa isseedun ęar inni itwařayan: azyen n uciqqel ełaĥsab aciqqel n zzawect tamqeddast. Aciqqel-a d eicrin ‘jira’. *Ad yiři d* azyen n uciqqel d tewhibt tenni i ęa issgaęeed *kuř ijj* ęar SIDI. ¹⁴Kuř ijj wenni i ęa isseedun ęar inni itwařayan, zi eicrin isegg^wusa sennej, ad issgaęeed tawhibt *nmes* ęar SIDI. ¹⁵Bu wagra war itticc ktar uřa ameřřuđ war issenqış zeg wezyen n uciqqel, xmi kennniw i ęa tessgaęedem tawhibt ęar SIDI i weřraĥ x řeemur nwem. ¹⁶Xenni ad teksid nnuqart n weřraĥ n ayt n Israyil uca ad tt ffarrzed i weębad n Uqiđun n umsagar. Ad tiři d řidaret i ayt n Israyil zzat i wudem n SIDI i weřraĥ i řeemur nwem.”

¹⁷Issiweř SIDI i Musa uca inna ¹⁸“Ad tegged *ɛawed* ict n tbanyut n nnĥas s uđar nnes i usird. Ad tewced amcan zzat i Uqiđun n umsagar d uɛaltar uca ad dayes tegged aman ¹⁹maĥend Harun d tarwa nnes ad dayes ssirden ifassen nsen d iđaren nsen. ²⁰Xmi i ęa yadfen deg Uqiđun n umsagar ad ssirden s waman ĥima war ttmettin ca, nię xmi i ęa qar-rben ęar uɛaltar ĥima ad xedmen maĥend ad ssgaęeden tawhibt n tmessi s ddexxan i SIDI. ²¹Xenni ad ssirden ifassen d iđaren nsen ĥima war ttmettin ca. Man aya ad asen yiři d ij n uzerf i řebda, i netta u i zzarięet nnes, di *marra* řejyuř nsen.”

²²Issiweř SIDI ak-d Musa uca inna ²³“Cek, ksi ęarek řeetreyya icnan ařtas: xems-mya n uciqqel n mirru issizřen, d wezyen zzayes, aqqa-t d mitayen u xemsin n uciqqel n řqarfa ittfuĥen, d mitayen u xemsin n uciqqel n uęanim uĥemmum ittfuĥen, ²⁴xemsa-mya n qasiya, *iwezznen* ełaĥsab aciqqel n zzawect tamqeddast d ijj n ‘hin’ n zzept. ²⁵Egg zzaysen ict n **zzect tamqeddast i wedhan**, ij n wedhan itwaggen ełaĥsab řřenęet n ueęřar, tenni i ęa yiřin d ict n zzept tamqeddest. ²⁶S man aya ad tdehned Aqiđun n umsagar d Řehmeř n Chadet, ²⁷tazewđa ak-d marra řeqcue nnes, d řqendiř ak-d marra dduzan nnes d uɛaltar n řebxur ²⁸aɛaltar n wecmađ ak-d marra dduzan nnes d tbanyut ak-d uđar nnes. ²⁹Ad tent tessqeddsed ĥima ad iřint d tiqeddasin qaę. Marra wi tent i ęa iĥadan, ad yiři d amqeddes. ³⁰Ad tdehned Harun d tarwa nnes uca ad ten tessqeddsed ĥima ad ayi xedmen am ukehhan. ³¹Ad tessiwřed ak-d ayt n Israyil uca ad tinid “Wa ad yiři d ict n zzept tamqeddast i wedhan i nnec di *marra* řejyuř nwem. ³²War zzayes ttdehhen arrimet n bnađem uca war tetteggem amecnaw netta kifkif. Tamqeddast i teęa uca ad tiři d tamqeddast i kenniw. ³³Wenni i ęa iggen *ij n wedhan* amecnaw wanita uca ad zzayes tmesĥed x yijjen zi barra, ad itwaqđeę zi řgens nnes.”

³⁴Inna SIDI i Musa “Ksi řebzeř d tuddimin n useręaę d accaren ittfuĥen d ęalbanu, *ksi* řebzeř ittfuĥen d jjaw i řřfan, tasyart nnes am tesęart n wenedni, d iijen. ³⁵Egg zzayes ij n řebxur amecnaw min igga ueęřar: itwameęed, iřfan, imqeddes. ³⁶Deqqes zzayes taęeįajt tazdad t uca egg *ca* zzayes zzat i Chadet deg Uqiđun n umsagar mani kik i ęa msagareę. Ad awem tiři d tamqeddest qaę. ³⁷Řebxur wenni i ęa tegged, war t ttegg i yixef nwem amenni. Ad yiři i cek d amqeddas i SIDI. ³⁸Man wen i ęa iggen *ca* amecnaw wanita uca ad zzayes icemm, ad itwaqđeę zi řgens nnes.”

31¹Issiweř SIDI ak-d Musa uca inna ²“Xzar, necc řayię-dd x Bařaliyil, mmis n Uri, mmis n Ĥur, zi teqbiĥ n Yahuda s yisem nnes. ³Ccureę t s Arruĥ n AREBBI, s tięit, s řeęeqeř, s tussna u s marra azemmar ⁴i warcam n ireqqamen icnan maĥend ad ten igg zeg wureę d nnuqart d nnĥas ⁵u s wenqac n iřra *ięřan* d usarsi nsen u s wenqac n ukeccuđ i tuęa ĥđajen di marra řxedmet nsen. ⁶Aqqa necc, ggię akis Ahuliyab, mmis n Axisamak, zi řaę n Dan. Deg wuř n marra inni ęar ięa wuř d amięis, ggię tięit. Nitni ad ggen marra min xef weřřię: ⁷Aqiđun n umsagar, Řehmeř n Chadet,

uřehħef n weřřah wenni xas iřan, u marra řeqcuc n uqıđun, ⁸tazewđa ak-d marra dduzan nnes, d řqendiř iřfan s marra dduzan nnes d uealřar n řebxur, ⁹aealřar n wecmađ ak-d marra dduzan nnes d tbanyut s uđar nnes, ¹⁰arruđ n řxedmet d arruđ iqeddsen i Harun, akehhan, d arruđ n tarwa nnes, maħend ad xedmen am ukehhan ¹¹d zzect i wedhan, d řebxur ittfulen i zzawect tamqeddast. Ad ten tegged elahřab marra min d ac umurey.”

¹²Issiweř SIDI ak-d Musa uca inna ¹³“Cek , siweř ak-d ayt n Israyil, ini ‘Ad teħđam *wussan n* ssebt inu minzi *ssebt d* řeeřamet jarayi d kenniw, di marra rejyuř nwen, ĥima ad tessnem belli necc d SIDI, wenni kenniw issqeddsen. ¹⁴Ĥđam *ass n* ssebt, minzi iqeddes i iřa i kenniw! Wenni t i řa issfesden, s tidett ad immet, minzi man wen mma i řa iggen dayes ca n řxedmet, d wenni i řa itwaqđeen zi řwest n řgens nnes. ¹⁵Setta n wussan ad tegged řxedmet uca deg wass wiss sebea ad yiři d ssebt, arraħet tmun, iqeddes i teřa i SIDI! Kuř ijj wenni i řa iggen *ca n* řxedmet deg wass n ssebt, ad itwaneř s tidett. ¹⁶Ayt n Israyil ad ĥđan *ass n* ssebt, ad t ĥđan di marra řejyuř nsen, aqqa-t d ij n uzerf i řebda. ¹⁷Ad yiři d ict n řeeřamet jarayi d ayt n Israyil, minzi di setta n wussan i igga SIDI ijenwan d tmurt deg wass wiss sebea yareyyeħ uca yarra nnefs.” ¹⁸Řami ikemmeř awař akis deg wedrar n Sinayi, iwca i Musa tnayen n teřwiħin n chadet. Tuřa tiřwiħin zeg weřru uca twarint s uđađ n AREBBI.

Ayenduz n wurey

32 ¹Řami izra řgens belli Musa ietřar deg uhekk^wu zeg wedrar, nyarwen řar Harun, nnan as “Kkar, egg aney irebbiten inni i řa yuyuren zzat nney, minzi Musa-ya, aryaz wenni i d aney issuffřen zi Miřra, war nessin min t ideewen.” ²Harun inna asen “Ksem tixrazin n wurey nni iřan deg imejjan n temřarin nwem, d tarwa nwem, d yessit nwem, awyem ayi tent řari.” ³Řexdenni marra řgens ikkes-dd tixrazin n wurey nni i iřan deg imejjan nsen uca iwyen as tent řar Harun. ⁴Netta iksi *marra man aya* zeg ifassen nsen uca icekkeř it s imeydi, igga zzayes ij n uyenduz n ufessi. Řexdenni nnan “A Israyil, wa d arebbi nnek, wenni cek-dd issuffřen zi tmurt n Miřra.” ⁵Řami t izra Harun, ibna ij n uealřar zzat i uyembub *n uyenduz* uca iřaya Harun, inna “Tiwecca ad yiři d řeid i SIDI.” ⁶Di tiwecca nnes kkaren zic uca ssgaeeden tiřarřa n wecmađ u qeddmn akis *eawed* tiřarřa n řehna. *Xenni* iqqim řgens, ccin, swin *xenni* kkaren maħend ad ggen tisfarrajin.

⁷Řexdenni issiweř SIDI ak-d Musa “Uyur, hwa, minzi řgens nnek, wenni dd-tessuffřyed zi tmurt n Miřra aqqa igga min war iħřin. ⁸Aqqa ffřen deřya x webřid wenni x ten weřřiy. Ggin ij n uyenduz n ufessi i yixef nsen uca eebden t, qeddmn as tiřarřa uca nnan ‘A Israyil, wanita d arebbi nnek wenni cek-dd issuffřen zi tmurt n Miřra.’ ” ⁹Inna SIDI i Musa “Necc řriř řgens-a, aqqa da, nitni d ij n řgens iqseħ! ¹⁰Řexxu ead, ejj ayi ad raħey, ad iħma řyađab inu xasen uca ad ten teħħiy, u cek, ad cek arrey d ij n řgens imřar.”

¹¹Musa izawg zzat i uyembub n SIDI, AREBBI nnes, uca inna “A SIDI! Mayemmi i řa igg^w řyađab nnek x řgens nnek, wenni dd-tessuffřyed zi tmurt n Miřra s ij n jjeħd imřar u s ufus ijhed? ¹²Mayemmi i řa ssiwřen Imiřriyyen jar asen, uca ad inin ‘Netta issuffřey iten s neyyet taceffant maħend ad ten iney x idurar u *maħend* ad ten iteħħa zeg wudem n tmurt?’ Sneqřeb aeřuř x řeħmu n řyađab nnek uca ndem x tuęeffna *i tixed ad tarred* x řgens nnek. ¹³Fekkar di Ibrahim d Iřhaq d Israyil, isemyan nnek, inni umi tejjuřged s yixef nnek, tennid asen ‘Necc ad arniř zzarięet nwem amecnaw itran n ujenna uca ad wceř i zzarięet nnek marra tammurt-a i xef ssiwřey uca nitni ad tt řřfen am ict n řwart i řebda.”

¹⁴Řexdenni indem SIDI x tuęeffna i tuřa inna ad tt yegg x řgens nnes. ¹⁵Idweř-dd Musa, ihwa-dd zeg wedrar s tnayen n teřwiħin n Chadet deg ufus nnes. Tiřwiħin-a twarint x tnayen n iyezdisen nnes: twarint x ijj n uyezdiz d x uyezdiz nneđni. ¹⁶Tiřwiħin tuřa-tent d řxedmet n AREBBI uca tira nni itwaneqcen di teřwiħin d tira n AREBBI s yixef nnes. ¹⁷Isřa Yacuc řħess n řgens isyuyyu, uca inna i Musa “Aqqa da, řħess n umenyi di tesqift.” ¹⁸Yarra netta “War iři d řħess *n třeřwiwt* n uyelleb, niř d řħess n txessart, maca min ttesřiy d řħess n uyenneř.” ¹⁹Uca imsar, am d ireħħeg řar tesqift uca izra ayenduz d cđiħ, iduqpez řyađab n Musa uca indar tiřwiħin zeg ifassen nnes, yarza iten řar iđaren n wedrar. ²⁰Iřřef ayenduz nni ggin, isscemđ it di tmesi, ařami idweř d taneřda uca izzuzar itt x waman uca yarra ayt n Israyil ad swen. ²¹Inna Musa i Harun “Min zzayek igga řgens-a, ařami xas teggid ij n ddenb imřar ařřas?” ²²Inna Harun “War ittduqquz řyađab n sidi inu, cek tessned řgens-a, aqqa ittexnunnus řar řřar.” ²³Nnan ayi ‘Egg aney irebbiten inni i řa yuyuren zzat i uyembub nney, minzi Musa wanita, aryaz wenni i d aney-dd issuffřen zi tmurt n Miřra, war nessin min t yuyin.’ ²⁴*Xenni* arriř xasen ‘Wi řar iřa ureř, kkes it-idd, ewc ayi it-idd. Uca ndareř t di tmesi uca iffey-dd uyenduz-a.’ ”

²⁵*Umi* izra Musa, aqqa řgens war xas ca řeħkam, minzi Harun ija sřimet nsen ad tenxuxeř ař řħezat n řcedyan nsen, ²⁶ibedd Musa řar tewwart n tesqift uca inna “Man wen i iřan i SIDI, *as-dd da*, řari!” Uca usin-dd řares marra tarwa n Lawi. ²⁷Inna asen “Ammu i inna SIDI, AREBBI n Israyil! Sars kuř ijj ssif nnes x umeřřađ nnes, eđum uca tęeqbem

zi tewwart ɣar tewwart x tesqift uca ad iney kuř ijj umas d umeddukeř nnes d umqarreb nnes!” ²⁸Tarwa n Lawi ggin ełahsab awař n Musa. Třata ařef n iryazen n řgens deg wass nni i iwđan. ²⁹Musa inna “Ass-a aqqa tecđarem ɣar SIDI uca tuɣa kuř ijj x mmis u x umas u ass-a *nmit* netta aqqa ibarek kenniw!”

³⁰Tiwecca nnes, inna Musa i řgens “Kenniw teggim ij n ddenb imɣar. *Ǝad* necc ad ařyey řexxu ɣar SIDI, balak ad awem ttareɣ ařraħ x ddenb nwem. ³¹Idweř Musa ɣar SIDI uca inna as “Zawgeɣ cek, aqqa řgens-a igga ijj n ddenb imɣar, minzi ggin irebbiten n wurey i yixef nsen. ³²Řexxu xenni, ɣfar *asen* ddenb nsen! Mařa lla, mħa ayi *xenni* zeg wedlis wenni turid.” ³³Inna SIDI i Musa “Wenni xafi ixđan, d wa i ɣa mħiy zeg wedlis inu. ³⁴Ruħ řexxu, awi řgens-a ɣar mani d ac nniɣ, aqqa **Lmalak inu** ad irah ztat nneć! Ass n uxegeř inu, ad asen xeğřey ddnub nsen!” ³⁵SIDI iwta řgens umi igga s uyenduz nni i igga Harun.

33 ¹Issiweř SIDI ak-d Musa “Ruħ, gaƎƎed ssa, cek d řgens wenni dd-tessuffyed zi tmurt n Miřra, ɣar tmurt tenni umi jjuğey i Ibrahim d Iřaħ d YaƎqub, nniɣ ‘I zزاریet nnek ad tt wceɣ.’ ²Necc ad ssekkeɣ ztat i uyembub nnek **ij n Lmalak** - ad uzřřey x IkenƎaniyen d Imuriyyen d Iħittiyen d d Ifiriziyen d Iħiwiyyen d Iyibusiyen - ³ɣar ict n tmurt tenni dd-issfeyyden s uyi aceffay d tamment. Aqqa necc war tařyey akik, minzi teğid d ij n řgens iqseħ, ħima war cek teħħiy deg webrid.” ⁴Umi isřa řgens awař-a aeeffan, nnuřyen, uca uřa d ijj yard *Ǝad* řehzuť nnes. ⁵Aqqa inna SIDI i Musa “Ini i ayt n Israyil “Kenniw d ij n řgens aɣennan. Mařa gaƎƎey jarawem mɣir ict n tzeħziħt, ad kenniw teħħiy. *Xenni* řexxu kkes řehzuť nwem, aqqa necc ad ssney min d ac i ɣa ggeɣ.” ⁶*Xenni* kksen ayt n Israyil řehzuť nsen zeg wedrar n Hurib.

⁷Iksi Musa Aqıđun uca iwta *aqıđun* barra n tesqift, igg^wej aťtas x tesqift, uca iřaya as ‘Aqıđun n umsagar’. Kuř ijj wenni yarezzun SIDI, ad iffeɣ ɣar Uqıđun n umsagar, wenni iğan barra n tesqift. ⁸Uca imsar, umi iffeɣ Musa ɣar Uqıđun, aqqa marra řgens ikkar uca kuř ijj iruħ ibedd ɣar tewwart n uqıđun nnes uca nitni xezżaren di Musa, ařami yudef deg Uqıđun. ⁹Uca imsar, umi yudef Musa deg Uqıđun, aqqa aqellij n useynu ihwa, ibedd ɣar tewwart n Uqıđun uca netta issiweř ak-d Musa. ¹⁰Umi marra řgens izra aqellij n useynu ibedd ɣar tewwart n Uqıđun, *xenni* ikkar marra řgens uca isjed kuř ijj ɣar tewwart n uqıđun nnes.

¹¹Issiweř SIDI ak-d Musa aɣembub deg uyembub, amecnaw mammec issiweř bnađem ak-d umeddukeř nnes. Xenni ieqeb-dd ɣar tesqift. Axeddam nnes Yacue, mmis n Nun, Ǝemmarř war ibeƎƎed x Uqıđun.

Aeugħ n SIDI

¹²Inna Musa i SIDI “Xzar, cek tennid ayi ‘Ndeħ řgens-a!’, maca cek war d ayi tessecned, wi i ɣa tessekkeđ akidi. Cek tennid ‘Necc ssney c s isem nnek!’ uřa ‘Tufid nniƎmet di tiťtawin inu’ ¹³Řexxu xenni, mařa ufiɣ nniƎmet di tiťtawin nnek, zawgeɣ c ad ayi tessecned abrid nnek, ħima ad ssney cek, maħend ad afeɣ nniƎmet di tiťtawin nnek. Xzar, řgens-a d weydud nnek!” ¹⁴Inna “Ma ittxeřřa ad yuyur wudem inu *akik* maħend ad ac issareyyeħ?” ¹⁵Netta yarra “Mařa uđem nnek war *kiney* ittraħ, war ttejj *xenni* ad ngeƎƎed ssa! ¹⁶Mammec i ɣa yiři itwassnen, aqqa ufiɣ nniƎmet di tiťtawin nnek, necc d řgens nnek? Ma war iği minzi cek truħed akidney aqqa neccin, necc d řgens nnek, netwafarrez zi mkuř řegnus i iğan x wudem n tmurt?” ¹⁷*Xenni* inna SIDI i Musa “*Ǝawed* ad ggeɣ degga min xef tessiwřed, umi tufid nniƎmet di tiťtawin inu, uca ssney cek s isem nnek.”

¹⁸Řexdenni inna “Zawgeɣ c ad ayi tessecned aeugħi nnek!” ¹⁹Inna “Necc ad sseđduɣ marra tcuni inu zzatek uca ad Ǝeyydeɣ isem n SIDI ztat i uyembub nnek uca ad ħinneɣ x wi i ɣa ħinneɣ, ad areħmeɣ x wi i ɣa areħmeɣ.” ²⁰Inna *Ǝawed* “Cek war tzemmed ad tžared uđem inu, minzi war d ayi izarr bnađem uca ad iddar.” ²¹*Xenni* inna SIDI “Aqqa da, ztat inu amcan mani i ɣa tbedded x teřđart. ²²Xmi ad ieđu ueuği inu, ad cek ggeɣ deg ij n ifri n teřđart uca ad cek dřeɣ s ufus inu ař d zwiɣ. ²³U xmi i ɣa kkeɣ afus inu, *xenni* ad ayi tžared zi ɣar đeffar, maca war itwazarr wudem inu!”

Tnayan n teřwiħin timaynutin n wezru

34 ¹Řexdenni inna SIDI i Musa “Qess tnayan n teřwiħin n wezru amecnaw timezwura, uca necc ad ariɣ x teřwiħin nni awařen d ijjen nni tuɣa di teřwiħin timezwura i tarzid. ²Sewjed i tiwecca uca gaƎƎed di řřbeħ ɣar wedrar n Sinayi uca bedd din zzati x tqiccat n wedrar. ³War ittgiƎeid uřa d ijj akik, niɣ war ittbini uřa d ijj di marra adrar. Řa uği niɣ ifunasen d tfunasin zemmarren ad arwesen tťarf i wedrar.”

⁴Xenni iqess tnayen n teŕwiħin n wezru amecnaw timezwura, uca ikkar Musa ššbeħ zic uca igææed ƣar wedrar n Sinayi, am mammec t iwešša SIDI uca yiwi akis deg ufus nnes tnayen n teŕwiħin n wezru.

⁵Uca ihwa-dd SIDI deg useynu uca ibedd akis din uca iŕaya s isem n 'SIDI'. ⁶Izwa SIDI zzates, iæeyyed "SIDI d SIDI, Arebbi, arħim d aħnin, ƣares ttasie n řxadar, ifeyyed di tayri d tidett, ⁷d wenni iħeħtan tcuni nnes iccuren di řuřuf, d wenni iħeffaren řmuešiyet d uxeħtu d ddnub, wenni war ittbarrin wenni war iħi d amezdag, wenni dd-yarezfen řmuešiyet n ibabaten di tarwa u di tarwa n tarwa nsen, ař *jjir* wiss třata d wiss arebea."

⁸Musa iqegeq iqwes s uzeħif ƣar tmurt uca isjed. ⁹Inna "A Sidi, mařa ufiy *xenni* nniemet di tiħawin nnek, ad yuyur xenni Sidi di řwest nney, minzi řgens iqseħ. Yfar aney řmuešiyet nney u qbeř aney d řwart nnek!" ¹⁰Xenni netta inna "Aqqa da, necc ad ggey řeahd. Zzat i marra řgens, ad ggey řeajayeb war itwaggen di marra tamurt eemmarš, niy di ca n řgens, ařami marra řgens di řwest nnes i zi teħid, ad ƣaren min igga SIDI, minzi min i ƣa ggey akik ad yiři d aħebhet aħtas. ¹¹ħda min cek x weššiy ass-a! Aqqa da, ad azzřey ztat i uymbub nnek Imuriyyen d Ikenaniyyen d Iħitiyyen d Ifiriziyyen d Iħiwiyyen d Iyibusiyyen. ¹²Yarek ad tteged řeahd ak-d ij n umezday n tmurt mani i ƣa tadfed, ħima netta war d ac-dd ittiři d taxceft di řwest nnek. ¹³Itxešša awem ad taredħem içalaren nsen uca ad třebyem imeyda nsen uca ad tqessem řexya n trebbitin nsen. ¹⁴War ttbendeq i arebbi nneđni, aqqa SIDI, wenni umi qqaren "Anessam", aqqa-t d Arebbi n tusmi i iħa. ¹⁵D *man aya* maħend war tetteged řeahd ak-d imezdayen n tmurt u kenniw ad teđfarem irebbiten nsen am inni iħeffaren řeqħab uca ad tqeddmem tiyarša i trebbitin nsen uca ad kenniw eardēn i macca n tyarša nsen ¹⁶niy *tzemmared* ad teksid yessitsen *d timyarin* i tarwa nnek uca *xenni* ad đfarent yessitsen am řeqħab irebbiten nsent uca ad arrent tarwa nnek ad đfaren *eawed* irebbiten nsent amecnaw inni iħeffaren řeqħab. ¹⁷War ttegg i yixef nnek irebbiten *amecnaw řexyař* ifesyen.

¹⁸Řeid n weyrum nnebřa antun ad t teħdid: sebea n wussan ad tecced ayrum nnebřa antun, am mammec cek weššiy, di řweqt itwaggen deg uyur n Abib, minzi deg uyur n Abib i dd-teffyed zi Miřra.

¹⁹Marra wi i ƣa yarezmen řemřawřat *d umezwaru*, inu i iħa, zi marra iwetman n řebhayem nnek amenzu qaē wenni yarezmen řemřawřat *d amezwaru*, ayenduz i iħa niy zeg wuħi. ²⁰Mařa ij n umenzu n weyruř yarezem řemřawřat, xenni ad t tefdid s iħen zeg wuħi. Mařa war t tefdid, ad as tarzed iri. Ad tefdid marra imenza n tarwa nnek uca war đehharen s ifassen xwan ztat i uymbub inu.

²¹Setta n wussan ad txedmed, maca deg wass wiss sebea ad tareyyħed, di řweqt n tyarza d tmeyra, ad tareyyħed.

²²Ad teħdid řeid n simanat, aqqa d řeid n imezwura n tmeyra n irden uřa d řeid n uneyru ƣar uneggar n usegg^{was}.

²³Kuř aryaz ad iban třata n twařawin deg usegg^{was} ztat i Sidi SIDI, AREBBI n Israyil, ²⁴minzi ad azzřey x řegnuz ztat i uymbub nnek uca ad sswesseey ymiren nnek uca uřa d iħ mma ad issmezři *ad yacar* tamurt nnek, xmi i ƣa tgaæeded třata n twařawin deg usegg^{was} ħima ad tbaned ztat i SIDI, AREBBI nnek.

²⁵War ttqeddem idammen n tyaršt inu ak-d weyrum s wentun. Tyařšt n řeid n ueeddu, '*pasxa*', war ttnusi ġiřet ař ššbeħ.

²⁶Imezwura n imenza n řyiġet n tmurt nnek ad ten-dd tawyed ƣar taddart n SIDI, AREBBI nnek. War snenni iħayd s uyi n yemmas."

²⁷Inna SIDI i Musa "Ari awařen-a i yixef nnek, minzi am mammec qqaren wawařen-a, aqqa ggiy řeahd akik d Israyil." ²⁸Uca tuya din ak-d SIDI arebein n wussan d arebein n ġyaři, war icci ayrum niy iswa aman. Uca yura di teŕwiħin awařen n řeahd, eecra n wawařen.

²⁹Řami dd-ihwa Musa zeg wedrar n Sinayi ak-d tnayen n teŕwiħin n Chadet deg ifassen nnes, am dd-ihekk^{wa} zeg wedrar, war yarri řbař belli tiřmect n wudem nnes tařeqq řami tuya akis issiweř. ³⁰Harun d marra ayt n Israyil šewđen ƣar Musa, u xzar, tiřmect n wudem nnes tuya tařeqq *ařami* ggweden ad ƣares-dd qarrben. ³¹Iřaya dd-xasen Musa uca *xenni* idweř-dd Harun d marra imyaren n tmesmunt ƣares uca issiweř Musa akisen. ³²Awarni as qarrben-dd marra ayt n Israyil uca netta iwešša x marra min xef issiweř SIDI akis deg wedrar n Sinayi. ³³Řami ikemmeř Musa awař nnes akisen, igga ařeħħaf x wudem nnes, ³⁴Řami dd-yusa Musa ztat i uymbub n SIDI ħima ad kis issiweř, ikkes ařeħħaf, ařami dd-iffey *eawed*. U *meřmi* dd-itteffey ƣar barra, issiweř, min d as yumuren, i ayt n Israyil. ³⁵Uca ƣrin ayt n Israyil udem n Musa, aqqa tiřmect n wudem nnes yařeqq, *xenni* yarra Musa ařeħħaf x wudem nnes, ařami dd-yudef ħima akis issiweř.

Asewjed n řebni n Uqiđun n umsagar

35 ¹Musa issmun marra tamesmunt n ayt n Israyil uca inna asen "Ina d awařen inni yumur SIDI ħima ad ten teggem. ²Setta n wussan ad tegged řxedmet uca deg wass wiss sebea ad awem yiři iqeddes, aqqa-t d ssebt, arraħet tmun, i SIDI. Kuř iħ wenni i dayes i ƣa iggen *ca n* řxedmet, ad itwaney s tidett. ³War sřuyi timessi di marra tizedday nwem deg wass n ssebt."

⁴Issiweř Musa ak-d marra tamesmunt n ayt n Israyil uca inna “Wa min yumur SIDI, *umi* inna ⁵Ksi zi min yarek ict n tewhibt i ujenna i SIDI. Kuř ij wenni umi yennurzem wuř nnes, ad yawi tawhibt tenni i ya issgaæed yar SIDI: urey d nnuqart d nnhas, ⁶*řeqten* adeħmi d arjuwani d azegg^way iħedqen u řeqten azdad d cċear n tyađdin, ⁷iřmawen izegg^wayen n icarriyyen s uzegg^way n icarriyen d iřmawen n ddenfiřat d ukeccuđ n *tcejjart* n ukasiya. ⁸zzect i tfawt, řetreyya i zlect i wedhan u i řebxur ittfuħen, ⁹izra n biril d izra iřan maħend ad twaggen x upaltu u x tejmet. ¹⁰Marra inni iġan jar awem s wuř d amięis, ad dd-asen ad ggen marra min yumur SIDI: ¹¹Tazeddiyt, Aqıđun nnes, d tseqqaft nnes d tsennarin nnes d tfeřwin nnes d tħenya n uearrađ nnes d ipilaren nnes d tyarsawin nnes, ¹²d řeħmeř ak-d iումad nnes d uřeħħef n weřraħ d uġeħaf i dduři, ¹³d tzewđa ak-d iումad nnes i *tarebbut* d marra dduzan nnes d weyrum n wescan, ¹⁴d řqendiř i tfawt d dduzan nnes d tiftiřin nnes d zlect i tfawt ¹⁵d uealtar n řebxur ak-d iումad nnes d zlect i wedhan d řebxur ittfuħen d arwaq yar tewwart n Tzeddiyt, ¹⁶d uealtar n wecmađ d tracca nnes n nnhas d iումad nnes d marra dduzan nnes d tbanyut s uđar nnes, ¹⁷d řizarat n řemraħ, ipilaren nnes ak-d tyarsawin nsen d arwaq ztat i tewwart n řemraħ, ¹⁸d řewtad n Tzeddiyt d řewtad n řemraħ d ifiřan nsen, ¹⁹arruđ i řxedmet deg uqed-das, arruđ iqeddsen n ukehhan Harun d arruđ n tarwa nnes maħend ad xedmen am ikehhanen.’” ²⁰*Xenni* teffey marra tamesmunt n ayt n Israyil zi ztat n uyembub n Musa.

²¹*Řexdenni* yus-dd marra aryaz umi inhezz wuř nnes u marra wenni umi buħbeř nnes innurzem, uca iwyen-dd tawhibt tenni ssgaæeden yar SIDI, d tenni i ya yiřin i Uqıđun n umsagar u i weebad i dayes u i warruđ iqeddsen. ²²Uca *ammu* usin-dd iryazen řa d timyarin, marra inni umi innurzem wuř nsen uca iwyen-dd timessakin, d texrazin n umezzuy d tinzar d txudan n *ucemmie* d tsedyin n wurey d eřam kuř tamesřact n wurey, *wah* marra inni inhezzen s tmewci n unhezzi i SIDI ammu d wammu. ²³Marra wi yar itwaf *řeqten* adeħmi d arjuwani d azegg^way iħedqen niy řeqten azdad niy cċear n tyađdin niy iřmawen izegg^wayen n icarriyyen niy iřmawen n ddenfiřat, iwyen-dd *man aya*. ²⁴Marra wi issgaæeden tawhibt n nnuqart niy n nnhas, iwyen tawhibt-a yar SIDI, d marra wi yar itwaf ukeccuđ n *tcejjart* n ukasiya, iwyen *man aya* i marra řxedmet di ttwee n weebad.

²⁵Marra timyarin s wuř amięis, qaređcent s ifassen nsent uca iwyent-idd min qaređcent, *řeqten* adeħmi d arjuwani d azegg^way iħedqen d řeqten azdad. ²⁶Marra timyarin nni umi inhezz wuř nsent s tięit, qaređcent cċear n tyađdin.

²⁷Imyaren iwyen-dd izra n biril d izra *iřan* ħima ad twaggen x upaltu u x tejmet, ²⁸d řetreyya d zlect i tfawt d zlect i wedhan d řebxur ittfuħen.

²⁹Ayt n Israyil řewween ad wcen i SIDI, marra iryazen d temyarin inni umi inhezz wuř nsen maħend ad řewween ad wcen i marra řxedmet tenni yumur SIDI ħima ad tetwagg s ufus n Musa.

³⁰*Xenni* inna Musa i ayt n Israyil “Xzarem, SIDI iřaya-dd i **Bařaliyil**, mmis n Uri, mmis n Ĥur, zi řaġ n Yahuda, s yisem nnes. ³¹Iccur it Arruħ n AREBBI s tięit d řeeqeř d tussna d marra *min ittxeřřan* n tzemmar n řřnayee ³²ħima ad yarcem ireqqamen imzewwqen u ħima ad ten igg s wurey d nnuqart d nnhas ³³u i uneqqec n izra *iřan* d usarsi nsen u i uneqqec n ukeccuđ ħima ad ggen marra řeqcuc icnan. ³⁴Igga deg wuř nnes tawengit i useřmed, *deg wuř* nnes d n **Ahuliyab**, mmis n Axisamak, zi řaġ n Dan. ³⁵Iccur iten s tięit n wuř, maħend ad ggen marra řxedmet: aneqqec, arcam, amuddi s *řeqten* adeħmi d arjuwani d azegg^way iħedqen d řeqten azdad uřa aderraz, *wah*, *řxedmet* n inni ittšenneen eřam kuř tamesřact d inni yareccmen ireqqamen izewwqen.

36¹Bařaliyil d Ahuliyab d marra iryazen s wuř amięis, umi iwca SIDI tięit d řeeqeř maħend ad ssnen mammec i ya ggen marra i weebad n zzawect tamqeddast, ggin marra am mammec yumur SIDI. ²Musa iřaya i Bařaliyil d Ahuliyab d kuř aryaz s wuř amięis, umi igga SIDI tięit deg wuř nnes uřa d kuř ij wenni umi inhezz wuř nnes, maħend ad dd-yas yar řxedmet uca ad tt igg.

³Marra tawhibt tenni ssgaæeden ayt n Israyil i řxedmet i weebad n zzawect tamqeddast maħend ad zzayes tt ggen d tenni iġan ztat i uyembub n Musa, iwyen tt ssa. Uca *aqqa ead* řewween ad as-dd awyen kuř řřbeħ *tiwhibin*. ⁴*Xenni* usin-dd marra imięisen inni tuya iceyřen x marra řxedmet n zzawect tamqeddest, ij awarni wenneđni, ⁵uca ssiwřen ak-d Musa, nnan “Řgens yiwi-dd sennej min ittxeřřen di ttwee n řxedmet n min yumur SIDI ad itwagg.” ⁶*Řexdenni* yumur Musa ħima ad barrħen di tesqift, ad inin “War tejji aryaz niy tamęart ead ad igg ca n řxedmet tenni i ya issgaæed d tewhibt i zzawect tamqeddast!” Ammu itwamnee řgens ad yawi *ead ktar*, ⁷minzi cfa min ggin i marra řxedmet i gguren ad tt ggen, *aqqa icetř ead ktar*.

⁸Jar inni yar tuya řxedmet, marra imięisen n wuř ggin **Tazeddiyt** zi **ecra n tjařtiřin n řeqten azdad immuden u n řeqten adeħmi d arjuwani d azegg^way iħedqen ak-d ixirubinen** inni xasen itwaggen elaħsab ij n ureqqem

amzewweq. ⁹Tuzzeggart n ict n tjařtiřt tuřa-tt tmentec n iřaęen, d tiru n ict n tjařtiřt tuřa-t arebea n iřaęen u marra tjařtiřin řarsent d řeřbar d ijj. ¹⁰Issmun xemsa n tjařtiřin ict ak-d tenneđni uca xemsa n tjařtiřin issmun itent *εawed* ict ak-d tenneđni. ¹¹*Xenni* igga tisarawin ideřmaniyyen x tma n ict n tjařtiřt řar mani i řa tetwassmun uca amenni tent igga *εawed* di tma n tjařtiřt tenneđni řar mani i řa tetwassmun ak-d tenneđni. ¹²Igga xemsin n tsarawin x tma n ict n tjařtiřt d xemsin n tsarawin x tma n tjařtiřt tenni i řa tetwassmun ak-d tenneđni, ař i řa řřen tsarawin *nican* ict deg wenneđni. ¹³Igga *εawed* xemsin n tsennarin n wureř uca issmun tjařtiřin ict i tenneđni s tsennarin uca *ammu* tedweř Tzeddiyt d icten.

¹⁴Igga *εawed* **tjařtiřin n cęar n řayđin** ařami řa *iřint* d aqıđun x Tzeddiyt. Igga řideac n tjařtiřin. ¹⁵Tuzzeggart n ict n tjařtiřt tuřa-tt řřatin n iřaęen, d tiru n ict n tjařtiřt d arebea n iřaęen. řideac n tjařtiřin řarsent řeřbar d ijj. ¹⁶Netta issmun xemsa n tjařtiřin weřdsen uca *sennej xasent* setta n tjařtiřin weřdsen. ¹⁷Igga xemsin n tsarawin x tma n tjařtiřt mani i tt řa ssmunen *ak-d tenneđni* uca igga *εawed* xemsin n tsarawin x tma n tjařtiřt tenni i řa tetwassmun ak-d tenneđni. ¹⁸Igga *εawed* xemsin n tsennarin n nnřas řima *ad zzaysent* itwassmun Uqıđun mařend ad idweř d ijj.

¹⁹Igga *εawed* **ict n tseqqaft n iřmawen izegg^waęen n icarriyyen** uca sennej i man aya **ict n tseqqaft n iřmawen n ddenřiat**.

²⁰Igga **tifeřwin** i Tzeddiyt s ukeccuđ n *tcejart n* ukasiya, řima ad iřint beddent nican. ²¹Tuzzeggart n ict n tefrewt d eęra n iřaęen u tiru n ict n tefrewt d ijj n uřıř d wezyen. ²²Kuř tafřewt řares tnayen n iđaren, ggin amecnaw tiwečmatin řřarf i wayawya. Ammu i igga s marra tifeřwin n Tzeddiyt. ²³Igga tifeřwin i Tzeddiyt, eicrin n tfeřwin řar uęezdis n tcarmin, řar řjihet n tcarmin. ²⁴Igga *εawed* arebein n **tyarsawin n nnuqart** sadu eicrin n tfeřwin, tnayen n tyarsawin sadu ict n tefřewt i tnayen n iđaren nnes, d tnayen n tyarsawin sadu tefřewt nneđni i tnayen n iđaren nnes. ²⁵Igga *εawed* eicrin n tfeřwin i uęezdis nneđni n Tzeddiyt, řar řjihet n ccamal ²⁶s arebein n tyarsawin n nnuqart nnes, tnayen n tyarsawin sadu ict n tefřewt, d tnayen n tyarsawin sadu tefřewt nneđni. ²⁷I uęezdis n řřarb n Tzeddiyt igga setta n tfeřwin. ²⁸Igga tnayen n tfeřwin d tifeřwin i řyemmar n Tzeddiyt řar tnayen n ięezdisen n đeffar. ²⁹Zi swad-day tuřa řeřqent uca amenni qqimen řeřqent ař sennej *mani ssmument* řar texrazt tamezwarut. Ammu i igga s tnayen n *tfeřwin* tinni ięan i tnayen n řyemmar. ³⁰*Ammu* i din tuřa tmenya n tfeřwin s tyarsawin nsent n nnuqart, aqqa-tent settin n tyarsawin: tnayen n tyarsawin sadu kuř tafřewt. ³¹Igga *εawed* **tıřenya n uęarređ** zeg ukeccuđ n *tcejart n* ukasiya, xemsa n tfeřwin řar ij n uęezdis n Tzeddiyt ³²u xemsa n řřenya n uęarrađ i tfeřwin řar uęezdis nneđni n Tzeddiyt d xemsa n řřenya n uęarrađ i tfeřwin n Tzeddiyt řar tnayen n ięezdisen n řřarb. ³³Tařnact n uęarrađ di řweřř igga itt ad teřza zi řweřř n tfeřwin zeg ixef nni ař wenneđni. ³⁴Ięeęef tifeřwin s wureř uca igga tixrazin nsent n wureř mařend ad daysent igg tıřenya n uęarrađ uca *uřa d* tıřenya n uęarrađ ięeęef itent s wureř.

³⁵Igga ij n **uęeřaf** zi *řeqten* adeřmi d arjuwani d azegg^waę iředqen u zi řeqten azdad immuden uca igga xas ixirubinen ełařsab ij n ureqqem amzewweq. ³⁶Igga arebea n ipilaren n ukeccuđ n *tcejart n* ukasiya uca ięeęef iten s wureř. **Tisennarin** nsen tuřa-tent n wureř. Ifsi i *ipilaren* arebea n tyarsawin nsen n nnuqart.

³⁷Igga ij n **arwaq** i tewwart n Tzeddiyt zi *řeqten* adeřmi d arjuwani d azegg^waę iředqen u zi řeqten azdad immuden, *igga it* d ij n umuddi afenyani, ³⁸s xemsa n ipilaren nnes d tsennarin nnes. Ięeęef tizeęifin nsen d iqedban nsen s wureř. Tiyarsawin nsen tuřa-tent n nnřas.

37 ¹Igga Bařaliyil **Řeřmeř** n ukeccuđ n *tcejart n* ukasiya. Tuzzeggart nnes tuřa-tt tnayen n iřaęen d wezyen u tiru nnes ij n uřıř d wezyen uca řueřa nnes ij uřıř d wezyen. ²Ięeęef it zi daxeř u řar barra s wureř iřfan uca igga ij n zzwaq n wureř i d as-dd innđen. ³Issefsi as arebea n texrazin i arebea n řyemmar nnes, tnayen n texrazin i ij n uęezdis d tnayen n texrazin i uęezdis nneđni. ⁴Igga ięumad i *tarebbut* zeg ukeccuđ n *tcejart n* ukasiya uca ięeęef iten s wureř. ⁵Igga ięumad di texzarin řar tnayen n ięezdisen n Řeřmeř, mařend ad *zzaysen* arbun Řeřmeř. ⁶Igga **ařeřheř n weřřař** n wureř iřfan s tuzzeggart nnes n tnayen n iřaęen d wezyen d tiru nnes n ijj n uřıř d wezyen. ⁷Igga *εawed* **tnayen n ixirubinen** n wureř. Igga iten *amecnaw* ict n řxedmet n wemziř i *dd-itteffyen* zi tnayen n ixfawen n uřeřheř n weřřař. ⁸Ijj n uxirubin *iffey* zeg ijj n ixef řar uęezdis-a d uxirubin wenneđni zeg yixef nneđni řar uęezdis nneđni. Igga ixirubinen zi tnayen n ixfawen n uřeřheř n weřřař. ⁹Ixirubinen sswizzđen afriwen nsen sennej uca s wafriwen nsen đřin ařeřheř n weřřař. Ięembab nsen tuřa iijen qibač i wenneđni uca *di řweqt d icten* tuřa ięembab n ixirubinen řar uřeřheř n weřřař.

¹⁰Igga *εawed* **ict n tzewđa** n ukeccuđ n *tcejart n* ukasiya, tuřa tuzzeggart nnes tnayen n iřaęen d tiru nnes ijj n uřıř d řueřa nnes ijj n uřıř d wezyen. ¹¹Ięeęef itt s wureř iřfan uca igga as ij n zzwaq i d as-dd innđen. ¹²Igga *εawed* ict n tmewwa i d as-dd innđen s ijj n cbar n ufus uca igga ij n zzwaq n wureř řar tmewwa. ¹³Issefsi as arebea n texzarin uca igga tixzarin řar arebea n řyemmar nni ięan řar arebea n iđaren nnes. ¹⁴Tuřa tixzarin ztat n tmewwa mařend ad

daysent twaṭṭfen iɛumad ḥima ad zzaysen arbun tazewḍa. ¹⁵Igga iɛumad n ukeccuḍ n *tcejjart n* ukasiya uca iyeḡef iten s wurey maḥend ad zzaysen arbun tazewḍa. ¹⁶Igga řeqcœ i tzewḍa s wurey iřfan, ṭṭbaři, d tyenjajin d řkisan d iřarrafen s inni i ya kebben.

¹⁷Igga **řqendiř** n wurey iřfan am řxedmet n wemziř. Adaf n uḍar nnes d iyaḡen nnes, d řkisan nnes d tteffaḥin nnes d nnuwwar nnes tuya zzayes *i-dd tteffyen*. ¹⁸Zeg iyezdisen nnes ffyen-dd setta n iyaḡen, třata n iyaḡen zeg ij n uyezdís n řqendiř d třata n iyaḡen zeg uyezdís nneḍni n řqendiř. ¹⁹Yar ijj n uyiř tuya din třata n řkisan amecnaw *nnuwwar n* ḡewz s *ict n tteffaḥt d ij n* nnuwwar uca x uyiř awarni as *ɛawed* třata n řkisan amecnaw *nnuwwar n* ḡewz uca ammu *marra* setta n iyaḡen inni dd-itteffyen zi řqendiř. ²⁰Yar řqendiř simant nnes tuya din arebea n řkisan amecnaw *nnuwwar n* ḡewz s tteffaḥin d nnuwwar nsen. ²¹Sadu tyuya n iyaḡen i zzayes-dd *iffyen d amezwaru* aqqa din tteffaḥt uca *amenni* i din tteffaḥt sadu tyuya n iyaḡen i zzayes-dd *iffyen awarni as* uca uřa din tteffaḥt sadu tyuya n iyaḡen i zzayes-dd *iffyen awarni as*. *Man aya iḡa ammeni* i setta n iyaḡen i zzayes-dd *iffyen*. ²²Tuya titeffaḥin nsen d iyaḡen nsen ffyen-dd zzayes. *Marra man aya* tuya d icten *n řxedmet* zeg wurey iřfan itwaggen s wefḍis. ²³Igga setta n teftiřin nnes ak-d tjeqqaqḍin nnes d tmejmarin nnes, *marra* n wurey iřfan. ²⁴Igga **řqendiř** ak-d *marra* dduzan nnes zeg icten n ‘talint’ n wurey iřfan.

²⁵Igga **aɛalřar n řebxur** zeg ukeccuḍ n *tcejjart n* ukasiya s tuzzeggart nnes n ijj uyiř u tiru nnes n ijj n uyiř. Tuya-t s arebea n tyemmura. řuɛřa nnes tuya-t tnayen n iyaḡen. Iqiccawen nnes ffyen zzayes, d ijj akís. ²⁶Iyeḡef it s wurey iřfan, tazeqqa nnes d iyezdisen nnes i d as-dd innḍen uca *ɛawed* iqiccawen nnes uca igga ij n zwwaq n wurey i d as-dd innḍen. ²⁷Igga as tnayen n texrazin n wurey sadu zwwaq nnes i tnayen n tyemmar nnes řar tnayen n iyezdisen nnes, ḥima ad daysent igg iɛumad ad zzaysen t arbun. ²⁸Igga iɛumad n ukeccuḍ n *tcejjart n* ukasiya uca iyeḡef iten s wurey.

²⁹Igga *ɛawed* **zzect tamqeddest i wedhan d řebxur iřfan ittfulen** am ten igga ueṭřarř.

38 ¹Igga **aɛalřar n wecmad** s ukeccuḍ n *tcejjart n* ukasiya. Tuzzeggart nnes tuya-tt xemsa n iyaḡen d tiru nnes xemsa n iyaḡen, tuya-t s arebea n tyemmura, u řuɛřa nnes tuya-t třata n iyaḡen. ²Yar arebea n tyemmar igga iqiccawen nnes. Iqiccawen nnes tuya-ten d iijen akís. Iyeḡef it s nnḥas. ³Igga *marra* dduzan i uealřar, teydar , d iyenjayen, d ṭṭawayat i urucci, d furcayet, d tmejmarin, *marra* dduzan-a igga iten s nnḥas. ⁴Igga ict n *tracca*, ict n umuddi n nnḥas, i uealřar *uca igga itt* sadu tma, zi swadday tarettabt *n uealřar* ař azyen *n řuɛřa*. ⁵Issefsi arebea n texrazin i arebea n ixfawen n *tracca* n nnḥas, maḥend ad daysent twaṭṭfen iɛumad *n tarebbut*. ⁶Igga iɛumad zeg ukeccuḍ n *tcejjart n* ukasiya uca iyeḡef iten s nnḥas. ⁷Igga iɛumad di texrazin řar iyezdisen n uealřar maḥend ad zzaysen arbun. Igga it s tfeřwin *ak-d řxawi di daxeř nsent*.

⁸Igga **tbanyut n nnḥas** s uḍar nnes n nnḥas zi tísitin n terbiḥt n temřarin nni itwařeqqmen maḥend ad xedment řar tewwart n Uqıḍun n umsagar.

⁹Igga **řemraḥ**. Yar uyezdís n tcarmin, řar jjihet n tcarmin, tuya tuzzeggart n řizarat n řemraḥ mya n iyaḡen zi řeqten azdad immuden. ¹⁰Eicrin n **ipilaren** nnes d eicrin n **tyarsawin** nsen *tuya-ten* n nnḥas. Tisennarin n ipilaren d **iqeḍban** nsen *tuya-tent* n nnuqart. ¹¹Yar uyezdís n ccamal *ɛawed řizarat s ict n tuzzeggart n* mya n iyaḡen ak-d eicrin n ipilaren nsent ak-d eicrin n tyarsawin nsen n nnḥas uca tisennarin n ipilaren d iqeḍban nsen n nnuqart. ¹²Yar uyezdís n řřarb *tuya tuzzeggart n* řizarat xemsin n iyaḡen, ak-d *ɛcra* n ipilaren nsen d *ɛcra* n tyarsawin nsen. Tisennarin n ipilaren d iqeḍban nsen *tuya-ten* n nnuqart. ¹³Yar uyezdís n ccarq, řar jjihet n wenřar n tfuct, *ict n tjařtiřt n* xemsin n iyaḡen. ¹⁴Tuya řizarat řar ij n uyezdís n zzat xemmestac n iyaḡen *di tuzzeggart* ak-d třata n ipilaren nsen d třata n tyarsawin nsen. ¹⁵Yar uyezdís n zzat nneḍni n tewwart n řemraḥ, řar uyezdís-a d uyezdís nni, *tuya* řizarat daysen xemmestac n iyaḡen di tuzzeggart ak-d třata n ipilaren nsen d třata n tyarsawin nsen. ¹⁶*Marra* řizarat nni d as-dd innḍen i řemraḥ tuya-ten n řeqten azdad immuden. ¹⁷Tyarsawin n ipilaren *tuya-tent* n nnḥas d tsennarin n ipilaren d iqeḍban nsen n nnuqart, uca takursit x izeḡifen nsen *tuya-t* n nnuqart d *marra* ipilaren n řemraḥ tuya yeḡfen s nnuqart. ¹⁸Tuya arwaq n tewwart n řemraḥ d ij n umuddi afenyani s *řeqten* adeḥmi d arjuwani d azegg^way iḥedqen u zi řeqten azdad immuden. Tuzzeggart nnes tuya tt eicrin n iyaḡen, d řuɛřa x *marra* tiru *nnes* xemsa n iyaḡen, amecnaw řizarat n řemraḥ. ¹⁹Arebea n ipilaren d arebea n tyarsawin nsen tuya-ten n nnḥas, d tsennarin nsen zi nnuqart, uca tkursit x izeḡifen nsen d iqeḍban nsen tuya-tent n nnuqart. ²⁰*Marra* řewtad n Tzeddiyt d řemraḥ i d as-dd innḍen tuya-ten s nnḥas.

²¹Man aya d min issuffyen i Tzeddiyt, Tazeddiyt n Chadet, uca aqqa zemmen t s řumur n Musa i weebad n Ilawiyyen s ufus n Itamar, mmis n ukehhan Harun. ²²Başaliyil mmis n Uri, mmis Ħur, zi teqbič n Yahuda, igga marra min d as yumur SIDI i Musa. ²³Tuġa akis Ahuliyab, mmis n Axisamak, n řaġ n Dan, aneqqac d ufenyani d utarraz n řeqten adeġmi d arjuwani d azegg^way iħedqen d řeqten azdad. ²⁴Marra ureġ issxedmen i řxedmet i marra min iġan i weebad di zzawect tamqeddast, tuġa d ureġ n tewhibin i ujenna: tesea-u-eicrin n ‘talint’ uca sebe-my-a-u-třatin n uciqqel ełahsab aciqqel amqeddes. ²⁵Nnuqart n inni itwaħesben n tmesmunt tuġa-tt mya ‘talint’ d ařef-u-sebe-my-a-u-setta-u-sebei n uciqqel, ełahsab min dd-ittawi uciqqel amqeddas. ²⁶Ict n ‘bikat’ i ijj n uzeġif, aqqa-tt d azyen n uciqqel ełahsab min dd-ittawi uciqqel amqeddes, zi marra wi iedun ġar inni itwaħesben, zi eicrin isegg^wusa ġar zzat, setta-myat-ařef-u-teřt-ařaf-u-xems-my-a-u-xemsin n yeryazen. ²⁷Tuġa *din* mya n ‘talint’ n nnuqart ġima ad zzayes ssfesyen tyarsawin n zzawect tamqeddast d tyarsawin n uġeħaf: mya n ‘talint’, ict n ‘talint’ i ict n tyarsawin. ²⁸Zeg wařef-u-sebe-my-a-u-xems-my-a-u-sebein n uciqqel i igga tsennarin i ipilaren, iyeġef tizeġifin nsen uca igga asen iqedban. ²⁹Nnħas n tewhibin i ujenna tuġa-t sebein n ‘talint’ d ařfayen-u-arebea-my-a n uciqqel. ³⁰S man aya igga tyarsawin i tewwart n Uqidun n umsagar d uełtar n nnħas d tracca nnes n nnħas d marra dduzan i uełtar ³¹d tyarsawin n řemraħ i d as-dd innđen d tyarsawin n tewwart n řemraħ d marra řewtad n Tzeddiyt d marra řewtad n řemraħ.

39 ¹Ggin *ewawed* arruđ i řxedmet deg uqeddas s řeqten adeġmi d arjuwani d azegg^way iħedqen. *Eawed* ggin **arruđ** iqeddes i **Harun**, am mammec d as yumur SIDI i Musa.

²Igga **apaltu** zeg wureġ u zi řeqten adeġmi d arjuwani d azegg^way idħedqen u zi řeqten azdad immuden. ³Bezzeen tiřwiħin n wureġ uca qessen zzaysent ifiřan ġima ad ten txeyyđen jar řeqten adeġmi d arjuwani d azegg^way iħedqen u jar řeqten azdad, *d man aya tuġa* d ict n řšenet icnan. ⁴Ggin as tiyarđin i wesmuni uca ssmunen *apaltu* ġar tnayen n ixfawen nnes. ⁵Taħezamt izewwqen i tuġa ġar upaltu idweř d ijjen akis s *ufiřu* n wureġ u s *ufiřu* adeġmi d arjuwani d azegg^way iħedqen u zi řeqten azdad immuden, am mammec d as yumur SIDI i Musa. ⁶Nitni ggin *ewawed* izra n biril, inni itwařffen di tcuyař n wureġ, i xef itwanqec, am mammec neqqcen txadent n ucemmiē, ismawen n ayt n Israyil. ⁷Igga iten x tyarđin n upaltu d izra n řidaret i ayt n Israyil, am mammec d as yumur SIDI i Musa.

⁸Igga **tajmect** wenni iġan d ict n řšenet icnan, uca itwagg amecnaw *apaltu* s *ifiřan* n wureġ u s řeqten adeġmi d arjuwani d azegg^way iħedqen u s řeqten azdad immuden. ⁹Tuġa-t s arebea n tyemmura. Ċfsen **tajmect**. Tuġa tuz-zeggart nnes d ijj n cbar n ufus uca uřa d tiru nnes d ijj n cbar n ufus. Tuġa idfes x tnayen. ¹⁰Settffen arebea n řeřfuf n izra: ij n řřef s rubin d ij n tubas d ict n smaraxt. D wa d řřef amezwar. ¹¹řřef wiss tnayen s ij n karbunkel d ij n saffir d ij n diamanti. ¹²řřef wiss třata s ij n yasintu d ij n axat d ij umatist. ¹³řřef wiss arebea s ict n tkrisulit d ij n biril d ij n yaspis. Tuġa twařffen di tcuyař nsen n wureġ. ¹⁴Izra tuġa settffen ełahsab ismawen n ayt n Israyil, teneac n *izra*, uca ismawen nsen twaneqcen daysen am mammec neqqcen txadent n ucemmiē, zi kuř ijj tuġa xas isem nnes, i *kuř ijj* n teneac n tqebbař. ¹⁵Ķar ixfawen n tejmect ggin ssnaseř, amecnaw ij n ufiřu immuden zeg wureġ iřfan. ¹⁶Ggin tnayen n tcuyař n wureġ d tnayen n texrazin n wureġ uca metnen tnayen n texrazin ġar tnayen n ixfawen n tejmect. ¹⁷Cedden tnayen n ssnaseř innđen n wureġ ġar tnayen n texrazin ġar ixfawen n tejmect. ¹⁸Tnayen n ixfawen n tnayen n ssnaseř innđen, cedden ten ġar tnayen n tcuyař uca wcin tent x tyarđin n upaltu, deg wudem n zzat. ¹⁹Ggin *ewawed* tnayen n texrazin, cedden tent ġar tnayen n ixfawen n tejmect, di tma nnes ġar daxeř, ġar mani iġa upaltu. ²⁰Ggin *ewawed* tnayen n texrazin n wureġ, cedden tent ġar tnayen n tyarđin n upaltu, swadday, ġar řtarf n zzat, cwayt sennej i tħezamt izewwqen n upaltu maħend ad ssmunen *ak-d texrazt n swadday n uħeřtu n idmaren*. ²¹Uca cedden tejmect s texrazin nnes ġar texrazin n upaltu *ak-d* ij n ufiřu adeġmi ařami idweř sennej i tħezamt izewwqen n upaltu, uca *xenni* war tbeřti tejmect x upaltu, am mammec d as yumur SIDI i Musa.

²²Igga *ewawed* **aseřham** am mammec t ittegg uderraz, *tuġa-t* marra s ufiřu adeġmi. ²³Arzam n useřham tuġa t di řwest amecnaw arzam n yiri n warruđ n ueeskari. Timewwa i warzam din ij n tma maħend war ittcarrig *useřham*. ²⁴Ķar iyezdisen n useřham ggin tiremannin zi řeqten adeġmi d arjuwani d azegg^way iħedqen u s *ufiřu* immuden. ²⁵Ggin *ewawed* nwaqes n wureġ iřfan uca ssarsen nwaqes nni jar tiremmanin ġar tma n *wadday* n useřham deg wenneđ jar tremmanin. ²⁶Ijj n nnaqus d ict n tremmant, *xenni ewawed* ijj n nnaqus d ict n tremmant, ġar tma n *wadday* n useřham deg wenneđ maħend ad ggen řxedmet akisen, am mammec d as yumur SIDI i Musa.

²⁷Ggin **arruđ n teřmect n Harun d tarwa** nnes s řeqten azdad, *amecnaw* t ittegg uxeyyađ, ²⁸**arezzet** n řeqten azdad d **iħewwaqen** n řeqten azdad d **sraweř n řeqten** zi řeqten azdad immuden ²⁹uca tuġa taħezamt n řeqten azdad immuden u n *ufiřu* adeġmi d arjuwani d azegg^way iħedqen, aqqa-tt d ij n umuddi afenyani, am mammec d as yumur SIDI i Musa.